

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮӖР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

8

МОЗ (АВГУСТ)

2011

ТАЙӖ НОМЕРЫН:

Василий ЛОДЫГИН. Гурйыв восьса эрдын. Кывбуръяс	3
Алексей ВУРДОВ. Зарни куд. Висът	6
Юрий ВАСЮТОВ. Салдат Васюта. Казытылана повесът	11
Валерий ВЬЮХИН. Выль кывбуръяс	24
Илья ПЫСТИН. Фронтӧвӧй лун-войяс. Повесът	27

КОМИ РЕСПУБЛИКАЛЫ — 90

Иван ТОРОПОВ. Шызьӧдӧм Тӧбукин. Очерк	45
Дмитрий МОТОРИН. Тадз ломзис Войвывса кодзув. Очерк	51
Георгий ТОРЛОПОВ. Ӧти важ фотоснимок йылысь	76
Андрей ВЛАСОВ. Пельтӧм Страдивари. Висът	79

Обложка вылын снимокыс **Евгения Лобановалӧн.**

© «Войвыв кодзув» («Северная звезда»), 2011 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

ПОЛУГРУДОВ А.В.

Ответственный
секретарь

КИЧИГИН И.Н.

УЛЯШЕВ О.И.

ЛИМЕРОВА В.А.

ТИМИН В.В.

УЛЬЯНОВ А.В.





Гурйыв восьса эрдын

* * *

Пöль на мырсö бертис,
Бөрйис аслыс ин.
Гурйыв восьса эрдын
Миян чужанін.

Гурйыв восьса дзиръя,
Гурйыв восьса жыр.
Лөсялöны виръяс,
Олысь тась оз быр.

Гурйыв восьса сьölöм,
Гурйыв восьса лов.
Некод потшöс пölөн
Коньөрөн оз ов.

Гурйыв восьса эрдын
Миян чужанін.
Шонді, гашкö, бердас,
Гортлөн би оз чин.

* * *

Енэжö менö оз кыскы,
Му вылас медся на бур.
Пармайö корнас да лыснас
Енэжсьыс некор оз сюр.

Енэжас бипур он песты,
Енэжас лэчтуй он кут.
Абу сэн вуграсян места —
Ме кодлы медыджыд шуд.

Енэжö öшйöны юсьяс,
Найö и лэбöны мед.

Визьныс кор син улö усьö,
Окота лолö жö, дерт.

* * *

Кöкыс бура дыр на лыддьö,
Ачым кыла: эм на вын.
Бурсö виччыся на быттьö,
Кöть и омöльсьыс ог мын.

Менлы вылö нэмсö лоö
Парма, ордым, вуж да ув.
Гортö ноппйон на век воа,
Йöзлысь паньсö ме ог нюв.

Вöрын некодi оз вөрзьöд,
Вермас пурны сöмын морт.
Сьылан вöтлысьö ме бöрся,
Сылон эм жö би да борд.

Мамö челядьон на лыддьö:
Он пö кывзы кыв ни джын.
Бурсö виччыся на быттьö,
Лёксьыс некор кöть ог мын.

* * *

Ме дорö кöмөн эн пырöй,
Няйтсö эг радейтлы нэм.
Кокнытö прöстмöдны дыр-ö?—
Посводзын тяпи öд эм.

Ме дорö дозийон эн пырöй,
Винасьыс куимысь пöt.
Юи кö — важон нин быри,
Сьыланö кывъяс эг лöд.

Ме дорö могъясөн пырöй,
Отсала кызкö да век.
Омöльыс асланьыс нырö,
Но öд и ме — абу шег.

Ме дорö сьыланон пырöй,
Öтлаын кыпöдам лов.
Сьöлöмным радлунон тырö,
Весиг и няньыс оз ков.

* * *

Ме абу пасö лыйсьысь,
Ме — вöралысь, ме — кыйсьысь.
Лöз парма вуджысь-лойысь,
Би весьтысь шыдсö сёйысь.

Вөр керкаясын узысь,
Ныр вылө абу усьысь.
Сөдз визув бокин олысь,
Код тодас кытчө волюсь.
Ён бушковъяскөд вензысь,
Быд кыа вылө шензысь.
Бур пельон ставсө кылысь
Да та йылысь и сьылысь.

Яга ёль

Мөд нимыс тэныд оз и лөсяв,
Дзик пожом яга Яга ёль.
Сөдз сёрни тэнад медся лосьыд,
Сюсь тільгун тэнад зиль да зель!

Ме потмөн озъя ватö юа
(Быд вуджанінын чибльөг эм)
Да аслым, буракö, и шуа,
Мый гортын медся шуда нэм.

И кывбур восьлалігöй чужö,
И сьывны горөдлывла век.
Ме вöрсö-васö дыр на вуджа,
Ме дыр на кытöнкö ог чег.

* * *

Кысь пö тэныд татшөм кывйыс?
Он-ö кытыськö да тывъяв?
Кысь нö ог? Ме нэмсö тывъя,
Кöвта мича коми кывъяс.

Кöвта найöс ваысь-вöрысь,
Ёнджыкасö парма шöрысь.
Сэні кывйыс сөстөм лола,
Сэтшөм гижөдлы и колö.

Сійö небыд, сійö мыла,
Сійөн сьölöмыд и сьылö.
Водзö кöвта ваысь-вöрысь,
Тывйöй век öд менам сьöрысь.

❖ ❖ ❖

Зарни куд

В И С Ъ Т

Өні этшаён тёдөны Удораын Изьваса туй йылысь. А өд коркө водзынджык йёзыс ям новлөдлісны, купечьяс кыскалісны вузос, крестьяна шөр могъяс вöснаыс вуджавлісны кузь туйкост...

Колис нин сё во гөгөр өти вөвлөмторсянь. Сы серти и лөсьө-дöма тайö легенда кодъ висьтсö. Томдырйи нин кывлі, кык морт пö, абу сэтчөс войтыр, Слөббөда-Яг грездянь туйö петöм бöрын вошöмаöсь. Йирваса олысьяс висьтавлісны, быттö мунысьяслөн көлуй пытшкас вөлöма серлөдлөм доръяса зарни куд. Буракö, сы вöсна тайö сёрниыс öнөдз на кутчысьö сиктса йöз костын. Изьваса вöла туйсö важөн нин эновтöма, сюрс öкмыссё комынöд воясö на, и öнйа кадö вөрөн тырöмысла сійö, дерт, оз нин тöдчы.

1909 вося ноябр 19 лунö асывнас, югдігөн на, Слөббөда-Ягса олысь Прок Сем кольбөдіс кильчö помсяньыс кык гөстьöс. Найö тэрмаситгыр гөррдзалисны додö бөжö көлуйсö кышпöдөн вевттöмөн.

«Но, вöйтырö, асы нальпак* бара усьöма. А енэжыс, ме думысь, сзёмас, мунны лоö бур, да и сёрманныд кө, ям керкаöдз воштöд-чыны тöлысьыс югзьöдас туйнытö. Бур туй! Мед Енмыс видзас тиянös!»— пернапасалис дед туйö петысьясös. Мужичöйяс копыртчöмөн воча аттöалисны көзяинös да пасясьöмөн пуксисны доддö. Кыккокийыв лэдзöм сьöд уж вöv шойччöм бöрас кокниа кайис джуджыд кыр паныд öдöбсö вежлытөг. А бöрсяньыс додö бөжас кузь повод вылö домалöм рыжой көбыла эз кольччы.

«Ф-у-у! Кутшöм лөсьыд лов пытшкын! Öд гортö мунам, гортö! Василий Леонидович, кылан-ö?— долыдпырысь пондіс сёрнитны арлыдаджык ёртыс, коді пукаліс нисьö куйліс воротникнас чужöмбансö тövсьыс тупкөмөн. Сійö көсийс сьölөмсяньыс ыззьöдны вöла-доддөн веськөдлысьös.— Енмö! Дас куим во чужанінös эг аддзый!»

«Кыла, кыла, Иван Евсеевич! А ми могысь да Ен могысь ас муöдз непременно воштöдчам! Эн майтчы!— паныд шыöдчис Лёнъ Вась да горөдіс вöлыслы:— Но-о-о! Сьöд мулюк, нöшта öдöбсьы!»

«А öд Семён Прокопьевич көть и асныра дед, а вердіс-удіс, узыланін сетіс да нöшта на и сурөн юктөдіс. Но, молодец! И веськыда висьталіс, туйö пö позяс петны, крепыд көдзыдъяс көть вөлöмны, а бөръя лунъяссö сöмын лымъялöма. Мый шуны? И чери курникъясдö туй вылö сетіс, и небыд нянь тупось!»— водзö нуөдіс сёрнисö Евсей Вань.

«Иван Евсеевич! Ö-ö-ö! Важөнкодъ нин туйсö некутшöм ветлысь абу тальöма»,— юрсö бергөдөмөн шуис веськөдлысь, ручкуысь вурөм шапкасö кинас лөсьөдігыр.

Козъя сьöд вөр корсюрö вежласис гулыд яг вывъясөн, а сзэсса нюжалісны чукля пуяса, вешкаён пасъялөм туя нюръяс.

* *Н а л ь п а к* — пороша, вольд, сибус.

Южмём посийм визыис рөчөн-рөчөн волялис йизьём гөпъясөн. Лёнь Вась личөдіс вөжжисө, и вёлыс довгис йи кузя. Но өтилаян көбылаяс веськалис бөр кокнас потасө и мөдіс вöйны кизьөр торфö. Пессыйс пемөсөс кык ёртлы мөд вөв отсөгөн öдвa удайт-чис кыскыны да мездыны неминучаыс. Мудзём и көтасьём мунысыяс вöраинö пырём бöрын медводз шойччисны, а вөвлыс дойдалём кокчөръяссö көрталісны дöраторъясөн.

«Да-а! Мыйта кад воштім, а ям керкаөдз, ме думысь, мөд та мыдта на упкыны колис,— тöждысяна гөлөсөн шыөдчис Евсей Вань.— И поводдяыс, збыльысь, сзёмис, кызд дедыс висьтавліс. Пöжалуй, ёнджыка на көдздöдас».

Сы кості төварышыс чер тышкөн видзчысьёмпырысь крапөдіс додь сювъясас йи палакъяссö чуктöдалөмөн да шуалис: «Едри-твоё коромысло! Тайкө пакöсть эз артмы! Бур, мый сьöд «мери-ныс» ён, дявöлыд, да отсалис кыскыны көбыласö. Бласлө Кристос!»

Водзö туйыс кытшалалис кыръяс костті увлань лэччөмөн. Пожём сора чукая чальяса нэмөвöйся гежөд ныв пуяс быттö öшa-ліны вывсян да стрöжитөмөн кольөдісны мунысыяссö. Со и вуджисны дзуртысь пос вывті паськыдкодь вöрса ю. Нуöдысь вöлыс нылöдöмысла сьöкыда пушкис руөн, а куржөвитөм ныр-вомыс да морöсыс еджісны көдзыдысла. Лёнь Вась гөна кепысыяса кияснас вөжжисö крепыда кутөмөн вомгорулас нюж-йöдліс-сьыліс, а Евсей Вань вугралис думъясас вöйтчөмөн. И другысь тшöкыд вöраинті вуджигөн коллысысьылы син улас усисны виль кок туйяс. Морт сувтсөн туй бокас видзöдөмөн ньöж-мöдыштіс вөвсö и сөмын сэки гөгөрвоис: «Едри-твоё коромысло! Чö, тайö — көинъяслөн...! Ак! Абу ас кадö! Асы регыд дзикöдз пемдам!»

Кутшөмкө кад Лёнь Вась чөв на оліс, а сэсса веськыд туй вылө петөм бöрын сувтөдіс вөвсö да тшöктіс ёртыслы: «Иван Евсеевич, вай жö ружьесö перйы, көнкö шуйга дорас, патронта-шыс сэні жö. Вылөн көинъяс прöйдитөмны, витөн кымын. Зара-дит да киясад кут. А кужан-ö лыйсыны?»

«Коркө эськө пицальтö кийн куті, да бөръя воясö перö-ручкаысь кындзи нинөмөн эг «луйсьыв»,— веськыда висьталіс Евсей Вань да гөгрөсіник тошсö малыштөмөн нюммуніс.

«Но, вай видзöдлам, Ен отсөгөн, вермам кө, воштöдчам кер-каөдз, а сэні тыдавны мөдас, мый водзö лоас,— öвтыштіс кинас веськөдлысь да горөдіс:— Но-о! Сьöд мулюк! Лөсйы, кызд вер-ман! Асы, майбыр, яг вывті веськыд туйыс!»

Пемыдыс пуксис тöдлытөг. Дзикöдз лигышмунөм «мулюк» юрсö увлань лэдзөмөн да тшöкыда корсьялөмөн öдвa-öдвa кайис кузь кыр йылөдз, сэсса сувтіс. Кодзула енэжыс ымралис, тöлысьыс быттö нюмъяліс, а лөзоват лымйыс югзис. Ёртъяс лэч-чисны доддьысь да медводз коснысö веськөдісны.

Вась вежис нуöдысь вөвсö домöда бөрвывсанас да сетыштіс налы турун, а та бөрти туисысь рысь ваөн юктөдіс. Асьныс мунысыясыс «шонтысисны» «Смирновъ» водкаөн, Великой Устюг карысь на ньöблісны, да чепялісны чери курник.

Олөмаджык морт, Евсей Вань, виччысьтөг шыөдчис ёртыс дорö: «Ак! Любезнöй, Василий Леонидович! Ме ог тöд, кымын верст колис керкаөдз, но стöча тöда, мый йылысь думайтан. Сы серти и көсья шуны: другысь кө көинъяс петкөдчасны — нуöд

водзö туй кузя, швачöд вöвтö жалиттöг, а ме кыз верма-тачкöда «берданаысь». Ме пондась эн тöждысь!»

«Да, ме мый, кужа вöлыдкöд «сёрнитны»! Öд неважөн на служити кавалерияын, эг на вунöд,— ышловзёмөн вочавидзис Лёнь Вась.— Гортö зэв ёна көсья воштöдчыны! Кутшöмкö люв бöжаяскöд ог öмöй вермö косясьны? А öд найö көнкö эттöс матынöсь, видзöдлы, кызди көбылаыс гөрдломөн чепсасьö».

И збыль, верст мында мунöм бöрын казялісны и бөрвывсянь, и водзвывсянь зверъяслысь мыгөръяссö. Турунвиж биа чутъяс вирдалісны нин синъяс водзаныс, кор Вась горöдіс ёртыслы: «Ваньö! Лый водзсаыслы! Лый! Дзик нин дорся!»

Öтчид, кыкысь, куимысь гымöбтіс лыйöмыс, и пыр жö кыліс омлялом шы. «Ага! öтиöс дзути! Дявöl!»— горöдіс Евсей Вань да нöштаысь куроксö пезыгöдіс.

А «дявöлъяс» öтарсянь и мöдарсянь кытшалісны вöла-доддäöс көчалысь понъяс моз. И другысь öти люв бöжа кань-каньөн матыстчöмөн шыбитчис нуöдысь вöв вылö. Көбыла гөрдломөн сувтіс бөр кокъяс вылас, пукалысьяс турбыльён усисны додьсьыс. Бур, Ваньлён ружьеыс киас колис. Сійö аддзис, кызди кык көин кутчысисны вöвлы бөръя кокъясас, и пыр жö косыштіс пищальысь матыссаыслы. Сэсся, коньөр, сьыліас бөрсянныс сотыштöмысь ачыс садьсö воштіс. А водзö мый лоис, дерт, немтор эз помнит. Ёртыс дорö шыбитчöмөн Вась керыштіс черён зверлы тушаас, мыйысь мöдыс лёкысь омляломөн уськөдчис вөрлань. Вöвлөм служивöй тэрыба зарадитіс «берданасö» да лыйис мöд эргысь көинлы кымöсас. Но кор мужичöй казяліс, мый нöшта куимөн курччалöны бөрвывса вöвсö, сійö бара лыйис наö, а сэсся пуртнас вундіс вöвлысь домöдсö. Нöшта здук мысти, ёртсö доддäö водтöдөм бöрын, Лёнь Вась швачöдіс пессьысь вöвсö мунны водзлань, а ачыс медбөръя зараднас лыйис орччөн чеччалысь көинлы.

Уж — «мулюк» — колис көинъяслы «ужын» вылö, и Вась тöдіс: зверъясыс кө найöс кытшаласны, то воас пом. Патронташыс вöлі куш, а черыс усис додьсьыс. «Да-а! Öти пуртөн нинөм ог вермы карны!»— думайтіс Вась вöжжиөн доймөм вöвнас веськөдломөн. Повзёмысла көбылаыс эз кывзысь, но скачөн дölöдіс туй кузя. Сöмын бөрти нин пемöсыс раммис. Евсей Вань ымзіс и дойысь чукыртчöмөн дзебис юрсö пась пытшкö.

«Иван Евсеевич! Бласлö Кристос! Асы керка тыдовтчис! Зо öд Енмыс воштöдіс эськö, терпитешты неуна, воим нин, воим!»— горöдіс слабмөм ёртыслы Вась, кор казяліс воссьөм эрд вылысь дзoляник öшиньяса, ляпкыдик, неыджыд картабөра кузьмөс керка. Сэсся вайöдіс вöла-додьсö лэбъя кильчöддыс. Кымөм пу каличыс эз сетчы восьтынысö, и мужичöй выныштчöмөн зутшнитіс чабырнас. Лёнь Вась öти кисö водзлань нюжөдөмөн воськовтіс пемыдас. Пытшкөс жырсянныс öвтис пöдөм сынöдөн: важөн нин некоді абу пыралöма. Öзтіс истөгсö да биаліс чеп вылын öшалысь лампасö. Векныд петель помыс тшынасьмөмөн дзизгис да чусыда ымраліс. Вась пөрччис пасьсö да бөр петіс. Ёртсö киняулöдыс кутөмөн ньöжйөнникөн пыртіс, пөрччөдіс да водтöдіс пöлать вылö. «Бур, мый кос пес выйим. Медлым пач ломта да ва шонта. Тэ, Иван Евсеевич, кутчысь! Дерт, виртö неуна воштін, но нинөм, ме тэнö öддäö бурдöда. Вичышты неуна!»— такöдана гөлөсөн сёрнитіс Вась да восьтіс пач трубасö. Регыд мысти нин горъя

пачыс трачкакыліс сотчысь пескөн. Вась йөртіс вөвсө гидняө, чукөртіс пельөсьясысь моздор мында турун да сетіс кок йылас өдва сулалысь пемөслы. А бөртиджык петкөдіс кык пөрт тырлым ва да крепыда, тувйөн пыкөмөн, пөддаліс өдзөссө. Сэсся вөлисти пырталіс көлуйсө: пу тылөс*, кык ташка** да кучик мешөк. Перйис аслас ташкасыс сөстөм чышъян, ичөтик куд, кыз «кока» сись, кружка да тупляс***.

«Но, Иван Евсеевич! Öнi ставыс лючки лоас! Едри-твоё коро-мысло! Да ми на тэкөд ого-го! Менам сьöрам босьтöма и йода гудрас, и порошок,— сёрнитіс Вась тасьтiö шоналöм васö лөдiг-моз да чышъянсö шöри косявлөмөн копыртчис куйлысь дорö. Медводз мыськис көтөдөм ротөн вирөсь дойсö, мавтiс йодөн, пызналыштiс косьтöм бурдөдчанторйөн да көрталіс төбөд.

Евсей Ваньлөн кельдөм чужөм чукуръясас төдчис нюм, а синъясыс весиг югзыштiсны. «Васьö, аттьö тэныд! А гортөдз ме, буракö, ог во. Көдзыд меным,— ньöжмыда, сьöкыда лолалiг-тыр, шыөдчис Вань.— Менам тэ дорö вийим ыджыд мог».

«Зо дутды, Иван Евсеевич! Ме тэнö гортөдзыд вайöда дзонь-видзайөн, «пуля» моз! Кык-куим лун-вой мысти самöвар дорын пукавны пондан. Ставыс бур лоас! Эн шогав!— ланьтөдіс ёртсö Вась да пуктiс пызан вылö руалысь пөртсö.— Асы, чөскыд нуръя шыд пусис! Öнi панясыны мöдам да курник чеплявны. А нöшта на водка фляжкаын колыштi...»

Войся ужнайтөм бöрын пусысь-вердысь вежис Ваньлысь ньылöмысь вазьöм улыс паськөмсö, а сэсся ачыс лажтөдчис орччөн да сургөмөн унмовсис.

Лень Вась садьмис гора шыясысь: «Фу-у-у! Едри-твоё коро-мысло! Мый нö тайö?» Вөлөмкө, висысь ёртыс унийвсыс сөрö.

«Да-а! Тайö абу бур вылö, да и курччалөм ранаясыс лөкөсь, куш лөзөдөмны пыктөмөн. Да-а! Нинөм бурыс!— куйлысьлы плеш вылас кимөдзсö пуктылөмөн төдмаліс жарсö.— Ладнө! Колö петавны уличаө, гашкө, көинъяс важөн нин кильчö дорын миянөс виччысьöны».

Кодзула енэжыс пöшти джынвийөдз вöлі кымөра, но төлы-сыс югзөдіс матiгөгöрсö да кыйкъялөмөн көдзис гөн кодь лым чиръяссö.

Кöбыла куйліс да корсюрö чушкис. Вась кывзысьыштiс, сэс-ся кытшовтiс видзөдласнас керка дорсö, но нинөм эз казав. Кын-маліс да бөр пырис керкаас, выльысь ломтiс пачсö да вежис Вань кымөс вывсыс көтассö. Висысь лöня ымзiс. Шогалысь ёртыс пуксис лабич вылö да вöйтчис сьöкыд думъясö. Жыръяс плавъяліс еджоват тшын. Вась лунтыр бурдөдіс ёртсö, но ви-сьысьлы кокныдджык эз ло. Евсей Вань некымынысь воштыліс юр садьсö. Вась югдөм бöрас на ветліс перйины матысса козя-инысь сир. Небзьөдөм да личкалөмөн паськөдлөм торъяссö тэчаліс Ваньлы пыкөсаинъясас, а öти чашнитөм рана вурыштiс. Рытнас Вась отсаліс пуксыны ёртыслы кокъяссö джоджөдзыс лэдзөмөн. Евсей Вань эськө ачыс, отсöгтөг, көсйис кок йылас сувтны, но эбөсыс эз тырмы. Сэки сійö индiс ёртыслы: «Василий

* *Тылөс* — сундук, ящик.

** *Ташка* — ноп.

*** *Тупляс* — тубрас.

Леонидович, нолы, восьтыв тылөсөс! Сэні пыдөсас выйим тупляс, мыччыв меным...»

Көзяин разис көртөдсө, и син водзас петкөдчис зарниысь нейджыд куд, югъялысь да мичасыс-мича, серлөдөм доръяса да калич пөдана.

«Веритан көть он, а тайо граф Разумовскöйсянь козин. Со чеканитөм ордса* канпасъяс. Дерт, донатор, нэм кежлө паметь. Пытшкас сө чөлкөвöй кымын — бөръя кадся жалованьеысь став чөжлөм озырлунöй,— орласяна гөлөсөн висътасис висъысь.— Ме öд сизим во велöдi Мөсква гимназияын, а гожөмнас графысь нук-нучкасö керка-дворечаныс велөдлi — ботаника да география. Öтчид коркö ас пруданыс öкмыс арөса Öльöш нукныс öдва эз вöй. Вот буретш сэтчö и слöйми да васъыс кыски. Таысь и козиналисны зарни куднас. Сыысь и могыс, Василий Леонидович, тэ дорö ыджыд: ог кө воштöдчы гортöдз ловъяөн, сет менам ыджыд воклы. Чö, дзикöдз вунöдi, танi письмöас гортсаясдö гижöма. Джын сьомсö босът асльд могөс олөмö пöртöмысь».

Кудсö гөгөр видзөдлөм бöрын Вась бөр сетис ёртыслы, а сэс-ся думыштчөмөн вочавидзис: «Иван Евсеевич! Дерт, аттö тэныд эскөмсьыд, но тайо сёрниыс öнi оз ков. Миян тэкöд колис гортöдзын лун кык, а медводдза йöз оланiнöдз татысянь сöмын öти лун. Нур, кос нянь, сов тырмас, да и некымын тшынөдөм яй тор на выйим. Öнi медшөр могыс миян — тэнö бурдöдны. Аски видзөдлам, мый Енмыс сетас. Кокньöдыштас кө тэныд нöшта, аскомысь петам туйö! Эн маитчы, ставыс бур лоас! Öтитор лөк — зарадным ружьеö абу. Но аски вöча ньöввуж. А мый? Позяс на и некымын ёсь пома майөг лөсьöдны. Нинөм, нинөм! Ог сетчö некутшөм зверлы!» Та бöрын ёртъяс дыр на тöдмöдисны öта-мöднысö роч муын ас олөм-вылөмнас да казтылөмъяснас.

* * *

Дас кык лун мысти Изъваса туйöд прöйдитöма ям коллялан медводдза додь. Шойччан керкаö воөм бöрын кык мунысь адзасны пызан вылысь гижөдтор, көнi вöлi пасйысьöмаöсь Канев Василий Леонидович да Артеев Иван Евсеевич, а гижөдторсö пасйöмаöсь ноябр 23 лунөн. Та кындзи, тувйын кольөм вирöсь да косялөм улыс дөрөм висъталис и кодлөнкö доймөм йылысь.

Дерт, коллысьысьяс та йылысь бөрти юөртöмаöсь изъваса олысьяслы. Шöйöвошөм рөдвужыс пыр жö уськөдчöма корсьны вошöмаясöс, но став зильöмыс лоöма весьөн.

Кадысь кадö тайö гежöда овлантор йывсьыс көнкö да петавлис юөр: чужанiнö локтысьяссö көинъяс чашйöмаöсь. Но кыдзи збыльысь ставыс вөлöма, стöча некодi эз тöд. А зарни куд йылысь öнiöдз на сёрни кыссьö.



* Ордса — торъя мортлы, семьялы лөсялысь.

Юрий ВАСЮТОВ



Салдат Васюта*

КАЗЬТЫЛАНА ПОВЕСЬТ

Медводдзаысь — карё

Рига кар ми, дерт, лыддим ас карён, коть сёрнитисны быд-лаын ёнджыкасё латыш кылён. Но и ас карад мяннёс, куш юраясёс, дыркодь эз лэдзлыны ётнаным. Стройён ветлөдлм театрö, циркö, пывсянö, а ёткөн, весиг кык-куимён, оз лэдзны. Коман-диръяс повзёёдлöны, мый латвияса вөръясын дзебсясьöны совет властьлы паныд сулалысь партизанъяс, «вöрса вокъясөн» ась-нысö нимтысьяс. А ми öд МВД-лысь погонъяс новлам, каратель-ной органын служитам. Быд салдатлы колö видзчысьёмён овны, весиг тöдмасьны оз позь нывкöд, абу кö сийö роч. Вермас сълөн кодкö лоны «вöрса вокөн», а гашкö, ачыс — «кызь вит». Тадзи пö донъялöны асьнысö нывъяс, кодлысь батьсö судитöмаöсь кызь вит во кешлö. Тадзи коммунизм стрöйтöмлы да совет власть-лы паныд мунöмысь судитисны военной судъяс, а сэнi мыжда-наяссö видзисны буретш мянн частьса салдатъяс.

Сы вöсна кор ми, куим куш юра, Тебеньков, Туголуков да ме, петим карö асланым медводдза увольнениеö, меным быд па-ныд локтысь збыль кажитчис «народлөн врагөн». И быттö найö сы йылысь сöмын и мöвпалöны, кыдзи сконгёвтни мяннёс: панны мянкöд сёрни, а сэсся кыдз позьö донаджыка «ньюбны». Мыйтакö кад мысти казялi, дерт, мый унджык ветлысь-муны-сьыс сёрнитö рочөн, а на пöвстын мянн моз жö погонаыс тöкө-тьö абу джынйыс, кодъясöс паныдалг колö көсича дорад китö пук-тылёмён «сетны честь», радöвой салдат сийö коть генерал — кийд рудзмунас лунтырнас.

Пуысь вöчöм пос вывтi вуджам километр пасьта Даугава, восьлалам Ригалөн сiдз шусяна Важ карö. Пос дорас ю нимсö пасйöма рочөн. Лоöма Рытыввыв Двина. Рочьяс ставсö ас ног нимтöны. Поездөн локтигөн на татшöмтор казялi: Эстонияын стан-ция нимыс «Petseri», орччөн гижöма рочөн «Печора». Власть

* Заводитчöмыс 2011 вося 7 номерын.

кутысьяслы важ олысьяслөн оланін нимъясыс синсö ёрöны, да кадысь кадö историясö гижöны выль ногөн.

Даугава шöрас, аддзам, мурталöны поссö куим ныв. Миян водзын, куим салдат водзын, бекъяснаныс веглясьöны, джуджыд бöра тупельясныс котшкöны кöза кокъяс моз, юбка-платтьö бöжъясныс лыбышталöны пос гөгöр гаровтчöм төвруысь. Нырö öвтö «Москва» духи көрөн. Ывла вылын май, енэжын шонді, а миян морöсьясын — кузнеча: гым да гым!

— Студенткаяс,— шуö Туголуков Коля, Абъячайысь турун кодь вöсни, но зумыд лысьöма зон.

— Вöлі менам Сыктывкарын студентка...— пыр и пондіс кеслыны пиньсö Тебеньков, ачыс емватас, чужöмбаныс чута-чута, писти туйöн серöдлöма, син-пельыс сьылö-ворсö, а кылыс вомас инö оз öшйы, йöктö. Кутіс сөрны, кутшöм небыдöсь да сетчысьсö студенткаясыд. Велöдчылöма карын ремесленнойын да бура тöдö.— А тайöяс... Ок и мыччалöны миянлы небыд дзибъяснысö, ок и пыр тыдалöны мойдса Елена Прекраснаян...

Туголуков мыйкö содтö, ме тшöтш — быд боксянь «донъя-лам» водзвылын мунысь нывъясöс бөрвывсянныс. Дерт, ас коми кылөн. Коді нö мый гөгөрвоас көнкö йöз муын, йöз карын. А Тебеньков быттьö малалö кияснас шöрын мунысьсö:

— Вот эськö тэнö, нылукöй, пыкыштны пельöсö...— личалöма вомыс нывъясысь гажтöмтчöм зонлөн.— Да чупалыштны-малыштны шондібан бандзибтö.

Буретш сійö нылыд бергöдö шондібан кодь чужöмсö миянлань да сөстöм коми кылөн крапкö:

— Бур эськö, да абу тэныд!

Менам төкөттьö фуражкаö эз лэбзы юр вывсьым — сідзи тарабанитчи чуймөмйла: тані, Ригаын, да комиөн! Медводдза лунас! Джөмдісны, дерт, и менам ёртъяс. Татшөмтортö некод эз виччысь. Туголуковлөн, видзöда да, кокыс быттьö гөрддзасис, а чужöмыс яндзимысла донавны пондіс. Зэв öд вежавидзысь мортис. Казялі — и аслам пельöй öзйис, кодкö кучкис быттьö пель бокам. Сöмын Тебеньков шöйёвошліс недыр кeжлö. Чеччыштис на сувтланінас:

— Вöтöдамöй! Тайö жö ас йöз,— эз виччысь миянлысь вөрзöм да котөрөн зырöдіс нывъяс бöрся.

Миянлы Туголуковкöд яндзим. Ми полам «көтöдны бöжны-мөс». Армияö мөдігөн баттьö меным шуис: «Пиук, мөдін кө нин служба вылö, көтасьöм бөжөн эн бергöдчы». Кывлі ичöтысянь, весиг пö ур, ю вуджигөн бөжсö кө көтöдас, вöйö сьöктөмсьыс. Сы вöсна, слöймас кө вуджигас пыжа да мыччасны пелыс, пыр и гузьнитас-кавшасяс пелысöдыс, биа бөжөн клысьнитас пыж нырö да мытш пукалас дорöсö вотöдз.

«Бöж көтöдöмыд» том мортлы — ыджыд мыж вöчöм, нэм чöжыд сійö пондас кыскыны тэнö бөрвыв. Ырзöм ловнымöс пальöдігмоз öзтім папиросьяс да тшынöн пöляситыр восьлалам важся Ратуша дорті, көні пö Совет Союзö пыртöдз вөлöма латвияса президентлөн уджаланіныс. Боджгам да шпуткам, но табак тшыныс морöсаным оз пыр. Папирос помъяс чөвтім, а миянлы паныд кык нывка локтöны, ыджыд да югыд синъясөн видзöдöны стöч миян синъясö. Сьыланис гөрд галстукъяс дölалöны. И

сுவтїсны миянлы паныд, туй помõны. Ми, дерт, кывлїм, ригаса нывъяс водз зонмасьны пондõны... Но татшõм том нывъяс...

А нывъясыд, быттõ механизма куклаяс, õтвылысь да õтмоза, коригмоз на шуõны:

— Дяденька салдатъяс, миянын туй вылõ чигарка оз шыблавны. Сы вылõ эм урна. Со, видзõдлõй,— да индõны стен бердас сулалысь, и стenas õшалысь, и пуõ домалõм урнаяс вылõ.

— Прõститõй, бур нывъяс, ми эгõ тõдõй. Ми медводдзаысь карõ петїм,— чигарка помнымõс õктїм да урнаõ кундїм. А чужõмъясным миян бара нывкаяслõн галстукъяс кодъ лоисны. Доналїм да ыпъялїм. Киняулысь пõсь киссьõ.

Аскинас миянõс жõ и Тебеньков на янõдїс: «Трусъяс! Кытчõ пышйинныд? Нывъясыс — ас йõз. Локтõмаõсь велõдчыны пусьысьõ, мед чõскыда да пõtõсadjыка вõрлэдзысьясõс вердны».

— Комиысь — Ригаõдз?!

— Рига — абу на Париж. Мый нõ, ме кõ вõрлэдзысь, ог куж ресторанын кодъ шыд-рок панявны?— позьõ гõгõрвоны вõвлõм вõрлэдзысьõс. Нывъясыд и збыль вõлõмаõсь «студенткаяс». Тебеньков вõлї долыд. Шогалїс сõмын сыысь, мый мõдысь пõ та-йõ оз нин тшукмы: нывъяслõн велõдчõм помасьõма, и регыд на-йõ мунõны ылї коми пармаõ.

Кывтõ эн кеслы

Коми муысь воинскõй служба вылõ ми воим кыксõ сайõ рекрут. Джынйыс кымын на пиысь сёрнитїс комиõн. Полклõн быд подразделениеын юргис коми кыв. Унаõн и роч кывсõ эз на тõдны. Сычев Геня Разыбысь вõлї кужõ шуны сõмын «да», «нет». Сэсся частьын нин велалõма «так точно», «никак нет». Сьõкыд вõвлї налы сержантъяскõд, кыдзи и сержантъяслы на-кõд. Но натõг службаыд абу служба. Шуймас вемыс сержантлõн да юалас дõзмõмõн: «Ты дурак?» — «Так точно!» — «А может, слишком умный?» — «Никак нет!»

Паныдаси во мысти Сычев Генькõд, а сийõ мам кывсõ вунõдõма, рочõн порчкõдõ: кодил да укодил пõ, командир был. «Каким командиром?» — «Командировка Воркута был, состав кодил, тамбур часовой, коми парма видел, тундра видел, Удора не видел, Разыб не видел. Плоко, командир». А нõшта во мысти сїдзи нин рочасис: вузалас тәнõ, он и тõдлы. Быттõ роч и вõлõма, «к» вылас сõмын чотыштлїс.

Да и Веня вок менам роч кывсõ вомсьыс õдва-õдва корсьлїс. Комиõн мõвпсõ юкõртас, а сэсся, кыдзи сяммас, роч вылõ вуджõдас. А служба бõрас Ыбсьыс вõлї Косланõ волас да õтарõ рочасьõ мекõд. Ог тõд, кыдзи гõтырыскõд, а мекõд коми кыв эз петкõдлы, торъя нин румка пõрõдõм бõрын. И сьылїс сõмын роч сыланкывъяс, и ворсїс гудõкнас «русского». Ачыс шуõ, куим вонад велалї пõ рочсõ да коми кывсõ вунõдї дзикõдз.

Миян тай связь ротаын вунõдны вõлї некор-а. Морт дас вõлї комиыс, да, кор слõймам õти чукõрõ, пõtтõдз голям-баитам, бызгам-выргам, ваксям-сералам, коми ловнымõс инсьыс эрдõ лэдзлам, гидысь луд вылõ чаньõс моз.

Ас кылõн сёрнитõмысь командиръяс эз õлõдны, но мед сõмын

сэк, кор орччөн эз вöвны мөд кыла йöз. Да мед эг видчöй комиөн, понгьясян кывъяс эг шуалöй, эгö видöй кодöскö ас ногөн. Понгьясьöm, видчöм, маткöм кывлісны кö помкомвзвода, старшина, ог нин шу — ротаса командир, чорыда мыждылісны: быд кывйысь — нарядö öчередтöг, а кодöскö и «губаö» инавлісны. Сöстöm кылөн тшöктісны овны командиръяс. А кызди нö миянлы дзик понгьясьтöгыс, кор, öти-кö, олім эг ас вöляысь, а сöмын команда серти. Мөд-кö, пызан увті гачтöг уяліг на кывлім гортö пыралысьяслысь видчöмсö, кодыр найö рочөн и комиөн «мич-мөдлісны» сёрнисö. Тыдалö, нёнъ помсянь кыв помö öшйöма «сёрни ёсьтан» кывйыс да некодöс ёна эз и сьöктöд.

Рочөн ёрччöмсьыд, дерт, кутчысьны пондыштім, но ас кылөн «мать» песöмыс некызди эз орöдчы-вушйы кыв помысь. Торйөн нин тайөн озырöсь вöліны Изыватасысь Чупров, Филиппов да кулөмдінса Уляшов. Но командиръяс регыд тöдмалісны, мый «маа нянь» вöлөм абу «хлеб с мёдом», кызди эскөдöны вöлі шуысьясыс. Кодкö вуджөдöма роч выlö и мукöд лэчыд кывсö. Эг öтпырысьөн, но коркö-некоркö ми дугдім и комиөн лёккыласыны. Сöмын быд дырйи, кор коми зонгьяс волісны öтув да рочьясысь торйөн, найö эз йöктыны-сьывны босытчывны, а öта-мөдсö венөмөн печласисны ай-мам кылөн, дзирдавтөдз кеслісны пиньнысö «маа няньнас». «Быттьökö гортö волі, Бадьдор сиктö», — шуывліс та бöрын Уляшов Егор да нюліс вом дорсö, быттьö баля яя шыд сёйöма.

Воліс Москвасянь прöверка. Видлалісны частылысь боевöй да политической вермөмгьясын шедөдөмторгьяс. Быд боксянь гыжгьялісны и связистгьясöс. Неважөн на боевöй лыйсьöm-котралөм-уялөм-чеччалөм бöрын мынім строевöй муштраысь, пукалам лабич вылын ывлавывса курилкаын да видзөдам пушкигтыр, кызди орчча плац вылын «муштруйтöны» кутшöмкö ротаöс, а на бöрся видзөдöны полкса командир подполковник Старинский да важ поп кодъ кыз рушкау москваса полковник. Прöверка нуöдысьыс миян командирлы сöмын пельпомөдзыс. Чуньнас индіс кытчökö да мыйкö висыталіс москвасаыд миян командирлы.

— Пекыль ыджа, а командуйтö, — чöвтіс кодкö миян пövстысь.

— Асьсö эськö маршируйтöдны... — содтіс мөд.

— Ема сутуга увтіыс кыз рушкусö колö уйөдны, сэки казялас, — öта-мөдысь вежмөн кутім кеслыны пиньяс да сөткыны, быдсяма сös кывнас нйит ваөн моз мыскавны дзормысь полковникös. Быдөн казтьö да эрдö петкөдö аслас сержантлысь наян дзескөдөмсö. Курилкаын некодысь яндысьны, некодысь видзчысьны, ставөн ас йöз да, и дерт нин, комиөн лöсалам-сыргам да бара ваксям-гирзям.

Плацсяныыс миянös торйөдö тшөтшөдөм сирень кустьясысь артмөдөм лажмыдіник йөр да сійö жö и сайөдö. Маршируйтысь салдатгьяс плац вылысь мунісны нин, а полкса командир да москваса полковник пыр на сёрнитöны. Коркö бергөдчыласны миян гора гаж выlö, а ёнджыкасö боджöны-ветлөдлöны, миян моз жö мыйкö казтылöны. Сентябрын абу на көдзыд, найö кительяс кежсьыныс. Полковник öчкаи, дерт, көнкö штабын служитö. Та йылысь эг жö и вунөдö пожгьявны-мыскавны.

Мый аддзим, ставсö серам вылö лэптім, а ваксиг-гирзигкості эг и тöдлö, кодарсянь полковник матыстчöма миян дорö, öтнас нин, да кыпыда шыасис:

— Видза оланнды, землякъяс!

Ог тöд, кодкöд мый лоис, а менам сьölöмöй чувкнитіс кокля-бöрам, а гашкö, и сувтліс на. Кösъя чеччыны, а ог вермы, пукса и коли. Видзöда — ставөн быттö йизьом мыръяс: полковникыд комиөн сёрнитö, сідзкö, гөгөрвоис ставсö, мый ми сörим-суклялім сы йылысь. И быть висьталас та йылысь Старинскийлы. Мый öні миянкöд лоас? Калькалөм вомъясысь «Здравия желаем, товарищ полковник!» пыдди сöмын «Здра...жла...» пычкысис. А полковникыд, быттö нинөм абу и вöвлöма, меліа юалö: «Тян пöвстын эм-ö кодкö Леткаысь?» Радөвöй Котков öдва кывмөн «Так точно...» шуыштіс. Сійö миян полкса командирсьыд на кузь тушаа. Кытысь сöмын коми ай-мамыслөн татшöм Пера-багатыръясыс чужлöны? Сöмын тай зэв раминикöсь мыйлакö. «Кодлөн пиыс?» — юрсö чатөртөмөн юалö Котковлысь полковник.

Висьтасис Котков, да полковник и шуö: «Но, ми тай суседъяс». Котков öтпырысьөн кельдіс, быттö вирыс чужöмсьыс вошис. Сэтшöм вежавидзысь салдат, а эстшöм налькйö шедіс.

— А ті пуксьöй, пуксьöй, — шуалö коми полковник, но шемöсмöм коми салдатъяс быттö оз кывны тшöктөмсö. Полковник восьтіс «Казбек» пачка, мыччис Котковлы. — Пестысь, салдат.

Тайö папиросыс сійö кадö вöлі странаын медся бурыс да донаыс, а куритны сійös махорка бöрад — праздник. Öти кинас мöдыслы отсалөмөн Котков перйис мыччöм кудсьыс папирос.

— Босьтöй, землякъяс, куритöй, — шуалö полковник быдöнлы торйөн да мыччылö восьтöм «Казбек» папирос кудсö. Кор меöдз воис, куднас тшöтш йötкис менам киясö да медводзөн пуксис курилка лабичö. Сы бöрся и ми инасим, а Котковлы некытчö лои пуксьыны, сулавны коли.

Кыдзи ми олам, гижам-ог гортö письмöяс, коді кöні чужлöма — бура дыр на юасис полковник да сувтігас нин лабутнöя содтіс: «А тöдтöм морт йылысь, землякъяс, омöля баитны оз ков, весиг и кор тэнö оз гөгөрвоны. Миян страна уна кыла. Коді тöдас, кутшöм кыв гөгөрвоö, шуам, этайö сиреньыс».

Муніс полковник, а ми пукалім да чöv олім. Кösйим эскыны, мый земляк-полковник эз удты миянös частьса командирлы. Но та йылысь тöдöны сöмын найö асьныс. Миянлы некоді некор та йылысь эз казьтив. Сöмын та бöрын ме сэсся эг нин кывлы, мед кодкö көнкö комиөн видчис код вылö кö.

Медводдзасянь медбөрö

Радөвöй Котков вöлі меысь юрөн джуджыдджык, стройын сулаліс медводзын, ме — медбöрын. Но стадион вылын öдöбөн сё метр котралігөн ми волім финишö öти кадөн. Здук сэтчö ни здук татчö. Ни сійö, ни ме некор эг вермылöй панийыны öта-мöдös, мый вöсна ордысьöмысь век сетлісны кык первой места. «Котков öти воськов вöчö, кор Васюта — кыкös, — шуöны судьялы. — Васюталы и колö сетны первой местасö: сійö кык пöv

өдйө котөртө». Но судьяс бурджыка төдісны, мый спортын вермөны оз воськов лыдъяс, а минут-секундъяс.

Котковкөд бурджыка төдмасьомыс лои куим төлысса «учебка» вылын, военной присяга примиттөдз на. Став крөватыс «учебкаын» вөлі кык судта. Артмис сідз, мый сійө, ыджыд да сьокыд, узьліс вылыс судтаас, а ме, нелямын квайт килограмма да му-тшак ыджда, улысас. Шулі ме сылы вежсьыны, мися меным вылісянь кокниджык чеччыны асья «подъём» либө «боевой тре-вога» дырйи. Но Котков эз көсйи: сәні пө шоныдджык. Гашкө и, сідз, шоныдөн кө лыддъыны сійө шома сынөдсө, мыйөн лолалө салдат казармаын, кытчө кык судта крөватъяссө йөршитөма сідз, мый костъясөдыс позьө суйсьыны сөмын бокөн, а стен бердын өшалысь шляча-зэрөн көтасълөм шынельяс да сапөг чөръясө гаровтөм ульсалөм нямөдъяс руалөны ньылөм дукөн.

Но лунтыр көкъямыс-өкмыс-дас час муштруйтөм бөрын, зэр да слөт улын пөсявлөмөн кынмөм бөрын — мед вөлі шоныд. А Ригаын век зэрө, майсянь январөдз.

Котков кокни унма. Дневальной сөмын на горөдө: «Подъём!», а сійө чеччөма нин, көмасьө-пасътасьө, гырысь мыгөрнас тыртө дзоньнас стен да крөвать костсө, оз сет меным ни пасътасыны, ни весиг косьмытөм нямөдөс кокам гаровтны. Ме коля ноксьыны, а сійө нин тэрыба петө ывла вылө, сувтө стройө медводзөн. Чайтө, медводзө кө колө сувтны, сідзкө, медводз колө и эштөд-чыны. Куим минут мысти кодкө эз кө удит сувтны стройө, взводлы ставнас ковмыліс «отбой» команда серти бөр пырны казармаө, пөрчысьны улыс дөрөм-гачөдз, водны крөватьө да бара виччысьны «Подъём!» команда. Эз этшаысь тайө вөвлы. И Котков быд дырйи стройө сувтліс медводзөн. Сійө быттө пружина вылын оліс-узис, а көмасис-пасътасис кутшөмкө гуся механизм отсөгөн. Тайө водзмөстчөмысь Котковөс унаысь ош-кылісны, и мукөдлы тшөктылісны вөчны сідзи жө, кыдзи радөвой Котков.

«Тревога» дырйи көмасиг-пасътасиг менам өдөбыс некыдз эз лэдз суөдны Котковөс, көть и улыс судтасынныс ме быттө матынджык вөлі и паськөмөдзыс, и көмкотөдзыс. Сэкжө кизя-сиг-вөнясиг ме казавлі: Котков мудеритөмөн водзмөстчө, кокньөдө көмасьөмсө. Нямөдсө оз гаровт кокас, кыдзи велөдісны воөмкөд тшөтш, а вольсалө сапөг чөр вомас, тальчө вывсянныс да сідз и звирк суйө коксө сапөгас. Зэв өдйө артмө. Гоз-мөдысь ме гаравлі на сылы, мися, эн кокньөдчы. Коркө сержантъяс казя-ласны, да аслыд на бытшкас. Но, тыдалө, пель пырыс лэдзис шуөмөс. Сэтшөма мортыдлы медводдзаөн колө лоны. Да и кокньөдчынысө позянлунсө сетіс сійө, мый «боевой тревогаыс» збылысьсө вөлі учебной, мед велөдны миянөс.

Но өтчыд ми төдмалім, мыйөн учебнойыс торъялө боевойсьыс. Сап пемыд вой шөр войө став позяна паськөмөн и өружиеөн петкөдісны «марш-бросок» вылө. Туй ни пас оз тыдав, а воөд-чыны колө тэрыба, көнкө котөрөн, лов вежөм бөрын бара ко-төрөн. Сержантъяслөн, тыдалө, синманыс би ломзьө: аддзөны, кыті нуөдны. Салдатө велөдчысьяс оз кужны пемыдын стройөн котөртны, талялөны өта-мөдыслысь коклябөрнысө, джөмдывлөны, усявлөны — рота резина моз нюжалө.

«Подтянись!» — зыкөн горөдас нуөдысь. Кольчысьяс зырө-

дöны суöдны разалöм стройсö, котөрөн уськöдчöны пемыдас, водзлань. Кодкö марш вылас вугыртлöма нин (унтöг öд колисны), зураласны да, усьöма, колö отсавны кок йылö кыпöдны. Час гөгөр нин котёртам, ловным тырöма, вынным бырöма, а «привал» команда абу. И бөрвывсянь ефрейтор-«дедъяс» сапöг нырнаныс небыдінъясö «отсöг» тэчöны: водзлань ыззьöдöны.

Со нин кодкö чотиктö мекöд орччөн. Видзöда, а тайö Котков. Но, вежөрта, марш вылö медводдза артын петис, а бөрлань мыйлакö сетчö. И чотö лёкысь, быттьö кокъяссö пон пурöма. Кутчысь, мися, киям, кольчан кö медбөръяяс лыдысь бөрö, ефрейторъяс ситан бектö лöзöдасны. Водзын котөртигад коктö таялисны али чужъялöны жö? Уся öд, ог пö вермы нин. И збыль, жмот усис, быттьö чарлаөн вундисны.

Сöмын сэки ставлы горöдисны: «Привал! Пять минут! Ложись! Ноги вверх!» Сержантъяс чукөртчисны Котков гөгөр. Сы весьтын ноксисны нин санитаръяс. Регыд тыдовтчис, мыйла Котков чотö. Сюрöма, вöлöм, аслас налькйö: нямöдсö бара ас ногыс суйыштöма сапöгас. Кузь туйын нямöдыс дзутсьöма, и воссьöм кокыс зыртчöма лыöдзыс. Весиг медицинасянь отсöг бöрын Котков ойзис, и водзын ни бöрын мунны эз вермы. Сийöс, медся кузьсö да сьöкыдсö, ас вылын кыскыны некодлөн выныс эз коль, и сийöс кольöдисны санитаръяскöд обозö. А стадионын панласигөн менам дженьыд кокйö вöли медся тэрыб.

Маршал Жуков

Менам медыджыд вокйö, Иван, усис войналөн бөръя тышъясын ылыс Венгриялөн Балатон ты дорын. Дзеванінсö корсьны пондылём уналаысь, но стöча индыны некодарсянь эз вермыны, ни оборона министерствосянь, ни мукöдласянь. Босьтчылисны корсьны и Венгрияын олысь тöдсаяс, кодъяс война кадас пышйивлисны еврейскöй погромъясысь миян странаöдз да бөр мунтöдзыс овлисны Удораын. Венгръяслөн писькöдчöмыс содтöд юөр эз жö вай: Иванлөн пушкаö веськалöма «Тигр» танкысь лыйöм снаряд, а сэсся немецкöй танкыс тальöма-лямöма став расчөтсö, кöни Иван вöли наводчикөн. Тайöс ми тöдм нин Иванлөн ёртъяссиянь воём письмöысь.

Мöд вокöс, Борисöс, война бöрас нин коркö босьтисны быттьöкö армияö жö служитны, но мунис да быттьö гуö дзумгысис: шы ни ру. Ёртъясыс ни уджыввса юралысьясыс эз тöдны, кытчö лои Борис. Милициялөн весиг москваса ыджыд начальство вокöс аддзыны эз вермы. Гырысь чиналөн гырысь и могъяс, корсьны государстволы служитьсь öтка мортöс — абу государственнöй масштаб.

Көть ме вöли гортысь зэв нин ылын, юрын век быттьö жöдзис вок йылысь юалöм: кöни сийö, кöни? Чайтi, став поэна ногыс босьтчылём корсьны, но кор миян частьö воис ачыс МВД-лөн министрыс, мый вöсна гөгöрын ставыс гызьылис-пузьылис, гөгөрвои: тайö генералыслөн чорыд кылыс. Збоймöдчи да аслам командиръяс пыр гижы шыöдчöм веськыда министры. Вочакывсö дыркодь виччыси, но сийö лои важ кодыс: «Выбыл в неизвестном направлении».

Весиг та бõрын ме эг падмы. Нõштаысь воссис позянлун, кор военной министрõн лои маршал Жуков. Кывсис, зэв пõ чорыд морт командующõйыс, но салдатõс оз кедзовт. А ме вежавидзи ыджыдджык вокõс, õд быдмиганым сийõ вõли радейтысь бать пыдди, велõдис менõ и вугырõн, и лэчкõн кыйсьыны, быдторийõ, мый ачыс кужис. Верма кõ õни вõрысь-ваысь кынõмпõt перйыны да кийн кõ черыс-пуртыс ворсõ, таысь ставсьыс Борис вокõс колõ аттьõавны.

Юасьõм вылõ вочакыв виччыси военной министерствосянь, а письмõ воис... Борис воксянь. Пукалi пõ дзескыдiнын, õни пõ «поселение» вылын Ыли Войвылын, Тикси нима посёлoкын. Ме и та вылõ нимкодъя: ловъя вокõй! Ми õд кыкнанным, да и чойным на, чужлим Сибырын, ай-мамлõн бур олõм корсигõн. Пыр жõ гижигортõ: вок ловъя.

Регыд и маршал Жуковлõн отсасьысьсянь юõр воис: аддзим пõ воктõ. Маршаллõн индõм серти вокõс лэдзõмась дзескыдiнысь да овмõдõмась «вõля» вылõ. И тайõ бур, и таысь аттьõ маршал Жуковлы, Георгий Константиновичлы. Аттьõ, Георгий нимыд õд пõшти Юрий жõ. Сидзкõ, ми кыкнанным õткодъ нимаõсь, ме õд Константинович жõ. Быттьõ рõдвуж меным лои маршал Жуковыд. Корысь рõдысь эськõ ме эг вõв, но Георгий Константинович дорõ отсõгла шыõдчыны ковмылис нõштаысь на.

А лоис тайõ сы вõсна, мый батьõ абу кõсийõма дзик нюдзõн лоны партийной бюрократьяс водзын, да та понда партиясь вõтлõм бõрас вõтлисны и кывкутана удж вывсьыс и квартирасьыс. Овмõдчыны быть лои пывсянысь лõсьõдõм важиник керкаын. Армия бõрын локны овны пывсянõ вõли дзик нин шуштõм.

Ме и гижиги, мися, леспромхозсянь ме армияõ мунi, и тэ сәни нырсян. Босът ссуда, медав кодõскõ да виль керка вылõ лõсьõд кер, воа да пыр и кутчыся тшупсьыны. Мамукõй тай век дольлис виль керка йылысь. Батьõ õдийõ и вочавидзис: ссудатõ пõ эз сетны, ме пõ кõть и директорлõн делопроизводитель, но арлыднам квайтымын сайõ. Воан пõ да, сәки нин. Служит пõ, шоглы эн сетчы, юр суйны эм кытчõ.

Кыдзи нõ ог шагав: меным во чõж на армия лямкасõ кыскыны. Кадыс оз виччысь, шондiыс оз косав. Сәки матõ воõмысь и гижиги бара маршал Жуковлы.

Ссудатõ бательс сетiсны. Вои да, керка ләптим. Тайõ керкаас õнõдз на ола, маршал Жуковõс казтыла ог сõмын кыдзи войнаса ыджыд геройõс, но и кыдзи война бõрын виль армия чужтысь том салдатõс гõгõрвоысьõс.

«Комиссар»

Менам служитигõн радõвой салдатлы вештiсны комын шайтõн тõлысь деньгаа довольствие*. Ефрейторлы мынтiсны нелямын шайт. Сержант-старшинаяслы — сё-кыксё шайтõдз, и сы мында жõ «удж дон» сетiсны налы, кодъяс демобилизация бõрын ас кõсийõмõн кольччылисны армияõ во-мõд кежлõ. Татшõмыс миян частьын вõли унакодъ. Сõмын связь ротаын дас õти сержант да старшина, кодъяслы кажитчõма татчõс службаыс. А мый и он

* 1961 вося реформадз на.

кольччы, кор пѳттѳдзыд вердѳны-удѳны куимысь лун, кѳмѳдѳны-пасьтѳдѳны быд поводдя кежлѳ да содтѳд на инженерлысь удждон сетѳны. Ёсь кыла салдатяс быд ногѳн нимтылісны сверхсрочникясѳс армия дорѳ кѳвъясьѳмысь: «кусочник», «тормоз коммунизма» да и мукѳд ног на. Но кор военной министрѳн лѳис маршал Жуков, унджык «тормозѳ» ыстісны гортаныс «кыпѳдны народнѳй овмѳс». Миянын колины сѳмын ротаса старшина да электрикясѳс велѳдысь старшина.

Артмис сідз, мый ротаса выль командир майор Глазунов индіс менѳ писарѳн аслас штабѳ. Сыѳдз ме сѳні отсавлі чертѳжыас вѳчавны, а ѳні ме кыин лоины тшѳтш и связь кѳлуй видзан складысь ключыас, и телефон станциялѳн коммутаторын дежуритѳм вѳсна кывкутѳм. Ме жѳ и ротаса комсомол котырѳн веськѳдлысь, и воинскѳй частылѳн комсомол котыр бюроса секретарѳс вежысь. Частын — кѳкъямыссѳ сайѳ комсомолец, и комсомоллѳн могъясѳн ме воывлі частьса быд ротаѳ, вѳлі тѳдса унакѳд, тѳдісны и менѳ.

Бюрѳлѳн вѳліны райкомса позянлунъяс, и кор менѳ доддялісны доддѳ куйм сверхсрочник пыдди, ме весиг джѳмдылі: мися, «заверткай» орас, доддѳй пѳрас, да и ме пактала, ог кѳ на юрѳс вошты. Пельпом сайын сѳмын сизим класс, радѳвѳй салдат, весиг частьса бюройн ѳтнам радѳвѳйыс, и коді сѳмын ме вылын тадзи тешитчѳ, коді менам пельпом вылѳ сѳвтѳ могъяссѳ, быттѳ сійѳ пызь мешѳкъяссѳ, кодъясѳс ректылім баржаысь да пыртлім складѳ Косланын. Сѳтшѳм кажитчис сѳѳкыдѳн татшѳм салдат службаыс.

Но шулѳны тай: «салдат узѳ — служба мунѳ». «Лун бѳрся лун, вой бѳрся вой, а тѳ важ ногѳн сюсь да збой», — татшѳм рифмуйтѳм строкаяс локтѳмаѳсь юрѳ сійѳ кадас, кор, велалі да, прѳст кад корсылі лыддысьны да гижны. Гижны ковмыліс частылѳн нагляднѳй агитациялы да стенгазетлы шогмана заметкаяс, а регыд и армейскѳй газетъясѳ ас частын олѳм-вылѳм-служба йылысь очеркъяс. Юрѳ волісны и висѳтлы сюрѳсьяс, и кывбур артмѳдысь рифмаяс.

Армия водзын «Войвыв кодзув» журнал йѳзѳдіс менсьым медводдза кывбур, и тайѳ ёна шѳнтіс сѳѳлѳмѳс, ызъѳдїс водзѳ гижѳм вылѳ. Но художества висѳтыас да кывбуръяс артмѳны сѳмын сѳк, кор тѳ сунгысян аслад сѳѳлѳм корѳмад лым толаѳ байдѳг моз да вошлан йѳз гѳгѳрса олѳмсьыс аслыд на гѳгѳрвотѳм фантазияын. И мед эськѳ тѳдтѳг некод эз дзуг енѳжсьыс гывдысь да юрѳ кѳвъясьысь мѳвпъяссѳ. А тайѳ позяна вѳлі сѳмын войын, кор сиптысылі связь кѳлуй видзан складѳ либѳ аслам жѳ писар пызан сайѳ, мед сѳмын дневальнѳй тѳдіс, кытчѳ ме дзебси. Овліс, вой шѳр сайѳдз нѳйтча-гижа. Кымын тетрадь кужтѳм гижѳдъясѳн тшыкѳдѳма. ѳні кѳ лыддян, серамыд петѳ.

Но кутшѳм кѳть эз артмывны гижѳдъясыс, ме, дерт, зіли, мед менсьым сѳѳлѳм кылѳмѳс гѳгѳрвоис ме кындзи кодкѳ и мѳд. Гижысылы колѳ лыддысьысь, а кор газетъясын петавлісны кывбуръяс, кутісны нимтыны поѳтѳн. Поѳт нимысь ме яндыси, эг кѳйы кывлысьны, кор чуксалісны тайѳ гора нимнас. Сы пыдди мелань топыда сибдіс «комиссар» кыв. Сыысь нин ме некыдз эг вермы ѳддортчыны. Ляскис меным тайѳ зѳв жѳ гора нимсѳ ачыс майор Глазунов.

Связь ротаын унаѳн вѳліны война дырйи оккупируйтѳм муяс

вылысь и, дерт жö, кольöмаöсь велöдчытöг. Батъясныс эз вöвны, а мамъяс мырсисны-ноксисны, мед эськö сöмын кынöмпöт корсьны. Унаöн эз тöдны весиг, кутшöм странаын олöны. Но тöдiсны кадқоласт: «кор воисны немечьяс... кор воисны рочьяс».

Политинформация нуöдлiсны пöшти быд асылö — кор старшина, кор ротаса командир, а коркö и штабса да весиг политотделса офицеръяс. Но водз асывсянь «политикаыд» велöдчытöм йöзлы эз вöв бура гөгöрвоана. Казённöй кывъясыд öти пельö пырлiсны, мöд пельöд шуттылысны, а кодсюрöлысь юрсö ёна сьöктöддiсны: лэдзасны юрсö да кывзiгкостi и вугровтласны шкоргытöдз.

Но связь теория велöдiг тайö жö велöдчытöм йöзлыс кывзiсны пельнысö чошкöдöмөн. И практика вылын вöлины сюсьöсь. Тöдчис, мый найö көсйöны гөгöрвоны и «Закон Ома», и телефон да микрофон. Öд тайö ставыс вермас ковмыны и армия бöрын, связист — бур специальность. Ротаса командир шульвалiс: «связистъяс — армиялөн интеллигенция», но тайö «интеллигенция» пöвстысь öткымынөн эз кужны весиг письмö гижны гортаныс, и мед көть Комиысь воöмаяс эз ставөн шöр школа помавлыны, миян дорö ёнджыка шыасьлыс украинаса войтыр.

Сулала öтчид ленкомнатаын став мирлөн карта водзын да жалыддза видзöда Коми му вылö, кытчö öдва тыдавмөн гижöма «Кослан». Кыдзи нин бать-мамöй олöны? Кодi налы отсасьö? А мамукöй кө висьмис да васö кынмöм юкмöссьыс вайны оз вермы? Папукöй öд протеза кока...

Бөрвывсянь кыла: «А көнi эськö танi Мариуполь? Верман висьтавыны, секретар?» Ачыс Сибыр крежъяс вылö дзоргö, карталөн дзик мöд пельöсö. Со, мися, инда чуньөн.

— А Харьков?.. — юалö нин мöд. Петкöдла, дерт.

— Днiпропетроуск? Киев?..

Тадзикөн ми тшöкыдаджык пондiм чукöртчывыны карта дорö. Ачим ме зэв радейта карта дорын ноксьыны. Оз ков некытчö мунны — тэ водзын став му шарыс, сэтчöс олöм-вылöмыс: каръяс, странаяс, дiяс-тыяс, саридз-океанъяс, континентъяс. Школаын велöдчиг на быдпöлöс ворсöмъяс ас классын панi. Географиясö юасьöмөн велöдiм: «Кутшöм кар лэбалö?» — Орёл. «Кутшöм нырд асьсö ичöтөн шуö?» — Ямал. «Кутшöм кушиныны лыаыс юмов?» — Сахара. «Эм-ö Нью-Йорк СССР-ын?» — Новгород. Вöлины и мукöд ворсöмъяс. Ичöтсянь ме ёна лыддьыси да лыддянтурсö юрам сибдöдöм могысь висьтавлi лыддьöмтор йывсьыс көн веськалö: чой-воклы, ай-мамöлы, аслам ёртъяслы. Юксьылысны и найö.

Татшöм жö кымын «ворсöм» артмис и миян ротайн. Кор личалыштлiс «служба» да слöймылiс кад, салдатъяс чукöртчылысны ленкомнатаö, кывзiсны аслыссикас политинформация. Коркö майор Глазунов тöддöма, мый ме ассьым кадöс коляла ленкомнатаын, матöдчис, ставлы кывмөн шыöдчис: «Верман кө, дугöдчыв, комиссар. Гаж тэысь бырис». Бытöн шмонитiс, а меным «комиссар» нимыс лемасис. Öти боксянь кыла — «поэт», мöдарсянь — «комиссар». Но «поэт» нимсьыс кө ме яндыси, «комиссар» нимыс ичöтысянь вöли матыс, шонтiс пельöс и сьöлöмöс. Сöмын сержантъяс тайöс эз гөгöрвоны да тшöкыда ворсöдчылысны «радöвöй комиссар» вылын.

Кар кузя вёлөн

Связь служба корö унатор тöдны. Миянös и велöдiсны быд лун. Но кор менö индiсны связь кöлуй видзысьөн, велöдысьыс эз ло. Сверхсрочник, кодi вöлi меöдз, мунiс, и сытöг ме унаысь шöйöвошлi. Кабалаысь лыддä: корöны кутшöмкö деталь, а мый корöны да мый сетны салдатлы, кодi ме кодъ жö «дундук-сундук», ачым ог тöд. Бур, мый складсö регыд вуджöдiсны казармаса кушмöм жырйö, көн позис юавны тöдысьджык «дедъ-яслысь» либö командиръяслысь.

Коланаторйыс кö менам ки улын абу, сэки ротаса командирлы колö шыöдчыны штабö, а штабсянь сетöм кабаляөн тэныд жö колö ветлыны карса кутшöмкö контораö, некымын печать пуктöм бöрын корсьны кар шöрö дзевсьöм склад. Вöвлi, мый öти лунөн тайö корсьысьöмыс эз помасьлы. Матайтчöмыс чинiс бöрынджык, кор кар сайын военной округлөн лоис аслас склад. Сэни нин вöлi ставыс, мый миянлы ковмылi служба чöжөн, кöть «Студебеккерөн» пырав складас.

Менам машина эз вöв, и мöдöдчи ме öтчыд подөн. Петi КПП-ысь, поскöд вуджи Даугава ю, сöli трамвайö, сэсся троллейбусö, мöд трамвайö, и бара подөн верст джын, а сэн и склад. Гөрä кирпичысь, выль, мича да ыджыд — менам Кослан сиктöй, гашкö, став керкаяснас тöрас. Но ме корси «связь» гижöдä öдзöс, да веськöдчи сэтчö.

Со, мися, кутшöмкö лампа корисны, мычча кабаляös. «А мыйөн нуан? — юалö Иван Иванович, связь юкöнын складса уджалысь. — Тэ машинаөн воин?» Эг, мися, подөн локтi, зептам и нуа. А сйö ус помсö гаровтiс, синмыс сералö. Вайис радиолампа — юрсьым ыджыд. Зэв дона пö тайö лампаыс, шогсьö Иван Иванович, колбаыс вöсньыдик стеклöысь, кыдз нö частьöдз дзоньён ваян...

Сiдз и мöдöдчи: цокольöдыс кйөн кутышта, кучкöмысь видзышта, колбаыс ргуть рöмөн дзирдалö, бомба кодъ. Трамвайын эськö бура мунi, но казялi: йöзыс бокö кежöны полöмпырысь. Збыль, потас кö, дерт, дойдны вермас жульöмторнас. Кар шöрас, йöзыс уна да, сьокыдджык лои. Троллейбусö пырны ковмис кыдзи ош гуö, йöз костас суйси мышнам водзлань, мед эз лязöдны лампаös. Пыдöдз эг и төрöдчы, пыранiнас öшалiккостi öдзöсыс пöдласис. Цоколыс киям и öдзöс костö лои, а стеклö «грушаыс» — ывла вылас. Öдзöс дорыс резинаысь, да кыдзкö эз на жугав лампаыс, юрсйö кöть сувтлiс жö фуражканас тшöтш.

Кöдзыд тöv, а ме сэтшöма пöсялi, пöсьыс синмös сйö. Повзи — кöть гачöй кöтасяс, а ме гөгöрын пассажиръяс меысь ёна повзисны: ог тöд кыдзи, но ставён водзлань суйсялiсны, тамбурас öтнам коли. Весиг кондукторыс билет эз вöзйы. Ставөн виччысьöны, кор чашнитас öдзöссö да нуас-шыбитас ывла вылö этайö йöй салдатсö. Но троллейбус сувтiс, а «бомбай» менам дзоньвидза. Казармаöдз сэсся подөн нуи мездорам ичöt кагукös моз.

Та бöрын ме «подөн» ветлöдлыны эг кут, да машина сетлiсны. Но öтчыд майор меным шуö: «Машина талун абу. Ни штаблөн, ни автороталөн. Вöv корсисны хозвзводысь». Вöv кö и вöv.

Меным өткодъ. Сиктын став уджыс вөв сийөс да мегыр костод тыдовтчө. Недыр мысти воис вөла-доддя. Ме кодъ жө салдат мыччис вөжжисө да нарад сетіс: «Ачыд «рулитны» пондан. Миян некодлы». И муніс. А вөлыс... миян колхозса вөвъяс серти кык пөв ыджыд.

Гырысь мыгөра вөвъяссө ме аддзылі картина вылысь, да сэні быттө сідз и колө, багатыръясыдкөд орччөн нинөм эз чуймөд, а матөджык төдмасы Ёжугаын радисталігөн, кор война бөрын вит «трофейной» вөв вайөдлісны вөр участокө. Уна пакөсьт найө вөчисны. Көть и ыджыдөсь, но ас вөвъяс дорысь йөйөсь. Төвнас кымөны, туй вылас водөны. Вөрысь кер петкөдны эз и сяммыны. Öти вөв юктасянінас вошис, тулыснас сөмын аддзисны ю мегса көджсьыс. Мукөд туйтөмсө сідз и нуисны бөр, вөр кыскалысьяс на вөсна весиг плансө эз тыртны.

Но меным план тыртны оз ков. И тані шоныд, вөв оз дуръяв. Мед боджгө-мунө кыдзи кужас. Рытөдзыс өтарө-мөдарө вевйөдчам. «Рулитны» — «тиру» да «ну» сөмын и эм, ыджыд сям оз ков. Автомобиль көлесаа телегаыс кокныда гөгыльтөдіс менө КПП сайө мир туй вылө.

Приказ эм приказ. Приказ йылысь армияын оз сёрнитны. Шуисны — вөч и эн мөвпав, позьө-оз пөртны олөмө. Мед көть приказсө абу гижөма. Ыджыдджык чина век прав. Ме радөвөй салдат, и быд ефрейтор ме вылын ыджыд. Он нин шу майорөс, ассьым командирөс. Армияын «ог куж», «ог көсйы» кывъяс абуөсь. «Он куж — велөдам, он көсйы — тшөктам мырдөн». Чөв ов, кывзысь — и лоан мортөн, пондасны ошкыны.

Китша-котша руйгө-мунө Рига карса вильыд изйысь тэчөм улича кузя көрт дора тшая тасьтө пасьта кокъяса тяжеловоз. Шарикоподшипника авточилянъяса телега вылын сөмын ме, «рулита» кучик вөжжиясөн. Гожөм. Енэжын нюмъялө шонді. Юбердса паськыд куръяын пляж вылын гожйөны пасьтөм йөз, кодкө сунласьө Даугава шөрас, а тэнад син водзын пөрысь вөв бөжнас лөтъялө, бөж увсьыс на кадысь кадө урснитлө, да нырөдз волө сісьмөм силос дук. Та дырйи видзөд на, мед эськө вөлыд эз таяв кодөскө.

Төда ме, кытчаны колө мунны. Но кытө да кыдзи, кутшөм уличаөд? Ме өд кузь туйсө эг подөн вуджлы, мед өні сэтө жө нуөдны вөлөс-доддьөс. Вөрын ме некор эг вошлы, көть компас зептын эг новлөдлы. Со тай шондіыс дзирдсө вывсаны койө, индө туй помладорсө компас моз. Векныдык улича весьтын «вөв юр» өшалө, сэтчө и корө кежны. Öдва и төрөдчис телегаөй керка стенъяс костас. Вөрын прөсекаыс отаджык, чайта. «Тиру-у!!!» — өдва удитө злөдны вөжжиөс. Паныд — «дзиж-дзуж» — сийөс улө дзуртөгтыр джөмдіс автомобиль. Шоперыс мыччисис, чуньнас пель дорас бергөдлыны кутіс, йөй пө тэ, салдат. Вежөн тэ сяма, шуа аслым кывмөн, аттө, эн зурась да бөрвыв гөгыльтчан.

Шоперад велөдчыны ме мыйлакө эг көсйив, көть позянлуныс вөлі и кадыс та вылө тырмис. Ротаны быдөн, кодлы эз вөв дыш, велөдчис шопер «право» вылө. Иван Капуста куимысь нин ветліс, но «право» сетысьяслы пө век мыйкө оз тырмы. Гашкө пө, горилка корны дидулялысь. Гортас Иванөс сөмын пөльыс виччысьө, кодө велөдлөма: «Ешь — потей, работай — мёрзни.

Будешь сыт и пьян, и здоров». Кык класс помавлём ефрейтор некутшом удж вылын эз и пöсывлы. Весиг шоперö велöдчиг лача кутіс горилка вылö. Начальнöй школа помавтöгыд непöштö книга, но и инструкция лыддьысьомсö чайтіс сьöкыд уджөн да помöдз эз гөгөрвоны. Сідз и коли «правотөг».


Менам эз жö вöв. Да эз и ков быттьö. Кытчöдз автоинспектор эз сувтöд. «Ветлан-мунан правотö, извозчик ёрт, колö тöдны оз сöмын шоперлы»,— янöдö менö погона морт. «Я не извозчик, я водитель кобылы»,— воис юрö киноысь кывлöмыс, да и сьылышті тöдса кывъяссö нюмъялігтыр. «А правоыд эм?»— юалö сійö. Сьöкыда бур тешсö гөгөрвоö служивöйыд, сідзкö, и ме бöб туйö пукса: «Какой право?» — «Водителя кобылы»,— воча шуö бöб ли прöсуж, но латыш сёрни нога гаишник. Эм, мися, да конюшняö коли, вунöді. Со и косав пö, босьт правотö да сэки мунан водзлань.

Сымда лөг ас пытшкысь казялі, сöмын петкөдны эг лысьт. Броткыны куті вомгорулам ас кылөн, комиён, мыйся морт, мися, лемасис. «А тэ — эстонец?» Юрös чатөртөмөн öдйö и шуи: «Ме — коми морт». «Комик?..» — «Комикыс — циркың, а ме — Коми муын олысь». Быдöнлы теш, коді оз гөгөрво. «Кöні сійö Коми муыс?» — «Тасянь кө, Уралö вотöдз» — «Эг кывлы». Куті каръяс лыддьöдлыны. «А-а, Воркута. Сэні унаөн миянысь. Тэныд колö тундраад көръяс вылын войлыны, а оз европаса кар кузя вöлөн». Кывзыся, мися, тадз и вöча мöдысь, а öні менам приказ командирлөн, и сійö — закон.

Вои ме складöдз и, кыдзи таöдз машинаөн, пыри вöла-дод-дянам склад шөрö. Мыйөн сувтім, көбылаö лэптіс бөжсö да «кольяссö» сэтчö и лэдзис-пöжаліс. Идрасьны, дерт, меным ковмис складын разалём серам улö, а сэсся велöдісны: «Бөж улас колö торба воысавны, мед оз пакöсьтитчы вöлыд». Понді синйыны, и збыль, Латвияын быд вöв бөж улын öшалö дөра сепыс, и мунём бöрас сöстөм, и виль урожайлы подув ставнас воас му вылö.

Водзö лоö на.





Коми Республикаса гижысь Котыр да «Войвыв кодзув» пöся чолöмалöны нималана роч гижысь, Коми комсомоллöн премия лауреат, Коми АССР-са заслуженной уджалысь Валерий Вьюхинöс юбилейöн, 70 во тырöмöн!

Валерий Николаевич нэмсö лэбаліс инструктор-бортмеханикöн помтöм-дортöм енэжöд. Та вöсна и кывбуръясыс сылöн бертыштны позьтöм вын-эбöсаясь, кыпыд да сöстöм лолаясь, небыд да шоныд муслунаясь. Мед и водзö кывбуралысьлöн творчествоас оз быр татшöм «озырлуныс»!

Валерий ВЬЮХИН

Сыктивкар

Тöлын ли, арын ли —
Муса да мича,
Войвывса карöс ме
Сьölöмын видза.

Кыаяс петлöны,
Кымын — ог лыддзы,
Тані поэтъясöс
Пуктöны пыдди.

Сьölöмъяс воссьöны,
Нюмъялö ывла,
Коми да роч тані —
Ладмисны кывъяс.

Тан öтлаасьöны
Сыктив да Эжва,
Карыс мем ас öні,
Ошкана, вежа.

Видзана, колана,
Лов шысö кыла,
Став öнъя олöмнас
Нималö ылöдз.

Сы бöрын...

И кокни Пушкин бöрын, и зэв сьöкыд,
Поэзияын туйыс лои юж,
Гиж веськыда, оз судзöд тэнö рöкыс,
Но и эн гиж, поэтöн кө эн чуж.

Эз ёна сод сы кадсянь олан гажыс,
Быдпöлöс пeжыс вичмö мем и тэд,
И суклясьöм, и вышшитчöм, кызд важөн,
И дась тэ вылö октöм пистолет.

Кык нэм чöж нимсö кыпöдамöй вылö,
Но Пушкин ловъя, орччөн сійö век,
Поэзиясö сьöлöмнаным кылам
И, лыддиг, асьным кыпöдчамöй сэк.

Мед бурыс сысянь помтöг миы чуктö,
Оз Пушкин кув, көть мыйта кад эз кывт,
И асьнымöс кө век на пыдди пуктам,
Тшöтш сылы колö шуны аттьö кыв.

Тэ йылысь...

Быдлаысь ме тэнö кыла
Аслам сьöлөмөн, көть кысь,
Тэнö уськөдö тöд вылö
Мича кока еджыд кызд.

Тöдан, радейтöмöй ыджыд,
Тэ мем дона, муса, ас,
Асывсяньыс жоньяс кытшын
Тэнö ошкö ловпу рас.

Быдлаын тэ, том да мича,
Тэнсьыд визувлун он потш,
Керкаын со, кыла, видзö
Тэнсьыд кок шыястö джодж.

Думөн орччөн век, и таысь
Каитчыны ме ог кут,
Ен кө видзас биысь-ваысь,
Тэкöд аддза ассьым шуд.

Вокзал дорын

Чолөм вылö эн вочавидз,
Дорті мунін, эн тöд,
Көть и аддзысьлам шоча ми,
Думтö торкны эг мöд...

Өні важөн тэ мөд сайын,
Мекөд шудтө эн тэч...
Вөлі тэныд ме төдсаөн,
Вөлін мусаөн тэ.

* * *

Альберт Ваневлы

Оз мунны поэтъяс му вылысь,
Өд натөг зэв гажтөм му выв:
Ми кыламөй выльысь и выльысь
И кывбур, и ссыланкыв.

Выль рөмъяс ас муыдлысь восьтін,
Мый сьөлөмнад кылін, и, дерт,
Эн этша төжд ас вылад босьтлы,
Бур ёртным, Ванеев Альберт.

Лөз пармаын, быттьө и жаль со,
Зэв ичөтик, но ловъя лов,
Нор гөлөсөн шыасьлө кальсы,
Өд донъялысь сійөс эз ло.

Кад сувтлытөг исковтө-мунө,
Тэ абу нин миянкөд мед,
Но Коми му тэнө оз вунөд,
И сайөдны кадлы оз сет.

Комиөдіс Владимир Тимин.

❖ ❖ ❖

Фронтöвöй лун-войяс*

ПОВЕСЬТ

ХІІІ

Асывнас усылöм лым рыт кежлö сылі, едждылöм му веркöс бөр сьодасис. Са пемыдөн мавтыштис ывласö Украинаса вой, вöйтис ставсö пыдöстөминö, сайöдіс, вöчис тыдавтöмөн весиг еджыд хатаяссö сиктысь. Пемдігас жö ори лыйсьöм шы, лönис артиллерийскöй канонада.

Югыднас на Рочев построитис ротаяссö джуджыд лощинаын, кытчö сійö петкöдіс батальонсö, да пöшти быд боецöс ачыс прöверитис, ставныс-ö найö сөйöмаöсь, тырмымөн-ö босьтöмаöсь патроньяс, гранатаяс, лючки-ö көрталöмаöсь пöртьяс, быдöнлөн-ö босьтöма сьöрсыйс кык войков кежлö сөян запас, исправнöй абу öружиеыс. Торья тöждысьöмөн сійö прöверитис пулемётнöй роталысь пулемётьяс да минроталысь нопъявны лöсьöдöм миномётьяс да минаяс. Öд став огневöй выныс локтан операция-ын лöö миномётьясын да пулемётьясын, пушкаяс пыдди лöоны сöмын гранатаяс, кыз шуасны, зептын новлан артиллерия. А боеприпасьяс лöö сы мында, мыйта вермас сьöрсыйс босьтны быд боец. Налөн весиг вöлыс оз ло, медем кыскыны патрон да мина ящикьяс.

Приказ пöлучитöм бöрын Рочев сравнитис тайö операциясö воздушнöй десанткöд, но и воздушнöй десантлөн овлöны пуш-каяс, весиг танкьяс.

Дерт, тайö операцияыс лöö дженьыд када, артиллерия воас регыд, аски жö. Но öд войнаыд сійö война.

Фронт линия вуджисны лог пыдöсöд, Карпенкоөн да Парамонöн индöм туйöд, кузь лөддзөн сьöрсьөн-бöрсьөн мунöмөн, некутшöм шы сеттöг, ёна тэрмасьöмөн, кашкигтырйи кок чуньяс йылын котöртöмөн. Сэсся бөрвылын, кылö, таркнитисны автомат очередьяс, енэжö качисны ракетаяс, поткöдісны пемыдсö.

Ещё звук мысти кутисны шутьявны да ратшкакывны минаяс, дугдывтöг таргыны пулемётьяс да автоматьяс.

Рочев вöлі котöртö парторг Захаровкöд медводзын.

— Водзö! Котöрөн!— командуйтис сійö нисьö Захаровлы, нисьö батальоныслы, а ачыс вешйыштис бокö, тэрмөдлö котöртысьясöс, синьяс доймымөн зильö тöдмавны сы дінті вуджöртись йöзсö. Со, буракö, помасис нельöд рота, со сьöкыд ношаяс улын чукöрөн моз, кашкигтырйи, зия восьлалöны пулемётчикьяс, со витöд рота панийö найöс. А Рочев тэрмөдлö. Ракетаяслөн югöрыс татчö

* Пом. Заводитчöмыс 2011 вося 6-7 номерьясын.

логас оз усь да ещö нин пемыд кажитчö. Ичöтик кост бöрын воис квайтöд ротаысь взвод. Бара кост. Вит морткöд воис Рочев динö ротаса командир Полозов. Тэрыба доложитіс:

— Мукöдсö орöдісны, комбат ёрт! Найö эз вермыны вуджны.

— А тiянöс аддзыліс прöтивник?

— А, чайта, эз. Ми шор гуранöд кыссим лог чукульöдзис, а сэсся пемыдінтіыс котöртім.

— Водзö!— тшöтш котöртігмозыс шöпнитіс Рочев.

Став тайö пемыд серпасыс воліс Рочев син водзö, кор сійö суöдіс ротаяссö да бара вöлі мунö медводзын омöлик просёлочной туй кузя. Юрыс сылön зіля уджалö, арталö ассъыс вынъяс. А вын этша. Куим батальон пыдди öні öтикыс эз ло тыр. Эм сöмын куим станкөвöй пулемёт. Миномёт öти эз во. Мый вöчны? Кыдзи выполнитны дзонь полкысь задача кык ротаөн? Али бергöдчыны да мышсяныыс атакуйтны? И тайö öні оз артмы. Приказ эм мунны сійö вөр дiöдзис да асывводзнас, пемыднас на, атакуйтны Соломны сикт.

А гашкö, обстановкаыс вежсис да, тайö приказыс воштіс вынсö? Кыдзи тайö тöдмöдны? Связнöйöс ыстыны оз позь, сійö некытчö оз во. Рация коли квайтöд ротаö, адъютант ордö.

— Мунны вөр дiöдз!— вундіс ассъыс мөвпгъяссö Рочев.

Сэсся Рочевлы дум вылас воис Соколов да друг сувтыштліс, быттö повзъыштіс:

— Мый нö ме вöчи? Мыйла нö эг пыр жö бергöдчы да кöть мый ло, а уськöдчы немеч вылö, кор сійö став бинас кутіс сотны Соколовлысь батальонсö? Öд буретш Соколовöс тыртіс прöтивник öні став выннас, и ме сійöс эновті, эг отсав? А öні сёрнин. Ловъя кö коли сійö — öні бöрыньтчис нин окопгъасöдз, лои кö мыйкö...

Рочев перйис вышивайтöм кисетсö, тэрыба гартыштіс кыз чигарка да чорыда шуис аслыс:

— Стöча выполнитны приказ! Мукöдтор вылö менам абунекутшöм право.

Тöвся войын тэрмасьмөн мунісны Рочевлön ротаяс сетöм маршрут кузя, паськыд туйясысь бокыті, посныыдик сиктгъяс ордйöмөн. Пельпомгъяс доймöны сьöкыд ношаяс улын, кокгъяс ёнтымөн мудзöмны, дөрöмгъяс пыдзравмөн кöтасьöмаось. Войся пемыдас видзöдöмысь доймöны сингъяс. Но мунысьяслön вашкöдан сёрнияс гажаось, збойось. Позьö кö эськö вöлі, найö сьылыштісны на. Сöмын сывны ни весиг гораа сёрнитны оз позь. Мунны колö некодөн тöдлытöг, кань моз гусьön. Гусьön мунöм да виччысьтöг, сюся уськöдчöм сайын налön успехыс, налön олöмыс.

И ставön мунöны водзö, пемыдö, некод оз кольччы, оз норась мудзöм вылö, мунöны Рочев бöрся, эскöны сылы. Сійö должен корсьны тайö сьöд пемыдсьыс сылы öтнаслы тöдса вөр ді, вөр дісянныс нуöдны атакаö, югдігас бырöдны Соломны сиктысь гарнизон. Татшöм мог, тайöс тöдö быд боец. А водзö? Водзö бара Рочев индас, мый вöчны. Мый сійö шуас, сійöс и вöчöма. Биö кöть ваö сы бöрся. Регыд на Рочев воюйтіс накöд, регыд на тöдöны сійöс, но тöдмалісны нин пыдöдз. Та вöсна и эскöны сылы ставön. Збыль, та йылысь найö кыв ни джын эз шуны Рочевлы, но сійö пытшкөснас кылö, гөгөрвоö ставсö. Бойяс дырйи

вообще этша овлёны сёрнияс. Сэни ёнджыкасё сёрнитёны оружиеён, ассыныс мовпъяс, кёсиймъяс петкөдлёны делёясён, сюсьлунён.

Вель дыр Рочев восьлаліс чёла. Сійё быд боксянь арталіс батальоныслысь положение, сы водзын сулалан мог. Воддза лунъясса бойяс дырйи, мыйын сійё эз вёв уверен, юасьліс начальствоысь, төлкуйтіс Соколовкөд, и сылы быдён отсавлісны, а өні сійё өтнас, юасьны некодлысь. Петкөдлыны ассьыд төдтөм-лун либё нервничайтөм — некыдз оз позь. Казяласны кө чужөм вылысь либё сёрниысь мыйкө татшөмтор, сэки успех вылө надейтчыны нинөм. И медым дзикөдз бырөдны волнуйтчөмсө ассьыс, Карпенкокөд орччөн восьлалігөн Рочев юасис сылысь первой разведкаын «кыв» кутөм йылысь, мый вылө Карпенко окоташырысь висьталіс мөд пөв пөшти ставсө, мый висьталіс ёртъясылы блиндажын, а сэсся мовпъяссө дзик мөдарө бергөдіс:

— Гортсяныд тэд, Карпенко, частө гижёны?

Карпенко недыр чөв оліс. Сійё эз виччысь татшөм юалөмсө. Дай сьөкыд вөлі сылы вочавидзны тайө юалөм вылас.

— Менам, комбат ёрт, абу гортөй. Ме овлі Украинаса ичөтик сиктын, Харьковскөй областын. Но партизанъяслы отсасьөмысь немец сотөма сиктсө.

Рочевлы эз ло лөсьыд аслас юалөмысь, Карпенколысь сьөлөм дой вөрзёдөмысь. Но водзө нуөдіс:

— А бать-мамыд ловъяёсь?

— Мамө ловъя. Сійё оліс Казахстанын, а өні локтіс Харьковө. Батько фронт вылын жө, кытөнкө войвылын.

— Ачыд гөтыра?

— Гөтрасьныс эськө эг на удитөй, но өта-мөднымөс лыддям ассьынымөн. Война помасяс да, гөтрасям.

— Гижө?

— Гижө-ө,— нимкодя нюжөдіс Карпенко и, югыд кө вөлі, дерт, төдчис чужөм гөрдөдөмыс да нюмдөмыс.

— Гажыд быри?

— Эн нин шуөй. Кыдзи нө гаж оз быр!

— Сійё нө көні, мамыдкөд?

— Машөйс? Абу. Сійё нин мөд во фронт вылын, первой Белорусскөйын, военфельдшер сійё. Быд лун письмө гижө, өтпырйө дас письмөөдз пөлучитла...

Водзын мунысьяс сувтісны, Рочев эз удит помөдз кывзыны Карпенкоөс, лои котөртны төдмавын. Вөлөмкө, высота йывсянь тыдовтчөмны бияс ичөтик сиктысь. Фонарикөн карта югзьөдөм бөрын Рочев веськөдчис азимут серти, туйясысь бокө кежөмөн.

Рочев кыдзкө друг аддзис вөр дісө, быттьө сійё му пытшсьыс кыпөдчис киссьөм килля гырысь да тшөкыд пуяснас. Сьөлөм вылас кокни лои Рочевлы: сійё воис индөм местаөдз немец төдлытөг. Часі вылө видзөдлөмөн, йөзсө пыртіс вөр пытшкө шойччөдыштны: югдытөдз кадыс уна на вөлі. Подразделениеясса командиръяскөд ачыс муніс вөр ді пөлөн водзө, Соломны сиктланьө, коді вөлі муртса төдчыштө вуджөр моз. Рекогносцировка дырйи Рочев сувтөдіс мог быдөн водзө торйөн, быдөнлы торйөн индіс, мый колө вөчны, индіс огневоёй позицияс пулемөтъяслы, назначитіс штурмуйтан да поддерживайтан группаяс, урчитіс

наступайтан да атакуйтан порядок, сигналъяс да мукöд колан-торъяс. А Полозовлы аслас ротаөн тшöктіс окопайтчыны вөр ді асыв бокас, вөр пытшкас не пыдö пырöмөн.

Лöз тöдчыны заводиттöдз на цептö разöдчöмөн Рочевлөн ротаяс шытöг да тыдавтöг, вуджөръяс моз, тövзисны водзö. Сo-ломны сиктöс тывкöбötö босьтiгмоз.

Унджык взводыс öдöб вылысь ньöти лыйсьытöг пырис сиктö.

Но сиктшöрсa гырысь керкаяс дiнын таркнитіс автомат. Сы-лы воча шыасисны дас кымын. Сынöдö качис ракета. Керка-ясысь пробкаяс моз чеччалöны йöз, еджъялöны муртса югдыштан ывлаас улыс паськöмнаныс, лыйсьöны автоматъясысь кытчö веськалö, некодöс адзытöг. На дiнö орласьöм гöрд сунисъясөн нюжалöны трассируйтан пуляяс, медым вурыштны пöсь свинеч емъяснас. Лыйсьöм öтарö öддзö. Кос пövъяс чегъясян шыөн ратшкакылöны гранатаяслөн взрывъяс. Гырысь керкаяс сайын öтпырийö öзйисны куим-ö-нель идзас вевта хата. Кылö раненöй-яслөн овгöм, нывбабаяслөн лёк горшөн горзöм.

XIV

Соколовлөн батальон кыпöдчис мунны Рочев бöрся вит минут мысти. Но эз на удит прöйдитны сё мöд метра, сынöд тыри ра-кетаясөн, ывла югдiс, би югөр водзын пансис чорыд бой. Ба-тальонлы бөр лои бöрынтчыны окопъясö. Та бöрын ротаясөн да весиг торъя взводъясөн писькöдчыны босьтчылöмсьыс немтор эз артмы.

Недыр мысти Соколов тöдмаліс, мый Рочевлөн квайтöд рота-сьыс писькöдчыны вермöма öти взвод. Кык взводыс дай минрота дзоньнас кольöма, торъялöма батальонсьыс. Весиг рациясö Ро-чевалысь абу удитöмаöсь нуны.

Ставыс тайö сьöккыд изйөн водіс Соколовлы сьölöм вылас. Сійö вывтi тöждысьö Рочев вöсна, а öнi некутшöм сöвет сетны сылы оз вермы. Мый öнi сійö кутас керны öтнасөн, кор сылы нинöмөн оз позь отсавны? Кутшöм решение примитас ас кежас? Кытчö нуöдас батальонсö?

Рочев йылысь Соколовлысь мövпъяс торкис радист. Труб-каысь Соколов кыліс Ковалёвлысь пеньгана гölöс:

— Тэ нö век на места вылад? Кор нö задачатö решитан? Кыдз нö тэ вермин ёрттö öтнассö эновтны ош гу вылö мунігөн?

Соколов немтор эз вермы воча шуны Ковалёвлы. Весиг эз кыв, эз гögөрво, мый ещö висьталіс Ковалёвыс. Сылөн кывъясыс кырыштісны, пурттöг вундісны Соколовлысь сьölöмсö. Некодз эз вермы Соколов прöститны аслыс тайö неудачасыс. Мый дыра нин сійö воуйтö, а эз вермы выполнитны приказ, ассъыс ёртсö, другсö эновтіс öтнассö, кодi збылысь муніс ранитчöм ош дiнö.

Скöрысла да нормöмысла гораа мурöстöмөн Соколов чеччыш-тіс окопысь, дзизйöдлан пуляяс костöд котöртiс первойя ротаса командир дiнö да сы окопö чеччыштiгмоз, лыйсьöм шысö вевт-тыны зильöмөн, горöдіс:

— Век на тани! Кор нö тэ кыпöдан ротатö, кор прорвритчан? Али эновтны кöсьян Рочевлысь ротаяссö ас кежас? Эм абу тэнад сьölöмыд?

Лейтенант Зарубин — первой ротаса командир — первойысь на аддзис Соколовысь ракетаяс югөр водзын лөзөдөмкодъ скөр чужомсö, первойысь на кыліс сылысь не аслас кодъ гөлөссö да весиг шай-паймуніс. Сэсся, кор гөгөрвоис, мый көсйö тöдмавны комбатыс, ки пöвсö козырёк дінас лэптыштлөмөн, нуртöма чөвтис:

— Ротаöс кыпöдны ме верма, ставныс мунасны ме бöрся, но öд, комбат ёрт, ачыд аддзан: эсйö мыльк йылöдзыс некод ловйөн оз во.

Соколовлөн тупкөса вом вылө видзөдлөмөн содтіс аслыс моз:

— Вот эськө танкъяс кө вöліны тани!

— Да, танкъяс кө вöліны эськө,— пыдісянь ышловзис Соколов.— Но танкъяс вöчöны ассыныс удж решайтанаджык участкисын.

Дугдывтöг ыпъялан ракетаяс югөр улын Соколов перйис Рочевкөд вежсьом портсигарсö, зажигалкаөн öзтіс папирос да портсигар вылас видзөдлөмөн гычöдыштис юрнас, мөвпыштис: «Регыд, тыдалö, Ваня, лоö ыстыны гöтырылды тэнсьыд медбөръя письмötö: тöдіс, буракö, сьölöмыд, вежсим тэкöд меддонаторъясөн, көсйим кувтöдз овны öтлаын, отсавны öта-мöдлы... А ме тэнö пыр энöвтi, öтнадтö коли».

— Комбат ёрт, гашкö, босытчылам писькөдчыны?— ордіс Соколовысь мөвпъяссö Зарубин.

Соколов ещö öтчыд видзөдліс водзвылас, востымасян енэж вылө да вочавидзис:

— Öти отделениеөн... По-пластунски!

Жалиттöг шötö немеч снарядөн да минаөн, ведраысь моз кисьталö пулемётъясысь да автоматъясысь, дугдывтöг югзбөдö гымалан сынöдсö.

Унаысь Соколов кыпöдліс йөзсö, ыстывліс водзö отделениеясөн, взводъясөн, но писькөдчөм эз артмы.

XV

Фричелысь батальон вежны рөмдігас воисны свежöй вынъяс. Мыйөн пемдыштис, Фриче петкөдіс ассыс шочмөм ротаяссö вит километрсайса сиктö, а войнас получитис приказ форсированнöя маршируйтны Соломны сиктö, медым сэсь «вербуйтны» йөзөс, эвакуация ним улын нуны Германияö. Фричелы нимкодъ лои, морös тырнас лолалö, вомкөтшъясыс увлань паськалыштисны, синъясныс вина ютöг кутісны дзирдавны.

Сылөн штабса начальник — лейтенант Краузе гөгөрвоис: оберлейтенант Фриче Фриц нюмъялö. И эм мыйысь нимкодъясны. Фричелы зэв кажитчö «вербовкаөн» занимайтчыны. Та могысь Фриче мунас пыді тылö, а сэсянь, гашкö, и водзö мөдöдасны, гашкö, и ловйөн пышйöдас сйö ассыс юрсö тайö кошмарсьыс, русскöйяс биысь, кытысь петан туйыс эм сөмын гуын.

Кольөм во Фричелы Украина кажитчыліс район, а «аслас имениеыс», кодös пöдаритліс полковник Штольц, вöлі кажитчö райса садйөн, мед көть сэнi русскöйяслөн и совхоз вөвлöма. А öні Фричеöс сир би моз сотö Украинаыс, öти вой оз лэдз пötтöдз узыны. «Имениеыс» важөн нин бөр русскöйяс кийн, колөкө, бөр нин сэтчö совхоз восьтісны. Но сйöс он нин бергöд, сйö воши век кежлö. Колö видзны, мый эз на дзикöдз вош, колö

мөдөдны гортөдз сійө эмбурсө, кодөс Фриче ыстіс Соломнө вит повозкаөн. Оні сійө ачыс воас Соломнө да аслас киясөн мөдөдас гортас, Германияө, гөтырыслы видзны ставсө, кучик чемоданысь кыңдзи. Кучик чемодансө, кытчө тэчөма Анилысь көлуй, Фриче пөдаритас кудель юрсиа машинистка Элизабетлы, кодкөд сійө төдмасьліс төлысь-мөд сайын дивизия штабө волігөн.

Тайө мөвпгьясыс хороводөн гөгралісны Фриче юрын. Кимышгьяссө зыралігтырйи му джоджа украинскөй хатаөд пөкаживайтө-мөн сылөн артмис:

— Майн гот!

Сэсса крута бергөдчис өдзөс дорын виччысысь Краузе дінө:

— Кык час мысти петны Соломны сиктө, воны сэтчө кык час кызь минутөн!

Нимкодпырысь Фриче тшөктіс сетны быд салдатлы сө грамм шнапс, но Краузельыш шензяна чужөмсө аддзис да гөгөрвоис, төд вылас уси, мый шнапс нин абу. Пыркнитчыштөмөн Фриче бара крута бергөдчис:

— Доннэр веттэр!

Мөвпгяс Фричелөн воисны переднөй крайө, вуджисны прөтивник окопгьясө, пырисны пыдөджык. Дум вылас сылы усисны кык советскөй офицер, кодгьясөс Фриче эз вермы бырөдны да кодгьяс вөтлісны сійөс Бронёвка сиктысь. Ок, кутшөма лөгыс петө Фричелөн на вылө. А торгья ёна Фриче скөралө комбат Соколов вылө, кодөс сійө төдө дыркодь нин. Кымынысь нин Фриче заводитліс стрөйтны плангьяс тайө комбатсө бырөдөм йылысь! Кутшөмторгьяс эз волыны сы юрө! Сійө мөвпаліс лунын бырөдны сійөс, войын төддытөг уськөдчыны, невидимкаөн пөртчөмөн кыйны ловйөн, но нинөм оз артмы. Öтчыд сійө весиг кутліс нин Соколовөс, көрталіс кияссө да нөйтігтырйи заводитіс нуөдны полковник Штольцлы, ыджыд награда йылысь мөвпалө-мөн. Но нуөдігкості садьмис и став мырсьөмыс весь воши. А оні, пыді тылө мунігөн, өдвакө нин Фричелы удайтчас бырөдны сійөс, өдвакө нин сылы паныдасьлас коркө.

Сэк кості Фричелөн виль денщик, бара жө Ганс да сэтшөм жө пөльтчөм вира чужөма, ас водзладорас йөткис хата пытшкө томиник, сьөд синтасьгьяса, ичөтик тушаа нылөс. Сера чышгьяныс сылөн усьөма косяссьөм платгья пельпом вылас, ыджыд сьөд көсасыс петөм юрси пратгьяс өшйөмабсь чужөм бокгьясө.

Вом калькөдөмөн Фриче бергөдчис нывлань, син читкыртөмөн мерайтіс сійөс да кызөктөмөн ныр пырыс моз шыасис, кирган-кодь гөлөссө небзөдны зільөмөн:

— Нун... матка! Ме тэнө гөстьө кори! Биттэ, пуксьы!

Ачыс стөкангьясө кисьтіс ром. Ганс вылө синкым пыр видзөд-лөмөн, юрнас индіс өдзөсө. Ганс весасис.

Фриче матыстчис зумышөн сулалысь ныв дінө, ньөжйөникөн кутіс коскөдыс, топөдіс ас бердас. Но нывка тракнитчис, тойыштис Фричеөс мый вынсьыс. Фриче муртса эз усь. Ачыс нывка чепөсйис өдзөсө.

Тойыштөмысь Фриче эз скөрмы, эз нин первойысь сійөс тойыштны, эз нин первойысь Украинаса либө роч нывка горөдөмөн уськөдчы өдзөсө сы дінысь, сыөн коскөд кутөмысь. Но тшөктіс кө Фриче вайөдны «гөститны» — керкаысь петны ныв оз вермы,

ас окота серти ѓдзѓ оз воссы. Нывлы быть лоѓ либѓ «гѓститны» асылѓдзыс, либѓ... нѓѓтчѓд не аддзѓвны югѓмсѓ.

Горзѓгтырѓи кѓкнан кулакнас ѓдзѓсѓ кѓчкалысь ныв дѓнѓ нѓѓжѓѓник матѓстчѓмѓн, Фриче чургѓѓдѓ нывланѓѓ парабеллумсѓ да, юрнас пызанланѓѓ инѓмѓн, нѓр пырыс шыасѓѓ:

— Мун, матка, биттѓ, пуксы!— кватитѓс соѓѓдыс, тойыштѓс пызан дорѓ.

Вылысь матѓстчис ныв дѓнѓ, бѓсьтѓс пызан вылысь ром стѓкан, вайѓдѓс нывлы вом дорас:

— Биттѓ, аллес! Гут вайн!

Ром стѓкансѓ нывка шеныштѓс Фричелы синмас. Ачыс усь-кѓдчис ѓшинѓѓ. Улѓс вывсѓнѓ чужѓйс рамаѓ. Гѓрбыльтчыштѓмѓн чеччыштѓс...

Но сѓк колѓбтѓс лѓйѓм. ѓшинѓ улын кѓліс пласѓт усьѓм шы. Фриче пѓлыштѓс пистолет стволѓ, тѓрмасѓтѓг сѓѓйс ка-бураѓ, небѓд креслѓѓ пуксѓгмоз чѓвтѓс:

— Непокорнѓѓ, упрѓмѓѓ, нисшѓѓ раса!

Фриче мѓвпыштѓс Ани ѓылысь, кодѓс сѓѓѓ лѓѓйс ѓшинѓ пыр жѓ, сѓмын ывласѓнѓ. Сѓсѓя юрѓ воис «вербовка» нуѓѓм. Дум-нас чеччыштѓс кѓмынкѓ тѓлысь бѓрѓ, кор сѓѓѓ нуѓѓс татшѓм «вербуйтѓмсѓ» ѓти сиктын Киевскѓѓ областѓын. Сѓк сѓѓѓ тѓдзи жѓ войын мунѓс сиктѓ став батальоннас. Югѓдѓѓн расквартируйтѓс салдатѓяссѓ бѓд хатаѓ. Ачыс овмѓдчис томѓник да мѓчѓник парѓкмахер ордѓ — Анна Зѓнд ордѓ. Збыль кѓ шуны, Зѓнд ачыс корис Фричеѓс гортас овмѓдчыны, вѓѓѓйс сылы ассѓыс ѓти ком-натасѓ да сѓк жѓ шыасѓс, мед Фриче отсалас сылы вѓтлыны орчча кѓк комнатаысь учительницѓясѓс. Сѓки Анна Зѓнд и ка-житчис Фричелы да сѓѓѓ жѓ лунсѓнѓыс разрешѓтѓс сылы шусѓы-ны Ани Фричеѓн.

— Биттѓ, фрауен, вѓчѓѓ сѓдз, медым дас вит минут срокѓн чѓститны кфартѓра мѓнам штаблы!

Учительницѓяс повзѓѓмѓн видзѓдлѓсны ѓта-мѓд вылѓ, сѓсѓя ѓтпырѓѓ Фриче вылѓ:

— Господѓн офицер,— шыѓдчѓ ѓтиыс сы дѓнѓ,— кѓдзи нѓ ми вермам дас вит минутѓн... Кѓтъ рытѓдзыс пукты сроксѓ, мед кѓтъ кѓлуйсѓ удѓтам петкѓдны керкасѓыс.

Тѓнѓ сѓѓѓыштѓс Анна Зѓнд:

— Майн, офицер, ме тайѓяслы унаысь нѓн висѓтавлѓ, мед мунасны комнатаысѓыс, кадыс уна нѓн вѓлѓ. Кѓтъ нюжѓдан рытѓдзыс — оз жѓ петны, вывтѓ упрѓмѓѓѓс!

Фриче чѓвтлѓс Анна вылѓ нюмѓялан синѓяс да мѓвпыштѓс:

— Шѓнѓ нывка!

Сѓсѓя гораа:

— Гѓнс! Чѓкѓст зѓльдѓтѓн! А тѓ,— бергѓдѓс юрсѓ учительницѓяс вылѓ,— он кѓсѓѓ выполняйтны приказ немецкѓѓ коман-довѓниелысь? Он кѓсѓѓ подчинѓйтчыны? Арѓстовѓйт кѓкнан-сѓѓ!— гѓлѓс лѓптытѓѓг шуис пырысь салдатѓяслы. А мѓѓѓн учи-тельницѓясѓс нуѓѓсны да Аннѓкѓд сѓѓѓ коли кѓкѓн, мелѓа шуис:

— Учительницѓяслысь имущѓство конфѓскуѓѓ и ставсѓ пѓ-дарѓта тѓныд, хѓ, хѓ, хѓ!

— Майн либер!— немец кѓвѓѓн вѓчѓвѓдзѓс Анна да кѓкнан кѓнас кутчысьѓмѓн ѓшѓдчис Фричелы сѓылѓѓ. Сѓсѓя, кор найѓ

веськалісны диван вылө, Анна мөд пөв висьталіс тайө кывъяссө, а недыр мысти Фриче Фриц шуис сійөс Ани Фричеөн.

Лун шөрөдзыс на Фриче Фриц өшөдіс объявление том йөзөс Германияө уджавны вербуйтөм йылысь, гижис, кутшөм лөсьыд лоө овны Германияын, да индіс, медым кык час срокөн локтасны сы ордө гижсьыны, коді көсийө овны Германияын гажа олөмөн.

Коли кык час, куим, рыт воис, но Фричеөн көсийөм гажа олөм вылө некод эз ышты, гижсьыны некод эз во. Адъютант Краузелөн гижавны лөсьөдөм список коли тыртөм.

Аскинас Фриче өшөдіс приказ, медым став том йөз суткиа срокөн регистрируйтчөны штабын. Но приказ эз отсав. Сёр ытөдз Краузе весьшөрө виччысис том йөзөс, торъя нин том нывъясөс, медым на пиысь бөрийыны өти медмичасө кымынкө вой кешлө. Рытнас Краузе көсийс доложитны Фричелы, но Фричелөн патера өдзөс асывсаян нин вөлі крука.

Хатаясө разместитөм немецкөй салдатъяс асывнас казялісны, мый дас квайт арөсысь ыджыдджык зонъяс сиктө абу кольөмаөсь, войнас найө ставөн сылөмаөсь, быттө абу и вөвлөмаөсь.

Салдатъяс та йылысь висьталісны отделеннойяслы, отделеннойяс взводнойяслы, взводнойяс ротнойяслы, а ротнойяс доложитісны Краузелы. Краузе котөртис Фриче Фриц дінө.

Краузелөн кывъясыс Фричелы быттө нөшкөн клөнөбтісны юрас. Сійө некутшөма эз виччысь татшөмтор «упрямой» украинецъяссян. И оз позь вөлі лэдзны татшөмсө. Фриче гөгөрвоө вербуйтөмлысь коланлун, төдө немецкөй главнөй командованиелысь приказ: нуны Украинаысь Германияө уджавны миллион том мортөс. И друг кутшөмкө пацанъяс лысьтөны сопротивляичыны немецкөй офицерөн сетөм приказлы! Оз вермы лоны! Фриче оз терпит татшөм наглость! Фричелы сетөма нинөмөн ограничитөм право! Сылы тшөктөма нуөдны тайө вербовкасө любөй методөн да средствоөн. Краузе вылө көсөйтчылөмөн, сійө горөдіс:

— Облава! Чукөртны ставсө вичкөй!

Минут дас мысти сикт пасьта лыбис мамъяслөн да челядьлөн бөрдөм, том нывъяслөн горзөм, немецкөй салдатъяслөн ёрччөм. Час мысти вичко өграда вөлі тырөма зонъясөн, нывъясөн, верстьө мамъясөн. Джуджыд көрт өграда ортсыын тшем сулалөны автоматъясөн немецкөй салдатъяс. Автоматчикъяслөн мөд ыджыд цепь кытшын старикъяс, старукаяс, олөма нывбабаяс да челядьяс.

Өграда пытшкын и ортсыын чөв сулалысьяслөн быгалөм чужөмъяс бергөдчөмаөсь өти местаө, гөгрөсмөм синъяс синва пыр видзөдөны өграда воротаө. Сэні став сиктлы төдса кудриа юрсиа Грицко Остапчук, Катерина Остапчуколөн өтка пи, вердысь. Грицко кок улысь Фриче муртса на өні чужийс табуретка.

Ставлөн на пеляс кылө Грицколөн тэрыба шуалөм медбөръя кывъясыс:

— Хлопцы, эн мунөй неметчинаө! Регыд воас Червонөй Армия, мездас ставнымөс! Отсалөй партизанъяслы, отсалөй налы, кодыас сыліны тавой! Смерть немецкөй...

Свинеч кодь сьөкыд чөвлунсө орөдіс ичөтик нывка, коді автоматчикъяс костөд өграда пытшкысь аддзис мамсө да уськөдчис сы дінө горөдөмөн:

— Мамо-о!

Өграда пытшкын нывкалөн мам сьолөмнас кыліс нылыслысь горөдөмсө, ойөстөмөн горөдіс воча, чечыштіс өграда вылө, көс-йис петны ас кага дінө, бурөдны сійөс. Но немецкөй салдат кузь очередьөн уськөдіс сійөс өграда вывсьыс.

Час мысти вичкоын ни вичко гөгөрын некод эз вөв. Вичкоысь и өградаысь ставнысө нуөдісны станцияө, поездө, нуны Германияө каторжнөй уджъяс вылө. Өграда ортсыысь йөзсө вөтлісны гортъясө. Фриче Фриц сетіс выль приказ: аски асыв кежлө өтитөг локны вичко дорө ставлы, коді войнас пышйис партизанъяс дінө. Дас мортөс босьтіс заложникъясө да висьталіс ставлы: «Асылөдзис кө оз воны партизанъяс дінө мунысь том йөз, тайө-ясөс лоө лыйлөма».

Дас час асылын бара чукөртісны вичко дорө сиктысь став йөзсө. Заложникъясөс вайөдісны өграда дінө, лыйлісны Остапчук кок улын.

Бөрдысь йөз чукөрын друг кыліс: «Пөжар». Кимөдзьясөн да сос вом доръясөн синва чышкыштөмөн сулалысьяс бергөдісны юрнысө вичко воротаысь. Синъясө кучкисны хата идзас вевтъясысь каян би кывъяс. Керка дінысь керка дінө котралөны немецкөй салдатъяс, факелъясөн зургөны идзас вевтө да водзө котөртөны.

Йөз чукөр сямуні. Уськөдчисны пөжарнөй машинаяс дінө. Но туйсө потшисны автоматчикъяслөн очередьяс. Уськөдчисны хатаясө, медем спаситны биысь кагаясөс, эмбур, мый удитасны. Но сійө жө очередьяс конъявлөны хата дінө матыстчысьясөс.

Тадзи быри Украинаса сикт, бырины тайө сиктса йөзис.

«Вербовка» кузя задание выполнитөмысь командование ошкис Фриче Фрицөс.

Жугөдөм өшиня хатаысь Соломнөй мунны петігөн Фриче мөвпыштіс:

— Гашкө, тайө «вербовкасыс» и награда пөлучита!

XVI

Вөр ді нюжалөма асыввывсянь рытиввылө километр дорысь кузя да шөрвуйөдыс паськалөма километр джын сайө. Сэні быдмөны сө вося гырысь дубъяс, киссьөм коръя увъяссө жергөдөмөн. Ур ни лэбач, некутшөм ловъя лов вөрын оз кыв. Өткымынлаысь пуяссө пөрлөдлөмаөсь, кольөмаөсь еджыд йыла мыръяс.

Комбат приказ серти лейтенант Полозов — квайтөд ротаса командир — вөр ді асыввыв бокин займитіс оборона взводөн, коді писькөдчис татчө батальонкөд. Вөр ді мукөд бокъяс Полозов вермис патрулируетны сөмын кымынкө мортөн. Соломнөй наступайтны петігөн Рочев висьталіс Полозовлы:

—>Addзан кө мянлысь гөрд да лөз ракетаяс, котөрөн локтанныд отсөг вылө. Сигналтөг местаысь эн вөрзъы.>Addзан кө прөтивникөс, ысты ме дінө связнөйөс! Яснө?

— Яснө!

Лөз төдчигөн Полозов кыліс Соломныысь бой пансьөм, аддис трассируйтан пуляяслысь визьялөм, еджыд ракетаяслысь дзирдалөм. Но сигнал эз вөв, и Полозов коли места вылө. Кыкысь шыасьліс сы дінө орчча окопсянь боец Карпенко. Сылы оз ов-

сыы тані, кор ёртгъяс би пытшкынёсь, окопын пукалёмыс сылы кажитчө весьшөрө кад воштөмөн. Сійө чайтис, мый Полозов на-рошнө сёрмөдчө бойö пырны.

Карпенколысь первой шыасьом Полозов шуткаö бергөдис, а мөдысь шыасьом коса вундис:

— Кор лоö приказ — сэк и мунам!

Карпенко көсйылис на шыасыны Парамонов дінö. Но сійö вөлі бокинджык, вөр дор йылас наблюдательын.

Дөзмөмпырысь Карпенко кыскис кисетсö, тэрыба гартыштіс ыджыд чигарка. Но куритны вөлі запретитöма. Окоп бруствер выlö гырдазанас öшөдчөмөн, сингъяс лапнитлытөг Карпенко кутіс дзоргыны муртса тöдчыштан Соломны сиктö, лыйсьомсö чожа кывзөмөн. Лыйсьом шы серти сійö öшыбитчытөг висьталö, коді да кутшөм öружиеысь лыйлö.

— Лейтенант ёрт, немецгъяс омöля лыйсьöны, ёнджыка миян пöпöшаяс да винтовкаяс кылöны. Со, лимонка поті... мөд... коймөд. О-о, немецкөй автоматгъяс варовмисны. У-у, мый кузя очередь. Тайö бара, дерт, парторг Захаров. Сійö öд патрон жа-литтөг розьöдлö немецгъяслысь рушкуяссö и юргъяссö. Тöданныд, лейтенант ёрт, сійö висьталö, ме пö фрицтö ог пöперег лый, а век вывсянь улö шöри поткöда.

Карпенколысь варовитöм торкис Парамоновлөн гөлөс:

— Аддза прöтивникöс! Асыыввсянь локтöны колоннаяс!

Полозов да Карпенко öтпырйö бергөдчисны асыывылö, көні сөдз енгжсö вөлі гөрд зарниөн банйöма садьман төвся шонді. Налы тыдовтчис вит кымын негырысь колонна, кодгъяс буретш вөлі лэччöны высота таладор чойöд, вөр дісянь километр куим сайын. Колоннаяс муртыштөмөн Полозов ещö видзöдліс Солом-ны сиктын мунам бой выlö, кывзысьыштіс лыйсьом шыас да мөвпыштіс:

— Бой мунөмсö не аддзыны да не кывны найö оз вермыны. Тайяс, дерт, отсөг выlö локтöны Соломныйö; дерт, налы юөртісны радио либö телефон пыр. Но мыйла нö эськö колоннаясөн лок-тöны, а походной заставаныс зэв матын? Тэрмасьöны, буракö,— гөгөрвоис Полозов.

Полозов прикажитіс Карпенколы котöртны да доложитны комбатлы. А Карпенко котöртөм пыдди кисö лэптышлөмөн кев-мысян сингъясөн видзöдö Полозов выlö:

— Лейтенант ёрт, разрешит шыасыны!

— Мый нö лои?

— Кор сэн бой вөлі пансьö, эн лэдз мунны, öні тані бой көсйö лоны — ыстан тась. Хиба сэсса некод абу меысь кындзи?

— Вöч, мый прикажиті!

— Эм!— нурбыльтіс Карпенко, места вывсяньыс котöртны уськөдчөмөн.

Бой кежлö лөсьöдчыны приказ сетөмөн, Полозов орöдчывтөг дзоргö прöтивник выlö, ассыыс вом доргъяссö курччалігтырйи. А юрас жувгö öти мөвп:

— Эк, эськö вөлі кө тані Коржев аслас миномётгъясөн, пет-көддім эськö сэк пуж тгянлы! Регыд эськö колоннаястö колодаясö пöртім! А мый öні? Миян сөмын автоматгъяс, весиг и пулемётыд абу. Разöдчытөг кө эськö матö воасны и ладнö, а разöдчасны кө? Вөр ді войвыв ни лунвылын менам некод абу. Дай уна-ö менам йöз — китыр, быдлаö оз тырмы.

Полозов нетшыштис косьмём си турун да ичотикаён орьод-лігтыр видзодё одйё матысмысь протівник вылө, пельяснас Соломныын мунан бой кывзёмён да гимнастёрка зепсыс комсомольскöй билетсö кималасөн видлёмөн.

Протівникöс Полозов адзö ки пыдöс вылысь моз, лыддис нин весиг, кымын морт сълөн, кутшөм öружиеыс да. Со водзза колоннаыс кутис локны öтикөн, сьöрся-бöрся, головнöй походнöй заставаын содi морт дас кымын. Найö ёна тэрмасьöны, мунöны котöрөн сорөн туй кузя, а туйыс дзик вөр бердтi швачвидзö.

Вөр дiнö воигөн походнöй застава разöдчис цептö да веськыда зурзьöдö Полозовланьö, көсйö, буракö, сынавны вöрсö. Наöдз сöмын нин сё метр, этшаджык. Полозов сибдöма автомат дiнас, шуйга синпöv куньмөн да веськыд водз чунь спускөвöй крючок вылө пуктёмөн. Полозовлы колö, мед колоннаыс матöджык воасны полошуйтчытöдз. Сйö урчитис бырöдны тайö матысаяссö сöмын вит мортлы, а мукöдыслы лэдзны кузь очередь колоннаяс кузя.

Локтысь немецьяслөн синъяс ёнджыкасö кодзлөдлöны оз вөр пытшкö, а Соломны вылө. Но рушкуясö пыкөм автоматьяс налөн веськöдчöмаöсь вөр дiö. Тöдчöны нин весиг налөн восьса вомъясыс, кажитчö, кылö нин кокъясөн кын идза подйö шарскөм.

Полозов личкыштис водз чуньсö. Лыйөм шыыс йөлöгаөн сярмунi вөр пасьта. Быд боец лэдзис кузь очередь. Матыса цепысь кодi сунтшыкмунi, кодi гатш черъёвтчис, автоматнас шеныштöмөн, кодi вель дыр катласьмөн пöри. Колоннаяс джөмдылисны, унаөн места вылас нюкырмунисны, мукöдыс сяммунисны ыжъяс моз, кытчö веськалö.

Но регыд оправитчисны. Разалисны цептö. Восьтисны чорыд би. Заводитисны наступайтны, вөр дiсö тывйыштны зильмөн. Со найö вöчалöны дженъыдик перебежкаяс миномётнöй би прикрытие улын. Кыссьöны по-пластунски. Чукöрмöны атака рубеж вылө.

Тыдаvmөн выйö Полозов синъяснас котöртis окопьясöд аслас йöз дортi. Стаvөн лöсьöдчöмаöсь лыйны, кыйöдчöны кыйсысыс моз.

Немечьяслөн цепь сувтис. Автоматьясысь резигтырйи первой осьлөн, а сэсся котöрөн уськöдчис водзö. Лыйсигмозыс Полозов видзöдліс шуйгавылö. Неылын сысянь öти боец чеччыштis, öружьетöг котöртö бөрö. Полозов горöдiс сылы. А сйö ещö öдзис. Парамонов бергöдiс автоматсö пышйысьлань:

— Тру-ус!— скөр кыз гөлөсөн мурöстis. Таркнитis очередь.

Та костi асывывысянь немецьяслөн атака тшöкмунi. Ловйөн кольысыс бöрыньтчисны. Но войвыв боксянь найö пырисны вөрö, Полозовлысь сэсь кымынкö боецöс нырыштöмөн.

Миномётьяс öтарö чорзьöдöны лыйөм. Пуясö инмалысь минаяс унаöс нин петкöдiсны стройысь. Ранитчис Полозовлөн сойыс.

Недыр мысти протівник атакуйтис вöрсянь. Но Полозовлөн автоматчикьяс бара отбитисны атакасö. Немецлы выльысь лои бöрыньтчыны, пуяс костö уна шой кольөмөн.

Коймöд атака отбитөм бöрын Полозовлөн коли дзоньвидзaөн морт дас кымын да вит-ö-квайт раненöй вöлі вермö на лыйсьыны.

Полозов öнi аддзö ставсö. Сийö дыр видзöдö Парамоновлөн лөнъ да увереннöй чужöм вылö, а пельясыс быттö лöсьыд сьылöм кывзöны, кор атакаяс костын Парамонов спокойнöя чöвтас:

— Ещö öтчыд виньдiс!

Парамоновлөн уверенностыс вуджö мукöдъяс вылö. Атака отбитöм бöрын боецъяс чужöм вылын ворсö нюм. На костын кылö гажаджык сёрни. Сэтшöм нин салдатлөн олöмыс: бой дырйи сийö зумыш, скөр, а опасностыс прöйдитас да ставыс вунö, медся страшнöйторъясыс кутöны кажитчыны вöтын моз тешкодöн. Збыль шуöны, мый салдат бой дырйи эралö, а бой бöрын — серавлö. Но тайö серавлöмыс, нюмъявлöмыс тöдлытöг сылö чужöмъяс вылысь, кор опасностыс выльысь матыстчö, гажа сёрнияс асьныс орöны, кор заводитчöны шутлявны пуляяс, ратшкакывны минаяс, кор бара лоö топöдчыны автоматъяс дiнö.

XVII

Бой лөнис вочасөн. Соломны шöрсянь лунвылын лыйсьöмыс дугдiс нин, а войвылас то öтилаын, то мöдлаын трачкöдчöны на автоматъяс, гыпкöны винтовкаяс, ротшйöдлöны гранатаяс. Сэк Рочев дiнö кашкигтырйи воис Карпенко, висьталiс сылы ставсö, мый аддзылiс да мый тшöктiс доложитны Полозов. А мый öнi вöчсьö сэнi — Рочев ачыс нин кылö.

Сиктö разалöм нельöд ротаöс чукöртöм бöрын Рочев сетiс приказ — кытшовтны вөр дiсö рыгыв боксянь, атакуйтны прöтивникöс да кöть мый, а кутны вöрсö ас кийн. Дас кымын автоматчиккöд ачыс уськöдчис сикт войвыв помлань.

Час джын мысти ставыс вöли эштöма. Пленнöйяс эз вöвны. Но и шойяс пиысь некод эз казав ни генералöс, ни обер-офицеръясöс. Местнöй йöз висьталöм серти, дивизия штабыс тась весасьöма войнас. Кольöма сöмын уна машина, повозка.

Витöд ротаса боецъяс пöвстысь сюри шофёр. Машина бöжö сийö кöрталiс немецкöй противотанкöвöй пушка, машинаö сöвтiс снаряд ящикъяс, кык миномёт мина ящикъясөн да тövзис вөр дiланьö.

Лöз öшиня керка дiнын сулалан повозкаясысь шыблалiсны чемоданъяс, ящикъяс, мешöкъяс, зiля доддялiсны вöвъясöс, да, витöд ротасö пöшти ставнас пуксьöдöмөн, Рочев гөнитiс вөр дiланьö. Сиктын бой вöлöм йылысь висьталiс сöмын кымынкö ваймысь хатаысь ру кодь тшынлөн паськалöм да уличъяс вылын фриц шойяслөн лясвидзöм.

Полозов дiнö Рочев воигөн прöтивникöс вöли вöтлöма нин вöрысь. Кытш джынйөн вөр дiсö кытшалöмөн, немеч окопайтчис.

Окопайтчисны и Рочевлөн ротаяс.

Недыр мысти Рочевлы донеситiсны, мый рытиввывсянь вөр дiланьö матыстчö прöтивник. Öти рота лои снимитны окопъясысь, ыстыны вөр дi мöдар помö, медым не лэдзны прöтивникöс пырны вөрö мышсянь, медым кутны вөр дiсö медбөръя мортöдз.

Вөр дi помын неуна лөнъышталöм бойыс выльысь öзйис да вöрсä пöжар вылын моз биыс чеччыштiс дi мöдар помас. Вөр дiсö немеч босьтiс кытшö. Сийö быд боксянь наступайтö, ыджыд цепь пеклясö шыркöдöмөн.

Вөр пасьтала гымалёны снаряжаслөн да минаяслөн взрывъяс. Осколокъяс чашйёны пуяс, орьёдлёны увъяс, койёны смерть. Пуляяс дугдывтөг живгёны, тивзёны, и Рочевлы кажитчё, мый та мындаыс весиг коми съёртын номйыс оз овлы.

Связнойяс пыр Рочев сетіс ротаяслы приказ:

— Лыйны шоча, сёмын цельясё, матёдз сибёдомён!

Сэсся чорыда содтіс:

— Местаысь не бёрыньтчыны! Коть дзонь дивизия локтас вёрысь, босьтны миянёс немеч оз вермы.

Вёрын Рочев чувствуйтіс асьё гортын моз. Челядьдырся и томдырся кадыс Рочевлөн коли вёрын: вотчёмын, кыйсьёмын, вөр лэдзёмын. Чужан сиктыс сылөн вөр пиын. И Рочевлы кажитчё, мый быд пу нюмъялө сылы, быд пу дась дорйыны, видзны сійёс врагысь.

Связнойяс бөр воисны гажтём юөръясён: нельёд ротаын стройысь петёма джын йёзыс. Миномётъяслөн кольёма дас мина. Противотанкёвой пушкалөн — вит бронебойной снаряд. Витёд роталы лоёма бёрыньтчыны вөр пытшкё, сайёдчыны танкъясён лыйлёмысь.

Доймымён ёкмуни Рочевлөн съёлём, кор квайтёд ротаса связной висьталіс ротной командир Полозовлөн ёна ранитчём йылысь.

Эз на удит Рочев помёдз кывзыны связнойясёс да сетны выль приказ, енэж тыри эргёмён. Пуяс костёд видзёдомён, Рочев лыддис кызь вит «Юнкерс» да дас кымын «Мессершмидт», кодъяс гёгралісны бомбардировщикъяс гёгөр, кыдзи чикышъяс ыджыд варыш гёгөр.

Вөр ді весьтё воёмён, медводдза «Юнкерс» суныштіс, быттё ыджыд каля уськёдчис чери вылө. Усигмозыс «Юнкерсысь» торъялісны съёд чутъяс. Найё өдйё ыдждісны, дугдывтөг гораа шутёвтёмён матыстчисны вөр ді вылө. А сэк нин суныштё мёд «Юнкерс». Сы бёрын коймёд... нельёд. И ставыс гылёдоны быдман, шутъялан съёд чутъяс. Муыс сыркмуни, весиг окоп пыдёсын кутіс треситны өднёколкаён лёк туйёд мунигён моз. Сынёдыс тыри пель поткёдан оръявлытём гымён. Воронкаясысь вөр вевдорёдз качлан муыс лөп сорён тыртё му веркёссё. Нёмөвөйся дубъяс сартас моз юкасьёны да чаг моз лэбёны быд бокё. Кажитчё, муыс и вёрыс гудрасьё, сорсьё өтилаө.

XVIII

«Аслас имениеысь» пышйөдом совхозной бричкаын колоннаяс бёрся мунигён Фриче Фриц видзёдіс Соломны сиктысь кыштан съёд тшын вылө, а чошкёдом пельяснас кыйис сэсь муртса кылыштан лыйсьём шы. Фриче некыдз эз гёгөрво, мый сэн лоёма. Сылы сетісны приказ мунны Соломныё да «вербуйтны» том йёзёс Германияё нуём вылө. И нинём эз висьтавыны мукёдтор. Прөтивниклы татчё локны вөлі некыдз. Рытнас, пемдём бёрас, заводитлісны писькёдчыны, но эз вермыны. А өні Соломныын явё кылө лыйсьём шы. Керкаяс инё мед сотчёны, сійёс вермисны озтыны немечъяслы сопротивляйтчёмысь либё кутшөмкө мукёд ногөн выль порядок нарушайтөмысь. А гашкё, карательной отряд уджалө? Оз. Лыйсьёмыс мёд нога. Дай гранатаяслөн взрывъяс кылёны.

Вель дыр тадзи мөвпаліс Фриче. Сэсся швачкис аслас плешкё ки пьдöснас, горöдіс, весиг вьль денщикыс кöзла вылас череб-сидзис:

— Партизан!

Сэк жö прикажитіс содтыны йöзöс походной заставаö, котөрөн мунöмөн сынавны вөр боксö, колоннаяслы содтыны шаг. Фриче арталіс, мый сійö öні вермас кутны сиктсьыс став партизансö, мый найö оз удитны пышйыны, оз удитны нуны повозкаясысь Фричелысь эмбур. А вөр сынавны Фриче тшöктіс сідз, сы понда, мый сійö вөр, мый вöрсьыс Фриче полö нин Россияö пьрöмсянь. Вöрыс Фричелы, торъя нин татшöм ыджыд да сук вöрыс — медся шуштöмин, сэні вермöны лоны партизанъяс, сэні быд куст кöсйö крукыштны увъяснас, быд пу лöсьöдчöма пöрны да пьчöдны немечöс. Вермис кö эськö Фриче, став вöрсö бырöдіс Россия пасьтаысь. Но Россияысь вөр бырöдны оз позь сідз жö, кыдзи оз позь бырöдны и Россиясö. Помтöм вöрысь быд пу пöрöдны он вермы сідз жö, кыдзи он вермы копытны, сувтöдны пидзöс вылö и русскöй йöзöс. Кыдзи Гитлерлөн армия вынтöм бырöдны советскöй йöзöс, сідз жö и Фриче вынтöм пöрöдны либö бырöдны Совет муысь вöрсö.

Ассьыс вынтöмлунсö гөгөрвоём вöсна Фриче и полö быд вөр дйысь. Но öні сійö некыдз эз виччысь, ньöти эз чайт, мый вөрö пьригөн ытшкыштасны сылысь дозорсö да кузь очередьясөн ёна шочмöдасны колоннаяссö, кодъясöс сійö эз паськöд цептö, медым öдйöджык да матöджык воны сикт бердöдз.

Бричкаысь увлань юрөн моз канаваö уськöдчöм бöрын Фриче кымыныськö кьпöдліс салдатъяссö атакаö, восьтіс ураганной би миномётъясысь да орудиеясысь, но вөрö пырны эз вермы. Сэк сійö рация пьр йитчис полковник Штолицкöд да генерал фон Кюнсбергкöд, корис отсöг, корис весиг авиация.

Отсöг вылö тылсянь Соломны сикт пьр öдйö воис резервной батальон. Сэсся вөр ді бомбитіс авиация, а бöрынджык полковник Штолиц воис ачыс, полксö участок вывсьыс снимитöмөн. Воис и танкөвöй подразделение. Генерал фон Кюнсберг поручитіс Штолицлы тайö вынъясөн бырöдны вөр ді вылысь кыськö воём русскöй отрядöс. Штолиц прикажитіс босьтны кытшö вөр дісö, восьтыны чорыд би.

Фричелы висьталісны, мый Соломныын партизанъяс абуось, мый сэтчö кольöдмаось тылысь воём батальонысь взвод. Та бöрын сы юрысь эз нин вешйыв повозкаяс йылысь мөвп. Сійö поліс, мый Соломныö кольччöм салдатъяс вермасны ректыны сылысь повозкаяссö трофейяс пьдди. Недыр мысти командованиесö сійö сетіс заместительыслы да, кутшöмкö помка улын, совхозса бричкаö Ганскöд пуксьöмөн, скач мöдіс Соломныö, муяс вывті километр-мöд сайті гуранöд вөр дісö ордйöмөн.

Сьолöмыс эз ылöд Фричеöс. Соломны шөрö воигөн лөз öшиня керка дінысь сійö казяліс ассьыс тыртöм чемоданъяс, дрöбалём вазаяс, чашйöм картинаяс, киссьöм пызя мешöкъяс. Керка бокин немецкöй салдатъяс ыджыд зыкөн лёкысь мырддысьöны ур ку пась вылын, коді вöлі эсійö жутöдöм ыджыд чемоданас.

Лёк горшён горöдöмөн Фриче уськöдчис салдатъяс вылö, тыртöммöдіс наö парабеллумсö. Усьысь салдат ордысь сійö кык-

нан кинас кватитіс ур ку пась, кодöс кыкис Шепетовка кар-сянь.

Ур ку пасьысь кындзи Фриче эмбурысь нинöм абу кольöма. Бричкаö пась выlö пуксьöмөн, ку пытшкысь петгöдз скöрмöмөн, Фриче гөнитіс бөр локтан туйöд, ассьыс лөксö вөр діö йөршитöм русскöйяс выlö вештыны көсйöмөн.

Бричкаысь чеччигөн Фричелы мыччисны полковник Штольц-лысь приказ: сигнал серти штурмуйтны вөр, любöй донөн бырöдны сэсь русскöйясöс, пленö некодöс не босьтны. Выполнитöмысь — расстрел.

Плешö көрöмөн Фриче мөвпыштіс: «Танкъяс гырысь да тшöкыд вөрö пырны оз вермыны, а танкъястöг миян пехота оз мун атакаö. Ковмас мырдөн вöтлыны. Аслым лоö мунны. Но вöрысь бырöдны русскöйöс он вермы».

Связнöйяс пыр Фриче прикажитіс ротнöйяслы лөсьöдчыны атакаö, виччысьны сигнал. Оз кө кыпöдны атакаö — Фриче ачыс лыйлас найöс.

Кыті гөрбыльөн, кыті кыссьöмөн Фриче муніс Ганскöд окопъяс дорöдз.

Гöрд ракетаяс кыштöм бöрын Фриче ачыс тшöтш вöтліс салдатьяссö атакаö, на бöрся лыйситырийи вöрланьö котöртöмөн.

Пуяс костö воигөн Фричеöс быттö конйыштісны, швач уси. Здук мысти сійö кыпöдчыліс сойяс йылас, сувтса синъясөн видзöдліс вөр пытшкö да бөр нёровтчис му бердö, быттö сьöкыд грузөн личкисны. Кос кабыръяснас сійö шымыртіс мусö, но кын муас гыжъясыс эз мөрччыны, сöмын пегыртісны. Тір-тір мунöм бöрын вöсни кокъясыс нюжгöдчисны.

Фриче бöрся котөртись Ганс уськöдчис сы дінö, бергöдліс Фричелысь тушасö бок выlö, видліс пульс да гугöдіс зепъяс. Та бöрын Фричелысь шойсö йөткыштіс кымынь да гөрбыльөн мый эбöсысь котөртис бричка дорö.

Но кольöминысь Ганс эз аддзы бричкасö. Сійö видзöдліс öтарö, видзöдліс мöдарö — бричка некөн эз тыдав, быттö му пыр мунöма. Друг сійö казяліс асывывсянь туй кузя матыстчысь гырысь танкъяс. Высотка сайысь му пытшкысь моз петöмөн налөн лыдыс öтарö содö. Радлігтырийи Ганс лыддис комын сайöдз. Сэсся видзöдіс Фриче сьылысь босьтöм бинокль пыр, танкъяс вылысь аддзис ыджыд десант да нюмыс петі, мөвпыштіс: «Но, мем атакаö мунны сэсся оз нин ковмы, тайöяс ставсö эштöдасны. И Фричелысь шой оз тшöктыны кыскыны пуля улысь. Ставыс ладнö. Сöмын вот бричкаöс пышйöдісны да чемодан и ур ку пась воши».

Кор воддза танкъяс лоины матынöсьджык да локны найö кутісны öтмöдарö разöдчöмөн, боевöй порядок примитöмөн, Ганс выльысь видзöдліс бинокль пыр да не аслас гөлөсөн равöстіс: — Русс панцыр!

И уськöдчис котөртны бокö, кытчö кокыс нуöдö.

А русскöй панцыръяс воöны нин вөр дінö, тывйыштöны сійöс. Десантникъяс мунигмозныс чеччалöны танкъяс вылысь. «Ура!» горöдöмөн гөгөрбоксянь уськöдчöны прöтивник выlö мышсянныс. Вөр лунвыв бокын пансьыліс немецкöй танкъяскöд бой, но кымынкö минут мысти помасис.

Öружйö шыбаламөн да кияс выlö лэптöмөн немецкöй сал-

датъяс люзыгöны вөр нöрыс йылö, кытчö прикажитіс чукöртны найöс танкöвöй десантлөн командир капитан Соколов. Соколов дінö жö вайöдісны полковник Штольцöс.

XIX

Самолётъяс пикируйтигөн Рочев мөвпыштіс, мый унаöс нин та бöрын оз аддзы сійö ловйөн, а гашкö, и асьсö... Но бомбаяс дойдалісны сöмын пöрысь дубъясöс, найö гылдісны водзö, кöні эз вöвны Рочевлөн йöзыс. Бомбитöм бöрын немецкöй пехота уськöдчис танкъяскöд выль атакаö. Вөр дорын öзйис нель танк. Мукöдыс уналаті заводитлісны сүйсьыны пуяс костö, но вөрö пырны эз лэдзны пöрысь дубъяс. Немецкöй пехотаöс вöлі то-йыштöма бөр. Атака отбитöм бöрын Рочев решитіс укрепитчыны вөр пытшкö пыдöджык, медем танкъяс эз судзны найöс. Ещö отчыд тшöктіс ёна видзны патронъяс, лыйны шоча, сöмын юраныс, кыдзи кыйсьысь лыйö урöс сöмын юрас. Рочев ошкис Карпенкоöс, коді кыссьыліс немецкöй шойяс дінöдз, чукöртіс автоматъяс да патронъяс да öттшöтш кыскис кокъясö ранитчöм фашистöс.

Вөр пытшкö выльысь укрепитчöмөн Рочев арталіс:

— Вөр дісö кö ми воштам, пырас кö татчö немеч, миян операцияным весьшөрö лоö. Немечлы тайö зэв выгодной рубеж, и выльысь босьтны миянлы лоö сьöкыд, а сідзкö, и водзö мунны. Та вöсна кöть мый, а колö кутчысьны полк вотöдз, кöть рытöдз. Танкъяс вөрö пырны оз вермыны, а пехотаöс ог лэдзö. Сэк кості и отсöг воас.

Раненöй немечöс допроситöм серти Рочев тöдіс, мый сылы паныд öні наступайтö полковник Штольцлөн полк, кодöс пöшти дзоньнас снимитöмаöсь переднöй крайысь.

— Сöмын мед та йылысь регыдджык тöдас Ковалёв. Ок, эськö вöлі кö тані рация. Эк, кыдзи эз везит мем первой петöм-сянь: немечъяс тылö писькöдчыны весиг менам батальонöй эз вермы ставнас, Соломныысь штаб пышйöма, эз сюр, неудачникөн, буракö, чужсьылöма менам.

Прöтивник бара осьтис миномётной би, час джын чöж сыналіс вөр дор гөгöрсö, чишкаліс эновтöм окопъяс. Ичөтик кост бöрын сярöбтісны автоматъяс, кыліс авзöм. Немеч петіс выль атакаö. Сэк жö Рочев пельöдз воис танкъяс жургöм шы, а недыр мысти вöрсö юковтіс ыджыд вына русскöй «Ура!»

Рочев гөгөрвоис, тöдіс. Нимкодъысла первойсö быттö кывйыс вошлі, синваыс тюрöбтіс. Сэсса чеччыштіс окопысь, став гөлöснас горöдіс:

— Ура-а! Сталин вöсна! Рöдина вöсна!— котöртіс водзö. Сійöс панийöмөн уськöдчисны ставөн. Вөр пытшкыс и ортсыыс юргö, вевттьö лыйсьöм шысö.

Бой кусі виччысьтөг, друг.

Лэптöм киа немечъяс бöрся Рочев петіс вөр ді выльысь.

Туй бокын öтка дуб дорын Парамоновкöд сёрнитигөн сійö кыліс мышсянныс:

— Иван Трофимович! Ваня! Ловъя!

Рочев крута бергöдчис. Сы дінö, кияссö шевгöдöмөн, котöртö Соколов.

— Володя!— сөмын и артмис Рочевлөн. Ота-мөд ыло видзө-
дөны, быттьө пыр на оз эскыны аддзысьомыслы. Бура дыр на-
йө нимкодъысла эз аддзыны, мыйсянь панны сёрни. Чөв олөмсө
орөдіс Соколов, Рочевлөн бинтуйтөм ки ыло видзөдлөмөн:

— Ранитчин? Ёна?

— Чушкыштіс. Сквөзь муніс.

— Врачөс корны? Али санбатө мунан?

— Та вөсна санбатө ог жө мун. Лыыс дзонь. Вай куритчам,
гартышт мем тшөтш,— вышивайтөм кисет перйигмоз шуө Рочев.

— Но мый, велалін батальонөн командуйтны? Сюри воюйт-
ны?— кост бөрын гажаа заводитіс Соколов.

— Воюйтны сюри, но мый татшөм воюйтөмсьыд, кор задание
эз ло выполнитөма.

— Кыдз эз ло выполнитөма?

— Сідз эз и ло. Немецъяслөн штабыс миян локтөдз удитөма
усйысьны сиктсьыс.

— Абу өд штабын делөыс, Рочев ёрт.

— Мыйын нө? Могыс өд вөлі штаб уничтожитны?

— Эновт тэ штаб йывсьыд думайтны. Некытчө сійө оз пыш-
йы. Штаб бырөдөм дорысь тэ ыджыдджыктор вөчин. Немечөс
ас ылад кыскөмөн тэ миянлы завор восьтін. Немечлөн резервыс
абу. И медым бырөдны сы тылын петкөдчөм прөтивникөс, медым
бырөдны тэнө, сылы быть лои восьтыны фронт, а ми восполь-
зуйтчим тайөн.

— Дерт нин тайөн, кор гөгөр ойдіс танкөн.

— Танкъяс суөдісны миянөс прорыв бөрын нин. Налөн мог —
паськөдны прорыв, пырны пыдө. Менам батальон да тэнад квай-
төд рота танкъяс ыло пуксисны километр вит сайын тасянь.

— Сідзкө, тэ командуйтін танкөвөй десантнас?

— А сэсся мый?

— Сэсся, танкөвөй десантлөн командир ёрт, разрешит меным
батальон нимсянь и ас нимсянь висьтавыны тіянлы ыджыд аттө
отсөгысь да мездөмысь...

— Öвсьы, Ваня. Аттөсө талун тэныд колө видзны, тэнад
батальонлы. Но та йылысь тэд көзяин ачыс висьталас. А өні
вай батальоннымөс пөрадокө вайөдам. Регыд воас подполковник,
и мөдам водзө.



Коми Республиканымлы тырис 90 во. Кузь, мукöддырийыс сьöкыд, но ёнджыкасö, дерт, югыд туй лои вуджöма тайö öкмысдас вонас. ГУЛАГ, коллективизация, Ыджыд война вояс талун казътывны абу окота, кöть и вунöдны «кöрт» кад йывсьыс оз жö ков. Тайö öкмысдас вонас и сöвмис Коми муын промышленносът, мусир, газ да из шом перйöм. Россияын Коми мöдiс нимаवны буретш та боксянь. Ог кутöй öнi кыпöдны сёрни и сы йылысь, кутшöма ыджыд промышленносът вежис нэмöвöйя мунымöс. Ставыс история нин. И кöть öнöдз коми войтыр, Ен сыкöд, нималö ёнджыкасö культуранас, «Войвыв кодзув» журнал редакция вöзйö казътыштны öтвылысь кольöм здукъяссö, бөр суныштлыны сйö кадас, кор республика вöли том на, кор гөгөр сулалiсны помтöм-дортöм вөръяс, кор уджыс сöмын на пансис.

Таво жö, октябрын, «Войвыв кодзув» кутас пасйыны 85 вося юбилей. Журнал вылö мурталöмөн кö, сылөн туйыс нöшта на кузьджык — оз öтмоза артавсьыны воясыс... Быдторйыс жö вöли кузь кадколастөн. Важсö казътыштöм могысь журнал вöзйö куим важся гижöд. Тайö гижöдъясас — и «Войвыв кодзувлөн» история: мый йöзöдлiс, мыйöн олiс журнал гижысьяскöд öтвыв. Танi и авторъяслөн олöмыс петкöдчö да сэкся кад вылö налөн видзöдласыс: оз кö вөрззы сьölöмыд, он и куж тадзисö гижны. Ставныс найö пырисны нин «зарни» фондö, лo-исны история лист бокъясөн. Чайтам, öнiя лыддысьысылы найö лоасны торъя интереснöйöсь. Сйö кадся гижанногсö колям вежлавтөг.

Медводдза гижöдыс Иван Тороповлөн — «Миян лунъясса очеркъяс» рубрикаын петавлöм «Шызьöдöм Тöбукын» (Войвыв кодзув, 1961 во, 4 номер). Том, гижан уджö, позьö шуны, пырöдчысь на, Иван Григорьевич зэв бура петкöдлö очеркас, мыйöн олiсны сэки республика, йöзыс да, тыдалö, и ачыс автор.

Мöд автор йылысь öнi весиг литература туялысьяс омöля тöдöны. Журнал вöзйö Дмитрий Моторинлысь «Тадз ломзис Войвывса кодзув» очерк (Войвыв кодзув, 1971 во, 12 номер). Лыддян водзкывсö, да кажитчö, мый Дмитрий Кириллович быттьö ёнасö гижан уджыскöд абу и йитчылöма, быттьö сйö — кыськö друг воём бокöвöй морт, сöмын чужлöма тай Пöддельнöйын. Но эз öд кыськö босьтöмөн аддзыны мортсö да сэсса виччысьны сысянь эта ыджда да кывкутана удж? Тайö морт йывсьыс буретш коймöд гижöдыс. Дмитрий Моторин, либö Кирö Мить, кызьöд воясö уджавлöма комсомол райкомса секретарён Кулöмдiнын, ёртасьлöма Тима Венькöд, Афанасий Маеговкöд да мукöд-кöд. Кутöма топыд йитöд неважөн на котыртöм коми печаткöд. Таысь öтдор Д.Моторин пасйö, мый Тима Веньлысь öткымын гижöд лыддылöма медводдзаон: «Трипан Вась», «Важ олöм колльöдöм», «Ленин гу дорын», «Му вежандыр». Тайö нöшта öти вöвлöмтор — история, код йылысь гижлöма нималана литературовед, коми литература история туялысь Георгий Торлопов «Öти важ фотоснимок йылысь» статьяын (Войвыв кодзув, 1971 во, 3 номер).

А Коми Республика мед и водзö сöвмас! И став историяыс мед водзö лоö пасйöма «Войвыв кодзув» журнал лист бокъясын, а ачыс «Войвыв кодзув» лоö республикалөн сэтшöм жö лист бокөн!..



Шызьөдөм Төбукын

О Ч Е Р К

Асылыс вөзйис мича лун...

Вөлі көдзыд. Шы ни төв сулалыс вөр весьтын вочасөн ломзьөдаліс ассъыс мичлунсө асъя кыа. Көнкө ылын, вөртас дінын, гөрдөдіс, краскаяс вочасөн лоины югыдджыкөсь и югыдджыкөсь. И со нин заводитіс ыльгыны-визувтны биа ю. Сійө местаас, көні визулыс ыпъяліс ярджыка, вөр пытшкыс виччысьтөг былъснитіс шонділөн дон югыд кымөсыс. Пыр жө сөстөммис лөз енэжыс, дзор парма вылө быттө койыштісны пув ва. Ыпнитісны козьяслөн сьөкыд воротникъясыс, радпырыс нюммунісны гьөрзьөм кыдзьяс.

Видза олан, шонді! Видза олан, выль уджалан лун!..

Ме сулала вевтасінын да видзөда, кыдзи заводитчө луныс. Тані ме первойсы на, и ставыс кажитчө интереснөйөн. Мунөны машинас — уна, быд пөлөсыс. Со мургө ыджыд «ЯЗ». Сы бөрся, лым буссө гусеницаяснас вартіг, төвзьө мөд машина, танк кодь, сөмын брезент вевта. Неыджыд автобусъяс, трелюйтчан тракторъяс, гырыс тягачъяс.

Неылын — посёлок. Сысянь кылө электростанция дизельяслөн шум, быттө водопад ызгө, оз лөньлы лун и вой. Тыдалөны еджыд тшын кымөръяс котельнөйлөн сьөд трубаяс весьтын. Сэні топкаясын джижгө-сотчө нефть. Нефтьыс тані уна, зэв уна. Котельнөйсянь столбъяс вывті нуөдөма пөвъясөн эжөм трубаяс: на пытшті посёлокса керкаясө визувтө шоныд.

Колө шуны, шоныдыс тані тырмымөн жө. Латшкөсіник щитөвөй керкаяслөн став форточкаясыс осьсаөсь.

Тайө неыджыд посёлоксө шуоны Төбукөн.

Талунъя Төбук — пармалөн паськыд отвывса неыджыд ді, кытыс аддисны уна нефть. Но разведчикъяс шуоны: тайө сөмын на заводитчөмыс. Найө шөралісны вөр-васө паськыд прөсекъясөн, пожөмъяс весьтө кыпөдісны уна буритчан вышкаяс, лун и вой пырөны-писькөдчөны нефтьөн йиджтысьөм выль пластъяслань.

Кутшөм специальностья йөзкөд сөмын он паныдасьлы тані! Төрыт, войнас нин, ветлыс-мунысьяслөн шойччан керкаө пырис олөма мужичөй. Кокныдик курткаа, чужөмыс өзіө пөсялөмысла. Мышкас — брезент мешөк.

— Кысянь? — юалөны сылыс.

— Вөрсянь. Партия миян сэні.

— Көні — «сэні?»

— Дас километр сайын. Палатка вөчөма козьяс улын. Топографъяс ми. Лыжиөн вой...

Видзөда сы вылө, думайта: «Крепыд, тыдалө, дядьөыс... Со

юрсисö олöм воясыс мавтыштöмаöсь нин еджыд рöмөн, а лыжи вылын, кöнкö, яра на котралö...»

— Зэв сьöкыд тiян уджныд,— юася ме.— Пыр вöрын, со этатшöм мешöкъяс лоö новлöдлыны. Эн на дöзмы?

Разведчик тэрмасьтöг видзöдлiс ме вылö. Тыдалö, думайтiс, кызди вочавидзны. Сэсся паськыд чужöм вылас тыдовтчис мыйкö нюм модаа, и шуис веськыда:

— Сьöкыд. Но нефтьыс век жö сюрис! Тайöс гөгöрвоны колö!

Да, нефтьсö аддзисны. Ме кыла сылысь чорыд кöрсö, и вочасөн заводитö кажитчыны, мый кыла, кызди кокъяс улын, кöнкö пыдын-пыдын му пытшкас, песьö-ворсö мулөн сьöд вирыс. Дум вылö воöны Ломоносовлөн кывъяс: «Россия висьталö аслас пиянлы: «Нюжöдöй кияснытö да ассыныд надежданытö менам пытшкöслань, и эн думайтöй, мый тiян корсьысьöмъясыд вошасны весьшөрö. Менам крайясын — шоныд Индия и Ледовитöй океан дорын эмöсь му пытшкöсса озырлунъяслөн бур признакъяс...»

Кор ме казтышти тайö кывъяссö Тöбук контораса главнöй геолог Юрий Фёдорович Моторинлы, сiйö шуис:

— Бура тöдiс Михайло Васильевичыд мунымöс... Сiйö быттьö и миян йылысь висьталiс...

Моторин — мугов чужöма морт. Шуö, Среднöй Азияса шондi пö татшöмасö коптитiс. Сэни чужöма да быдмöма. И кöть Войвылын дас во нин, «гожъялöмыс» оз прöйдит.

Быдторсö позьö тöдмавны геологъяслысь. Со ящикъясö тэчöны кыз сись кодъ бедъяс. Тайö — керн, мöд ногөн кö — порода, кодöс перйöма скважинаясысь.

Уна колö тöдны геологыдлы.

Син улö уси Коми АССР-лөн карта. Быд ногыс рисуйтöма, визыйöдлöма. Лыддя: Печорскöй депрессия, Денисовскöй прогиб, Усино-Колвинскöй свод, Чернышеввлөн гряда, и сiдз водзö. Ставыс — нелямын сизим структура да месторождение.

Ме видзöда геолог вылö, и весиг завидь босьтö. Öд сiйö му пырыс и ва пырыс ставсö аддзö! Оз сöмын сажень пыднаысь, кызд шулöны мукöд сюсь йöз йылысь, а кык да унджык километр пыднаысь.

Еджыд бумага вылын куйлö тöчила из кодъ пемыдруд песчаник. Моторин тотшкöдö сiйöс карандаш ломөн:

— Со тайö и эм нефть пластыд. Куйлö кык тысяча метр пыднаын. Кызтаыс — кык метрöдз, а паськöдчöма некымын дас квадратнöй километр вылö.

Со кызд! Вöлöмкö, нефтьыс йиджтысьöма изйö... кызди сакар торйö кослунъя вый. А ме думайтлi, мый му пытшкас сiйö пластвидзö-куйлö... тыясын.

— Рытыввыв Тöбукса месторождение,— висьталö Моторин,— Коми республикаын медся ыджыд. Кыдз шуласны, нефтьыс танi тiянлы и миянлы тырмас, да ещö коляс на... Ёна унджык сыысь, мыйта вöли аддзöма республикаын бöръя комын воөн. Мыйөн сöмын месторождениесö лоö сетöма промышленнöя разрабатйтöм вылö, Ухтаса нефть перерабатйтан заводлы ковмас ёна паськöдчыны... Öнöдз жö сiйö эз тыр мощностьөн уджав.

— Öнiя кад кезлö,— тöдчöдö геолог,— аддзöма нин кизьör

ломтаслысь нель куйланін. Сэтчө писькөдөм став скважинаяс сетісны нефтьлысь вына фонтанъяс. Разведка нуөдсьö водзö. Öнi позьö нин шуны: матыса кадö ми вермам сетны выль, радуйтана юөръяс...

Разведка нуөдсьö водзö. Уна вояс чöж нин сійö оз дугөдсьыв ни öти лун кежлö. Тöлын и гожöмын, зэригөн и кодзыд дырйи вына да повтöм йöз бара и бара петöны вөрö, тундраö, став съöкылдунъяс венöмөн вöчöны ассьыныс благороднöй уджнысö...

Оз ачыс петкөдчы нефтьыд. Медым аддзыны да сетны туй му пытшкö дзебсьöм «сьöд зарнилы», колö уна кад, колöны вояс. Да, вояс. Та йылысь висьталö опытной разведчик Виктор Миронович Ким. Сійö — ыджыд тушаа ён морт, асыввылын олысь йöзлөн кодь паськыд чужöмыс петкөдлö сылысь спокойнöй, бур характер.

Виктор Миронович первойысь петöма вөрö разведчикъяслөн партиякөд дас сизим арöсөн. Уна во коліс тайö кадсянныс. Вөр-ваті келалігөн да сылөн здоровöй сынөдөн чöсмасигөн чорзисны сөнъяс, тэчсис характер. Öнi Виктор Миронович — геофизическöй контораса главнöй инженерöс вежысь, студентаочник, Коммунистическöй партияса членö кандидат.

— Төбукö ми первойысь воим тысяча öкмыссё ветымын коймөд воын,— шуис сійö.

— Да-а? Көкъямыс во нин, сідзкө, коли?

— А ті кызд думайтінныд?.. Нефтьыд абу ва, кодöс позьö ведраөн гумлавны быд гөптись... Ме сәки вöлі топографическöй партияса начальникөн. Партияным — комсомольско-молодөжнöй. Воим ми Төбукö первойясөн. Олім палаткаясын, быд лун выль местаын. Тадзи жö төв вöлі, лымйыс — голяөдзыд. Миян отрядъяс разалөмаөсь уна сё километр пасьта. Йöз дінö эгö петалöй быдса төлысьясөн, робинзонъяс моз олім. Миян бöрын воисны гравиметристъяс, сейсморазведчикъяс, сәсся вöлись вышка вöчысьяс да буритчысьяс. И сәки нин збыльысь ловзис пармаыс!

— Миян пөвстысь унаөн вöліны прөстöй рабочöйясөн, а öнi лоины техникъясөн, асьныс веськөдлöны партияясөн. Унаөн выль местаясын корсьöны выль озырлунъяс...

Лым пытшкö тубыртчөм пармаö пырö веськыд туй. Ми мунам дас квайтөд номера бурөвöйö. Ог мунöй — төвзям. Шофёрным, тыдалö, сэтшөм йöз пөвстысь, кодъяс чайтöны: унджык кө газ сетан, этшаджык гуран паныдасяс. Татшөм негырьсь автобусъяснас матыса бурөвöйясö новлөдлöны Төбукын олысьясөс.

Тыдовтчис кушин, шöрас — буритчан вышка. Кыпөдöма ассьыс стройнöй тушасö лөз енэжлань, зымвидзö-сулалö. Быттьö мойдвывса часөвöй, видзö унзіль вөрсö. Скöрысь пöлясьöны насосъяс. Кылö моторъяслөн вына сёрни, көртлөн клёнгөм. Быдса завод тані!

Первой нуөдісны вышка дорö топөдчөм ыджыд сарайö. Сәни радъясөн сулалöны быд пөлөс механизмъяс, быдөн аслас подвылын, швачкöны-уджалöны, и кылан, кызди кок улад тіралö му джоджыс.

А вышкаыс кутшөм! Шапкаыд усьö, йылас видзөдлан да...

Вермас-ö лоны, мый татшöм öгрöминасö неважөн кыскö-маöсь... сизим километр сайö? Косявлытöг, дзоньнас, көлуй видзан шкапöс моз... Оз и веритсьы кызкö. Но — збыль. Кыскöмаöсь.

Вышкалөн көрт кокъяс улö домкратъяс отсөгөн скоймаöсь водзвыв дасьтöм пöлöзъяс. Доддясясны дас трактор и мöдöдчасны. Кокъямысыс кыскöны, а кыкыс кузь тросъяс отсөгөн кутöны водзяньыс и мышсяньыс, мед оз пöр... Тайö вöлөм медводдза опыт, унатор на абу кужöмаöсь артыштны, и лöма ёнакодь волнуйтчыны.

Öти трактор зурасяс мырьö да сувтас. Сы бöрся сувтасны тшöтш и шуйгавыв колоннаса мукöд машинаяс. А весь-кыдыввасясыс пыр кыскöны. Вышкаыс шатовтчас. Шуöны: тайö здукас öти тракторист повзöмысла пырöма аслас машина улö. А вышка вöчысьяслөн том прораб Юнир Тухтаров муртса абу дзормöма. Но мыйта вöлöма радлöмыс, кор тайö шензöдана поездыс воöма индöм местаö! Йöз окалöны öта-мöдсö, вөр пасьтала юргö «Ура». Тадзи вышка вöчысьяс экономитисны не öти тысяча шайт, а кадсö — пöшти быдса тöлысь.

Не сöмын вышка вöчысьяс, но и Тöбукса мукöд разведчикъяс корсöны асланыс уджын выль туйяс, медым öдийджык воöдчыны му пытшкөсса озыр пластъясöдз, аддзыны унджык нефть. Республикаса разведчикъяс пöвстын найö первойөн заводитисны писькöдны öти местасянь кык скважина. Тайö ёна отсалö, оз ков кыскавны вышкатö. Кольöм во разведчикъяс вуджöдисны ассъыныс ыджыд овмөссö куимсö километр сайсянь — Джеболсянь. Но век жö план лои вевтыртöма, а главнöйыс — скважинаяссыс мöдöдчис нефть.

Но, часлы, видзöдлам, мый вöчсьö бурöвöй вылас. Йöз юр вывсяньыс да кок улöдзыс резсьöмаöсь руд сёйөн. Буретш перйöны му пытшкысь «тшынасьысь» трубаяс, кодъясöс тані шуöны сисьясөн. И збыль: видзöднысö сись кодьöсь и эм. Но татшöм сисьтö пызан вылад он пукты. Кызь вит метр кузьта, а сьоктаыс — тонна гөгөр. Кватитас татшöм «сисьсö» тоннаонджынийөн сьокта крук, и — кыскö вывлань. Сэсся ещö, ещö...

Висьталісны: мулөн гырк пытшкөсыс колö перйыны сизимдас кык сись. Чайтанныд — мыйла? Медым вежны турбобурлысь ныжмöм долотосö. Вежасны, сэсся заводитöны бөр лэдзны трубаяссö. Сюясны öтиöс, сы дінö винтитöны мөдöс. И сідз помöдзыс. Мукöддырйи, кор веськалö чорыд порода, долотонас уджалöны сöмын дас вит минут. И бара колö вежны сійöс. А та могысь колö кыскыны да бөр суйны... кык километр труба, мый вылö муно көкъямыс часысь не этшаджык. Со öд кызд артмö: производительнöй уджыс дас вит минут, а вспомогательнöйыс — көкъямыс час.

— Колö бурмöдны долотояссö! — шуис та йылысь сёрнитігөн опытной буритчысь Пётр Ефимович Степанов, коді дас öти во уджалігөн ёнакодь нин розьöдлöма войвывса мунымöс...

Кыпыд уджлөн горыс оз лöньлы весиг здук кежлö. Вахта вылö сувтіс нин мөд смена, коді заводитіс бөр суйны трубаяс-сö. Со улысса сисьсö топöдисны сідз шусяна элеваторөн, вылі-сянь — резьба вылас — веськөдöны мөд труба, тювгысьö-петö автоматическöй ключ, коді заводитö винтитны выліса сисьсö

улыса дінас. Минут мысти трубаыс тювгысьө-пырө кытчөкө му пытшкө...

Мед пырө. А ми бурөвөй мастер Владимир Семёнович Кочергинкөд веськөдчылам мөдарө — вывлань, лөз енэжланьыс. Владимир Семёнович — зэв на том, яндысьө, кор сійөс ыдждөдлөны ним-вичнас. Кызь кыкөд арөс сылы. Шуө: семьяын пө ме медбөръяөн чужлі — дас нельөд. Төбукса контораын найө куимөн, куим вок. Медводз разведчикөн лоөма ыджыд вокыс, Георгий Семёнович. Сійө сәсся кыскөма и ичөтджыкъяссө. Георгий Семёнович — паськыда төдса. Сійө дыр вөлөма буритчысьөн, өні веськөдлө контораын буритчан цехөн. Сталинскөй премия кузя лауреат, Рөдина наградитіс сійөс Ленин орденөн, Трудөвөй Краснөй Знамя орденөн.

Ыджыд вокыслысь примерсө босьтө и том Кочергин. Сійө помалөма Ухтаса горнөй техникум. Му пытшкөсса озырлунъяс корсянінын уджалө мөд во нин. Первой уджалөма буритчысьлы отсасысьөн, сәсся главнөйнас. Өні нин мастер. Веськөдлө ыджыд коллективөн, сылөн участокын быд пөлөс техника эм. Партиялөн кызь кыкөд съездводзвывса социалистическөй ордйысьөмын ставлы петкөдлө пример. Кольөм во бригадаыс экономитіс государстволы миллион сайө шайт — важ донъяс серти.

Ме юася Владимирлысь: мися, сюрис-ө тіянлы кольөм во нефтьыс.

— Кыдз нө эз,— радлө.— Көкъямысөд номера скважина сетіс фонтан. Ён фонтан. Ыджыд вок шуө: тадзи петысь нефтьсө пө ме вөтөн на эг аддзыв.

Кымын вылөджык кыпөдчан, сымын тревожнөйджыка чувтуйтан асьтө. Вочасөн вышкаыс заводитө кажитчыны... оз нин сәтшөм крепыд стрөйбаөн, кутшөмөн кажитчө мусянь. Катласьө кө-а? Пидзөсьяс мыйкө тіралыштөны. Кутшөмкө төвру ыркйөдлө морөсын. Но бөрыньтчыны яндзим. А Владимирлы веськодь. Нюмъялө. Ми, шуө, гожөмнас вышка вылын номъясысь мездысям. Төла тані, ыркыд. Ничево, думайта, мездысяніныс.

Медбөрын йылөдзыс воим, кран-блочнөй площадка вылө. Неямын өти метр. Уліас йөзыс лилипут кодьөсь тыдалөны. Ок, вылын! А просторыс кутшөм! Гөгөр — лым пытшкө пурсысьөм парма. Көнсюрө дізьевидзөны нюръяслөн да тыяслөн куш плешъясыс. А ылын, вөртас дінас, кытшолөн сулалөны миян кодь жө вышкаяс. Ме өні төда нин: быдөн на пиысь сатшкөма ассыыс көрт нырсө му пытшкө, сәтчө, көні кык километр пыднаын дзебсясьө төчила из кодь пласт.

Ме думайта та йылысь, видзөда гөгөр, и окота топыда-топыда кутлыны том разведчиклысь кисө, сьөлөмсянь шуны: «Аттьө тәныд, другө! Аттьө сыысь, мый тә да тәнад ёртъясыд ловзьөдінныд тайө кодзыд мусө, аддзинныд сы пыднаысь мулысь дона вирсө».

— Ёна жө, көнкө, долыд овлө, кор скважинаысь брызънитас нефтьыс? — юалі Владимирлысь.

Эз пыр вочавидз. Эз пыр веськөд мелань рудов синъяссө, кодъяс быттьөкө мыйкө корсисны лөзалысь вөр весьтысь. Сәсся шуис:

— Праздник миян сэки. Лолыд ворсö...

— Сідзкö, нэм кежлö — разведчикöн?

— Да. Таво арнас институтö пыра. Помала, и... бара кор-
сыйсыны кута.— Владимир паськыда öвтыштис кинас, быттьö
кöсйис тöдчöдны: со татысь пö кута корсыйсыны, тайö озыр
мусьыс...

А öд оз кокниа овсы Владимирлы. Кык воысь неуна дыр-
джык на уджалö, а кымынлаын нин вöліс: Джеболын, Войвыв
Мылва йылын. Öнi со Тöбукын. А оланіныс кутшöм? Сідз
шусяна балок — пöвъясысь вöчöм чом, додь вылын. Кор ков-
мас, доддясясны, и — бара водзö, выль местаö. Став посёло-
кыс — кöкъямыс татшöм чом да ичöтик конторка. А гөгөр —
вөр, вөр...

Но, тыдалö, тайö оз повзёдлы Владимирös. Сійö радейтö
ассьыс уджсö, ассьыс беспокойнöй профессиясö, и нинöм оз
вермы кежöдны сійös бöрйöм туй вывсьыс.

Сійö аддзыліс, кызди сыөн писькөдöм скважинаысь ыджыд
вынөн чепöсйис нефть; аддзыліс, кызди шумитис, ургис-пессис
гöлубöй би газöвöй скважина весьтын. И тайö мича серпасъясыс
шемöсмöдісны сійös, нэм кежлö кыскисны ас дінаныс том морт-
лысь пöсь сьölöмсö.

И сöмын-ö сылысь? Владимир кодъ жö кымын том морт
уджалöны Тöбукса бурöвöйясын, разведчикъяслөн отрядъясын!..

А Ухталань мунан туй кузя лун и вой журъялöны маши-
наяс: найö лэччöдöны заводö Тöбуклысь озырлунсö — нефть.
Ме аддзылі, кызди босьтöны сійös первой номера скважинаысь...

Да, лэччöдöны машинаысөн на. Но тайö жö туй вылас клю-
чөн пуö нин мöд удж — вөр пыштi, нюръяс да юяс вомөн
стрöйтчысьяс нюжöдöны нефтепровод. Быдлаын трубаяс, ме-
ханизмъяс, йöз наступайтöны кыкнанлапомсяньыс: Тöбукла-
дорсянь и Ухталадорсянь. Стрöйтчысьяс тэрмасьöны, найö
зильöны тавося мöд во джынйын помавны нефтепровод строи-
тöмсö.

И сэки шызёдöм Тöбукса нефть ыльöбтас квайтымын вит
километр кузья паськыд трубаöд веськыда нефть перерабо-
тайтан завод цехъясö.



Тадз ломзис Войвывса кодзув

О Ч Е Р К

Дмитрий Кириллович Моторин чужліс Пöддельнöй сиктын, комынöд воясö помаліс В.В.Куйбышев нима Военно-инженернöй академия, технической наукаясса кандидат, РСФСР-са заслуженнöй стрöитель.

Война бöрын инженер-полковник Д.К.Моторин уджаліс Севастополь вьльысь стрöитöм управлениеса главнöй инженерөн, а öні стрöитö СССР-са наукаяс Академиялысь вьль институтяс.

Тайö лист бокъясын йöзöдам Д.К.Моторинлысь очерк, кодöс сійö гижис «Войвыв кодзув» журналлы.

* * *

Кыдзи вöлі восьтöма Печораса из шом бассейн, кутшöм йöз сэні вöліны, кыдзи чужис республикаын из шом перъян промышленнöй гигант, та йылысь лоö сёрниыс миян очеркын.

1911 вося гожöмын шөр Уралса сиктясысь позис аддзыны вöвлытöм йöзöс — карса моз пасьтасьöм томиник нывъясöс. Тайö вöліны Московскöй Высшöй женскöй курсьясысь велöдчысьяс. Курсисткаясөн юрнуöдіс уралса морт, геолог Александр Александрович Чернов.

Черновъяслөн — руда корсьысьяслөн — рöдыс заводитчис XVIII нэмын. Подув пуктысьнас вöлі Николай Иванович Чернов — Кизел көрт сывдан заводса көзяинлөн крепостнöй. Сюсьлун вöснаыс морттö ыстасны Екатеринбургса горнöй училищеö. Сійöс помалöм бöрын нэмыс уджалас сэсся Уралын. Сылөн пиыс, Александр Николаевич, помаліс сійö жö училищесö да уджаліс Соликамскса сов пуан заводын веськöдлысьөн. Александр Александрович — Черновъяслөн коймöд көленаысь нин. 1902 воын сійö помаліс Москваса университет, физико-математическöй факультетса естественнöй отделение, да кутіс уджавны Высшöй женскöй курсьясса велöдысьөн.

Кор Черновлы шуисны, нуöдлы пö том курсисткаяссö Уралö да петкöдлы налы геология боксянь тöдчанаинъяс, сійö окотырысь босьтчис. Öд уна районъяс тöдіс татысь, сьölöмсянь радейтіс тайö мусö, көні сійö чужис да колляліс том кадсö.

— Ме көсья нуöдлыны тіянöс Печораö усьысь öти ю вьлö — Уньяö, кыті коркö новлöдліс менö батьöй, — шуис нывъяслы Чернов, кор найö мунісны пароходөн Нижнöй Новго-

родсянь Чердыньё.— Ковмас мунны Чердыньса тракт кузя вѳвъясѳн, сѳсся Колва юѳд — пыжъясѳн, Колва—Унья кост вѳлѳкѳд Усть-Бердышѳдз — подѳн, а сѳсся нин Унья ю кузя — бара пыжѳн.

Нывъяслы вывтѳ нимкодъ лои, кор Александр Александрович петкѳдлѳ налы карта вылысь локтан туйсѳ.

— Аддзылам дивѳ кодъ изъяс, пещераяс,— сѳрнитѳ Чернов.— Сѳтчѳс олысъяслысь керкаяс, дозмук, коми йѳзлысь оласногѳ.

— Гашкѳ, мыйкѳ аддзам и асланым музейлы,— шыасис ѳти.

— Дерт жѳ,— вочавидзис Александр Александрович.

Том учѳной сувтѳдѳс ас водзас мог — кыпѳдны Ураллѳн геология дорѳ курсисткаяслысь интерес. Ѳд 1902 воын тадз жѳ вѳчлѳс сылѳн учитель А.П.Павлов, кодѳ нуѳдлѳс Черновѳс да мукѳдѳс — университет помалысъясѳс — геологической экскурсияѳн Волга кузя.

Путешествуйтан медводдза лунъясыс жѳ шымыртѳсны курсисткаяслысь сѳлѳмъясѳсѳ. Урал сувтѳс налѳн синъяс водзѳ став аслас мичлунѳн: лѳзалысь помтѳм вѳр, Колвалѳн джуджыд берегъяс, Уньялѳн из шом известнякъяса крежъяс, комын верст кузя чуймѳдана ордым, кодѳ вомѳналѳ Кама—Печора костса мусюр, уна ваа Унья да Печора, уна чери да пѳтка...

— Нывъяс!— кылѳс кодлѳнкѳ шызыѳдана гѳлѳс.— Кутшѳм зъскѳ лѳсъыд вѳлѳ, сюрис кѳ миянлы помка, мед локны да заводитны уджавны тайѳ чуймѳдана пармаас.

— Ѳдвакѳ миянлы эскасны,— кылѳс воча.— Россияын нѳмысянныс нин изыскательясѳн уджалѳны мужичѳйяс.

— Колѳ петкѳдлыны, мый миян винѳвлунным тырмѳ жѳ,— шыасис коймѳд.— Общественнѳй олѳмын нывбабалѳн места йылысь сѳрниыс Россияын ѳнѳ сулалѳ медводзын. Сѳдзкѳ, миянлы кивыв.

Ачыс А.А.Чернов вѳлѳ опытнѳй геологѳн нин. Ветлывлѳс некымын экспедицияѳ: 1902—1904 воясѳ — Ижма ю дорѳ, 1907 воын — Шѳр Азияѳ, 1909 воын — Шѳр Уралѳ. Ветлѳмъяс йывсъыс гижис очеркъяс да научнѳй отчѳтъяс. Шѳр Азияын нуѳдѳм исследованиеясысь Рѳч географической общество наградитѳс сѳйѳс Н.И.Пржевальский нима премияѳн, а Естествознание, Антропология да Этнография радейтысъяслѳн Москвѳскѳй общество — ыджыд эзысь медальѳн. Но том геолог ньѳти эз ланьтѳдчы тайѳн. Сѳйѳ вѳлѳ мудз тѳдтѳм морт, сѳйѳс кыскис ывла выв, сылы, кыдз геологлы, телепит вѳлѳ корсъысъны и корсъысъны...

1915 во. Россиялы зѳв сѳѳкыд кад — мунѳ Первой мирѳвѳй война. Курсисткаяс помалисны велѳдчѳм. И век жѳ нывъяслы жалъ вѳлѳ янсѳдчыны асланыс радейтана велѳдысъяскѳд. На лыдын вѳлѳны учѳнойяс С.А.Чаплыгин, Н.Д.Зелинский, Д.И.Вернадский, кодъясѳс тѳдѳс став мир. Помалысъяс пѳвстысь ѳткымынъясѳс колисны курсъяс вылас. Вѳра Варсанофьеваѳс кольѳдѳсны геология кафедра бердѳ, медым водзѳ кыпѳдны тѳдѳмлунъяс да дасътыны профессорѳ.

Вѳвлѳм курсисткаяс — Вѳра Варсанофьева, Елизавета Сошкина да мукѳд — вочасѳн пырисны ыджыд олѳмѳ.

Воис бушкала 1917 во. Александр Александрович Черновлы

тшөктісны тōдмавны Шōр Тиманлысь геологическōй тэчасногсō Цильма да Пижма вожысь. Кыдзи и век, А.А.Чернов заводитіс уджсō аслыс отсасысьяссō бōрйōмсянь. Кафедра бердын уджаліс лаборанткаōн Нина Емельянова. Őтчыд Чернов пырис геологическōй кабинетō, кōні Емельянова видлаліс уна пōлōс палеонтологическōй колясьяс. Геолог видлаліс из шом лоан кадся бура колялōм кораллъяс, кодъяссō коркō вайліс Печораысь, видлалыштіс гижōдъяссō.

— Ті онō кōсйōй ветлыны сэтчō, кытысь тайō кораллъясыс?— юаліс А.А.Чернов.— Меным окота тшōтш босътны тїянōс Печораō мунысь экспедицияō.

Нина Емельянова некыдз эз виччысь профессорлысь татшōм корōмсō, кōть ачыс ēна мōвпаліс Печораō ветлōм йылысь. Сйō радпырысь кōсйысис.

— Гортаныд кō оз кутны шуасьны паныд, то лōсьōдчōй,— лаборанткалы шуис Чернов.

Кымынкō лун мысти Чернов корис гортса чай юыштны Вера Варсанοфьеваōс, Елизавета Сошкинаōс, Нина Емельяноваōс, Догмара Раузерōс да Леонтьевōс — горнōй институтса студентōс.

— Ме бара босътчи ыджыд да сьōкыд удж вōчны Тиманын, Цильма да Пижма вожын,— юōртіс Чернов.— Надейтча тїян отсōг вылō.

— Кадыс гудыр, олōмыс лēк, вермам-ō ми мыйкō вōчны?— юаліс ōти ныв.

— Вермам,— чорыда шуис Чернов.— Миянлы ōні и колō отсавны бурмōдны йōзлысь олōмсō.

Недыр чōв олыштōм бōрын Вера Варсанοфьева полігтыр шуыштіс:

— Тїян отсōгōн, Александр Александрович, мыйкō да вōчам.

— А ті эн «мыйкō» вōчōй, а ыджыдтор, да асланыд вежōрōн,— тшупыштіс Чернов.— Ті, Вера Александровна, да и тїян пōдругаясныд зіль, уджач йōз. Ме эска, ті кутанныд уджавны не кызкō да мыйкō, а сьōлōмсянныд...

Печораōдз экспедиция муніс дзонь тōлысь чōж: Нижнōй Новгородōдз поездōн, Волга, Кама да Колва кузя Чердыньōдз пароходōн, а сєссия Печора йылōдз, Якша пристаньōдз, вōвъясōн. Сєні ньōбисны экспедициялы пыжъяс да медалісны уджалысьяссō, туй индалысьяссō.

Кык пыж ōдйō кывтісны войвывса ыджыд ю кузя. Эз туристъяс пукавны пыжъясас, а исследовательяс. Черновлōн єсь синмыс мыйкō коланатор казяліс берегсьыс. Őд Печораō веськыдладорсянь усыйсь юясыс чужōны Из гōраын. Найō вайōны шыльōдōм-мольōдōм изъяссō да кōдзōны найōс ю пōлōныс. Медводз тайō изъяссō и окота лои тōдмавны Александр Александровичлы.

— Нолтō, сувтлам татчō,— кылō гōлōс.

Алькōс берегō петōм бōрын Чернов сюся видлалō изъяссō.

— Энō вунōдйō, Нина Александровна, чукōртны ва дорсьыс галькасō,— Емельянова дінō шыасьō сйō.

Сєссия Александр Александрович ньōжйōник мōдōдчō мыччысьōм изъя пластьяс пōлōн, видзōдō виджадōн куйлысь потласьōм слōйяс вылō, чукōстō Елизавета Сошкинаōс да тшōктō

сылы муртавыны пластьяслысь ыдждасö да пöкатсö. Час кык кыссьö тайö уджыс.

Сувтланінас жö Александр Александрович видлалö аслас ёртъяслысь аддзöмторъяссö, висьталö, мый кор лоöма, ошкыштö отсасьысьясö зільöмсьыс, сэк жö сійö быд пöрйö велöдö найöс, кызди нуöдны ывлавывса уджъяс.

И тадзи уна лун.

— Меным чайтсьö, аслам медводдза путешествие дырйи ме аддзылі чуймöдана ыльторъяс,— казътылö öні Нина Александровна Емельянова.— Татшöмторйыд некор оз вун.

Экспедицияса геологъяслы Тиман восьтіс уна ыльтор. Став аддзылöмаыс кажитчис нем виччысьтöмön, сьölöмöдз йиджтысянаöн да шензьöдана мичаöн.

Чернов мöвпаліс аслас чужан мулön судьба йылысь, коми йöзлön водзö олöм йылысь.

— Удж да тöдöмлунъяс венасны ставсö,— тшöкыда шульвліс Чернов аслас ёртъяслы.— Наука да удж югдöдасны унатор.

— Тайö экспедицияын нöшта ёнджыка ми тöдмалім ассьыным Александр Александровичнымöс,— казътылö Вера Александровна Варсанофьева.— Сылön писькös, корсьысьыс вежöрыс, бурлуныс ёна отсалісны пöртны олöмö ас водзас сувтöдöм могсö. Көть сьökыдлуныс вöлі уна, ми вöчим ставсö, мый вермим...

Тиманса экспедицияön помасис А.А.Чернов уджлön революция водзвывса, медводдза кадколастыс. Сійö унатор вöчис тайö кадö. Но нöшта унджык колö вöлі вöчны локтан воясö.

Революция первой лунъяссянь А.А.Чернов оліс аслас народлön мöвпъясön да тöждлунъясön. «Менам местай Печорскöй крайын,— мöвпаліс сійö.— Сэні му пыткас куйлöны помтöм озырлунъяс. А найö сэтшöма öні колöны йöзлы. Колö корсьны». Чернов кутіс дасьтысьны ыль корсьысьöмъяс кежлö.

Медводз сійö лöсьöдіс экспедиция уджаланінлысь öтувъя план. Геолог шуис первой ветлыны Вой Ураллön рытывладор бокö: сылön чайтöм серти, сэні эмось дона перъянторъяс.

Черновлысь плансö ошкисны экспедицияön веськöдлысьяс и сійö жö воö сійöс лэдзисны мунны Илыч вожö.

«Колöны бур отсасьысьяс, натөг сэн нинöм ог вермы вöчны,— мöвпаліс А.А.Чернов. И пыр жö тöд вылас сылы усины нывъяс, кодъяскöд сійö ветліс 1917 воын Печораö.— Пöжалуй, Елизавета Сошкина, Вера Варсанофьева, Мария Шульга-Нестеренко, Нина Емельянова да Дагмара Черноусова и лоöны медся туяна отсасьысьясön».

А кор висьталіс та йылысь нывъяслы, найö ёна нимкодъмисны:

— Ми важön нин виччысям тіянсянь корöмсö, Александр Александрович,— радпырысь вочавидзисны нывъяс.— Окота лолавны сöстöм сынöдön, кывзыны лэбачъяслысь сьылöм, нуöдны ывла ылын геологлысь удж.

— Тайö пöрйö нöшта на сьökыд лоö,— öлöдіс геолог.

— Ми жö кöсйысим нин. Сьökыдлунъясысь ми огö полöй. Огö янöдöй тіянös,— öта-мöд вежмön шуалісны нывъяс.— Висьталöй сöмын, мый миянлы ковмас вöчнысö?

— О, могыс уна! Главнӧйыс — тӧдмавны, кутшӧм пӧлезнӧй ископаемӧйяс эмӧсь Вой Уралын да Печора бердса эрдъясын. Медводз колӧ корсьны из шом.

Черновлысь уна юасисны, и сёрниыс кыссис вой шӧр бӧрӧдз.

Туйӧ недыр лӧсьӧдчӧм бӧрын да базаысь колана кӧлуй судзӧдӧм мысти экспедиция пуксис Ярославскӧй вокзалын тӧварнӧй поездӧ да мӧдӧдчис Котласӧ, а сӧсянь пароходӧн Усть-Сысольскӧ. Сӧні уисполкомын кыптис сёрни сӧян-юан йылысь.

— Сӧян-юан абу и нянь сетны тӧянлы огӧ вермӧ,— шуис продотделса юралысь Мишарин.— Вермам сетны сов.

— Мый меным совсьыс?— юалис Чернов.

— Печораын солыс зарни кодъ жӧ дона,— вочавидзис Мишарин.— Чери кыйӧны уна, а солыс абу. Сов вылӧ тӧянлы сюрас ставыс, мый кӧсьянный, профессор ёрт.

Нинӧм он вӧч, ковмис босътны сов, и сійӧ вывтӧ лӧсялис. Ноксьӧмыс, дерт, сійӧн вӧлі уна, но отсаліс венны уна сьӧкыдтор. А сьӧкыдлунъясыс заводитчисны медводдза оськовъя-ясянь жӧ.

Сэтчӧс ӧткымын йӧз эз бурпырысь примитны найӧс.

— Миянлы сьӧкыд тӧдмавны, кодъяс ті сэтшӧмыс,— ӧти сиктын шуисны налы.— Гашкӧ, бур йӧз, а гашкӧ, и тундраӧд да вӧртӧ шӧйтись белогвардейскӧй отрядлӧн колясъяс.

Ковмис висътавлыны налы гражданскӧй война помасьӧм йылысь, народнӧй овмӧс кыпӧдны заводитӧм йылысь, мупытшса озырлунъяс корсьӧмлӧн коланлун йылысь. Ковмыліс петкӧдлыны и мандатъяс.

Корсьысьӧмъяс вылӧ мунӧн Чернов тӧдіс, мый геологлӧн туй сьӧкыд, паныдасясны уна мытшӧдъяс. Уна колӧ тӧдны да кужны водзвыв аддзыны.

Илыч бердысь из шом геологъяслы эз сюр, но удж эз вош весьшӧрӧ. Вӧлі тӧдмалӧма Вой Ураллӧн рытывладор боклысь геологическӧй тӧчасногсӧ. Тайӧ исследованиеясыс сетісны подув шуны, мый пермскӧй кадӧ бурджыка вермис артмыны из шомыс войвылынджык. А ӧд сӧки вӧлі шуӧны, мый пермскӧй колясъясын из шомыс оз вермы лоны. Чернов сувтіс тайӧ теорияыслы паныд. Мед кӧть серавны кутасны сы вылын, но сійӧ таысь эз повззы.

«Войвылӧ, войвылӧ и нӧшта ӧтчыд войвылӧ!»— эз лӧдзчысь аслас мӧвпысь профессор.

1923 воын геологъяс, А.Чернов юрнуӧдӧм улын, корсьысисны войвылынджык — Пӧдчерем ю вожын. Тайӧ сьӧкыд экспедицияс бара жӧ отсасисны Черновлы воддза ёртъясыс. Г.А.Добролюбова муніс Пӧдчерем ю пӧлӧн. В.А.Варсанофьева водзӧ нуӧдіс уджсӧ Илыч бокын. Палеонтолог Мария Ивановна Шульга-Нестеренко нуӧдіс корсьысьӧмъяссӧ кыкнан ю вожас.

Тайӧ уджъяс дырйи пермскӧй колясъяс пӧвстысь вӧлі аддзӧма из шомлысь вӧснныдик пластъяс. Мед кӧть и гырысь вермӧмъяс эз лоны, Черновлӧн кияс эз лӧдзчысьны.

— Мый ми татысь аддзим да тӧдмалім, ыштӧдӧны миянӧс. Ме чайта, вермӧмыс лоӧ миян сайын,— эскӧдана висъталіс учӧнӧй.

И нем виччысьтӧг ставыс вежсис. Делӧыс сыын, мый сійӧ жӧ 1923 воын Коми облысполком нуӧдіс корсьысьӧмъяс Неча

ю пӧлӧн (Косьюлӧн шуйгаладор вож) да аддзис сӑтысь из шом пластъяс. Бурӧвӧй мастер Семьяшкин ки помысь буритӧмӧн эрдӧдіс бурӧй из шом пласт. Сылысь торпыригъяссӧ вайисны Госпланӧ.

— Ковмас паськӧдны тӑян группӧн нуӧдан уджсӧ,— висъ-талісны Госпланын Черновлы 1924 во заводитчигӧн.

— Ми дасьӧсь,— дженъыдика вочавидзис Чернов.

И сӑксянь жӧ заводитчисны дасътысьны ыджыд удж вылӧ. Вӧлі лӧсьӧдӧма нель группа: 1) Печора катыдӧ да Илычӧ (В.А.Варсановъева); 2) Пӧдчеремӧ (Т.А.Добролюбова); 3) Ыджыд Интаӧ, кодӑ усьӧ Косью (Е.Д.Сошкина да Г.А.Чернов); Кӧжимӧ да Косью (А.А.Чернов, М.И.Шульга-Нестеренко да В.П.Тебеньков).

Татшӧм экспедициялы ковмис уна деньга. Дыр арталӧмъяс да сёрнияс бӧрын геологическӧй комитет сетіс 750 шайт, Коми облысполком — 750 шайт да 100 пуд пызь.

— Дерт, он ёна паськӧдчы татшӧм ичӧтик козиннад,— шуыштіс Чернов, но сійӧ и та вылӧ нин вӧлі рад.

Экспедиция помасис бура. Уса вожысь вӧлі аддзӧма уна пӧлӧс арлыда из шом, Интаысь — кык пласт, Кӧжимысь — нельӧс.

А.А.Чернов пыр жӧ донъяліс тайӧ аддзӧмторъяслысь тӧдчан-лунсӧ да гӧгӧрвоис, мый Уса вожын паськыд местаын эм зӑв уна из шом.

1925 воын водзӧ нуӧдсисны уджъяс Косьюлӧн лунвыв юкӧ-нын да сылӧн вожъясын: Вангыр, Сарюга да Съӧд юяс пӧлӧн. Тайӧ корсьысьӧмъясыс висъталісны, мый из шом куйланіныс зӑв паськыд.

— Войвыв Уралысь пермскӧй из шом бассейн аддзӧм йылысь ми шуим йӧзӧдны печатьын,— юӧртіс Черновлы Войвывса научно-промыслӧвӧй экспедицияысь ӧти веськӧдлысь.— Ті абу паныд талы, Александр Александрович?

— Абу,— вочавидзис Чернов.— Ыджыд аттӧ таысь тӑянлы шуа.

Регыд мысти петіс тайӧ юӧртӧмыс центральноӧй печатьын.

— Александр Александрович!— шыасис Чернов дорӧ ӧти ыджыд геологическӧй учреждениеса веськӧдлысь.— Ті лыд-динныд Печораса из шом бассейн йылысь юӧр?

— Да, лыдди,— шуис Чернов.

— Мыйла йӧзӧданныд подулавтӧм юӧръяссӧ?— скӧрысь юалис сыкӧд сёрнитысьыс.

— Мыйла ті чайтанныд юӧрсӧ подулавтӧмӧн?— юалӧмӧн жӧ шыасис Чернов.

— Сӑні ставсӧ ёна содталӧма, вывтӑ нин кыпыда висъ-тавьсӧ,— чукуртчыліс сійӧ.— Александр Александрович, паныд гижӧй тайӧ юӧрыслы, путкыльтӧй сійӧс.

— Тайӧс ме ог вӧч,— вочавидзис Чернов.— Гижӧдас юӧр-тӧма сӧмын збыльтор.

Партия Коми обкомлӧн пленум вылын планӧвӧй комиссияса председатель А.А.Маегов вӧчис доклад народноӧй овмӧс сӧв-мӧдӧм йылысь да водзӧ сулалан могъяс йылысь. Овмӧс кыпӧдан фронт вылын уджалысь йӧз вӧчисны шензьӧданаторъяс,— висъ-таліс докладчик. Сӑк жӧ сійӧ юӧртіс, мый учёнӧйяс восьтісны

Печораса из шом бассейн, кодлөн тӧдчанлуныс вьвтӧ ыджыд. Залын кылӧсны гора радлӧмъяс.

— Со торгово-промышленной газет, кодӧс лӧдзӧма 1926 во-ся январь 22 лунӧ. Лыддӧй сӧтысь профессор Александр Александрович Черновлысь статья «Печораса из шом бассейн» и тӧянлы лӧӧ гӧгӧрвоана, кутшӧм озыр Печораным,— шуис Мае-гов.— Ковмас, дерт, ещӧ кад, медым лӧсьӧдны кадръяс, стрӧит-ны шахтаяс да заводитны перйыны из шомсӧ. Но тайӧс лӧӧ вӧчӧма!..

1926 воын февральса ӧти лунӧ Москваын Александр Алек-сандрович ордӧ курьер вайис ВСНХ-ысь пакет — сийӧс корӧны заседание вылӧ, кӧнӧ сӧрнийс кутас мунны странаын из шом промышленность сӧвмӧдӧм йылысь.

А.А.Чернов сӧрнитӧс сӧнӧ, висьталӧс Печораса бассейн йы-лысь да сӧтчӧс из шом йылысь. Совецание аслас решениеын пасйис: «ВСНХ-са геологической комитетлы тшӧктыны лӧсьӧд-ны Печораса из шом корсьӧм программа...»

А.А.Чернов да сылӧн отсасьысьяс лӧсьӧдӧсны тайӧ програм-масӧ да плансӧ. Но проектъяссӧ видлалӧмӧн да вынсьӧдӧмӧн мыйлакӧ нжумасисны. Вӧліны йӧз, кодъяс быд ног зӧлісны торкавны олӧмӧ выльторъяс пыртӧмсӧ.

Ӧтчӧд Черновкод паньдасис важся тӧдсаыс, кодӧ тшӧктыліс гижны газетной заметкалы паньд.

— Видза оланьд,— гораа шуис Черновлы.— Тӧ век на важ моз тӧждысяннӧд Печора вӧсна? Весышӧрӧ.

А.А.Чернов сӧдзи видзӧдліс геолог вылӧ, мый мӧдыс бӧбмис да тӧрыба вешйис профессор син водзысь.

Дерт, ӧбиднӧ кывзыны неногса лӧк шуасьӧмъястӧ, но тыш эм тыш, сӧнӧ овлӧны вермӧмъяс и зырӧмъяс.

Александр Александрович олӧмын сьӧкыллуныс вӧлі вьвтӧ уна, но сийӧ пыр кужис кутны асьсӧ смела, этшысь петтӧг, эз вунӧдлы ас водзас сувтӧдӧм мог йылысь. Кыпыдлунсӧ сылы сетліс уджыс, Печораса из шом, кодлы сиис олӧмсӧ.

Уджын эз лӧдзны сылы усьны сьӧлӧмӧн и отсасьысьясыс, кӧть найӧ и нуисны ыджыд научно-исследовательской да пре-подавательской удж. Босьтам кӧть Вера Александровна Вар-санофьеваӧс. 1925 воын сийӧс корисны профессор пыдди МГУ-ӧ. Университетын уджалӧгӧн сийӧ лыддис геология да кристалло-графия кузя лекцияяс Тверской пединститутын, преподавайтӧс геология да минералогия Иваново-Вознесенской педагогической да политехнической институтъясын. Колӧ вӧлі виччысьны ве-лӧдчан во помасьӧм, а сӧсся ни ӧти лун сӧрмытӧг бара петны экспедицияӧ. Вера Александровна — ыджыд сямлуна, интерес-ной судьбаа морт. Сылӧн батьыс — Александр Степанович — вӧлі военной, артиллерист, воюйтліс тuroкъяскӧд Балканын, медым мездыны нартитӧмысь Болгарияӧс. Сийӧ уна аддзыліс, уна нуліс ас вьвтӧыс да тшӧкыда висьтавлывліс та йылысь аслас нывъяслы. Мамыс — Юлия Львовна — аслас кадӧ вӧлі зэв культурной нывбаба. Сийӧ быдтор кӧсйис тӧдны, век кыпӧдӧс асьыс тӧдӧмлунъяс да бура сяммис сетны найӧс челядыслы.

Вера помалӧс гимназия зарни медальӧн да пырис велӧдчыны частной гимназияса кӧкъямысӧд классӧ, медым гӧтӧвитчыны Москва Вышӧй женской курсъяс вылӧ.

Ывла выв дорё муслуныс Вералён тыдовтчис водз. Гортса библиотекаысь книгаяс серти сійö тöдмасьö Россиялön, Грециялön, Римлön, Дальньої Востоклön историян. Дас нель арöсөн лыддьö Гетчинсонлысь «Вымершие чудовища», А.П.Павловлысь «Вулканы на земле и вулканические явления во Вселенной» да «Морское дно». Тайö книгагассö лыддьöм бöрын Вералён чужö мöвп, мый сійö лоас геологön да кутас велöдны Му да Вселенной.

Москваса Высшöй женскöй курсъясин велöдчигön нин сійöс лэдзöны ветлывлыны МГУ-ö, медым кывзыны ставлы тöдса учёнöй И.П.Павловлысь лекцияяс. Наукаöс, народöс радейтöм ыззьöдiс сійöс дугдывтöг содтыны ассъяс тöдöмлунъяс да нуны-паськöдны найöс йöз пöвстö.

Вера ветлис уналаö экскурсиян: 1908 воын Крымöд, 1909 воын — Волга да Кама кузя, 1910 воын Войвыв Италияö, сэк жö волiс Венаö, Мюнхенö, Венецияö, Веронаö да мукöдлаö. Тайö ёна содтiс сылысь тöдöмлунъяссö. Но медся матыссаөн, донаөн олöмас сылы лои геология.

Вера Александровна уна во уджалiс А.А.Черновкöд öтлаын, найö пöдiсянь тöдмалiсны Урал, Тиман да Печорскöй край.

Вера Александровна кужис донъявны олöмлысь быд здук, видзны сійöс колана ногön. Сы вöсна сійö вевъялис уна зэв вöчны. Весиг öнi, ыджыд арлыдаөн, сійö уджалö на. В.А.Варсанофьева лои ыджыд специалист-геологön, мирлы тöдса учёнöйön, и сылön эм сы мында почётнöй звание, мый öдвакö сыкöд верман öткодявны кодöскö мöдöс — нывбаба-геологöс. Вера Александровна ортсысяныс и вежорнас вöли мича, бур, томдырйиыс чуймöдлiс унаöс. Радейтлис сійö öти мортöс, но тöдмасьöм бöрын сійö мортыс регыд мысти кувсис. И Вера Александровна став ассъяс олöмсö сиис геологическöй наукалы.

Кызди профессор-геолог, сійö медсясö уджалiс МГУ-ын — 1925 восянь кутiс дасьтыны том кадръясöс. И экспедицияясö сійö кыскылис том йöзöс. Шуам, Илычын корсьысигön уджалiс университет помалысь Н.Н.Иорданский, кодi бöрынджык востiс Янгарейскöй из шом куйланiн; Войвыв Уралса экспедицияын вöлины В.В.Пиотровский да Н.М.Шомысов.

Варсанофьева кодь отсасыськöд Черновлы кокниджык вöли пöртны олöмö ыджыд могъяссö.

Зэв кывкутанаөн лои 1926 вося экспедиция. Июнь тöлысь помын Усть-Сысольскö воём бöрын Александр Александрович корис Облпланса председатель Афанасий Андреевич Маеговлысь, медым президиум вылын сылысь кывзiсны корсьысяна уджъяс мунöм йылысь доклад. Öд быдöнлы колö вöли тöдны, кор заводитасны перйыны из шом.

— Ёртъяс, тайö кадыс абу нин ылын,— эскöдана шуис Чернов.— Колö писькöдны медводдза разведочнöй шахтаяс Уса вожö. Ми личлэдзлытöг корсьысям Усаö усыысь юяс пöлön да век öтарö синам войвывланьджык.

Облплан сувтöдiс Чернов водзö виль могъяс, кодъясөн сійö тöдмöдiс ассъяс уджалысьяссö.

И бара сьöкыд кузь туйö. Тшöкыд вөр, ичöt ваа юяс, нюръяс. Телегаö доддялöм вöвъяс, жебиник пыжъяс, а унджыкысьсö подön — со сэкся ветлöм-мунöмыс.

Печора бокын сулалысь Аранеч сиктса нэль морт — Михаил, Пётр, Григорий да Куприян — дасьтисны А.А.Чернов локтігкежлө пыжъяс, колана көлуй. Найö көсьысисны лоны экспедицияын туй индалысьясөн-уджалысьясөн.

Тайö йöзыс вöлі быдлаö аддзöны мунны да быд удж дінö сибалöны.

Öні колö вöлі прöйдитны көть и тöдса нин, но зэв сьöкыд туй: 100 километр ёна ляпкалөм Аранеч ю кузя, сэсся вуджны косінті 15 километра вöлөк, медым веськавны Ыджыд Сыня ю вылö, коді усьö Усаö шуйгаладорсяныс.

А сэки кывтіс нин кык пельö юксьöмөн экспедиция Троицко-Печорсксянь Аранечö пароходөн да пыжъясөн.

Профессор А.А.Чернов вылö донъявліс отсөгсö, кодös сетлісны экспедициялы коми йöз. Сійö велаліс нин накөд уджавны, вуджис öтвылысь накөд уна сьöкыдлунъяс. Тайö вына, смел йöзыс вöліны экспедицияөн веськөдлысьлы збыльысь мыджöдөн.

Мыйён сöмын экспедиция воис сиктö, пыр жö заводитісны грузитны пыжъяс. Удж муніс дружнöя, сөгласөн. Аскинас экспедиция мөдöдчис туйö.

Первойя пыжас пуксисны А.А.Чернов да палеонтолог М.И.Шульга-Нестеренко, а мөдас — студентъяс Георгий Чернов (профессорлөн пиыс) да Софья Наумова. Первойя пыжнас веськөдлісны Михаил да Пётр, мөднас — Григорий да Куприян.

Печораö Георгий Чернов воис мöдысь. Первойысьсö воліс кык во сайын Ыджыд Интаö коллектор пыдди. Тайö пöрйö сійö быттö вöлі производственной практика вылын, көсьис мунны бать кок туйöдыс. Студентъяслы тайö экспедицияыс вöлі, дерт, сьöкыдөн, но найö локтісны татчö ас вöлясьыныс.

— Меным висъятавлісны, геология радейтöмьд пö медводз петкөдчö сыын, кутшöма тэ сямман тышкасьны сьöкыдлунъяскөд ывлаын, кодыр корсян мупытшса озырлунъяс, — шуис öтчыд Софья Наумовалы Георгий. — Ме талы паньд эг мун да сы вöсна мöдысь вои татчö.

Ныв довкнитіс юрнас: гөгөрвоа пö.

Көть тайö кывъяссö шуöма мыйтакö мода ради, но найö петкөдлісны том Черновлысь ыджыд көсьйöмсö: батгыс моз жö сины ассьыс олöмсö сьöкыд уджлы — пöлезнöй ископаемöйяс корсьöмлы.

...Джын туйсö — 50 километр гөгөр — мунісны ю кузя сынöмөн да зібъясигтыр, мөд джынсö турунсялөм Аранеч юд пыжъяссö кыскисны вöвъяс.

Татысянь колö вöлі вуджны Сыня ю вылö вöлөкті. Мужичöйяс ставсö петкөдлісны пыжъясысь берегö да лэптисны пыжъяссö, медым косьмыштісны. Пыр жö босьтчисны вöчны грузьяс кыскан вуж додыас.

Артыштисны ылöсас: став көлуйсö, сёян-юансö ковмас нуны Сыня вылö куимысьөн. Первойысьсö шуисны нуны öні жö, шойччыштöм бöрын, войнас.

Мунны ковмис егырті, көні быдмисны шочиник пуяс. Георгий Чернов да Куприян осьлалісны водзвылас, нуөдісны нырвизь, писькөдісны ордым, вешталісны туй вывсьыс изъяс да посйысисны шоръяс вомөн. Мукөддырйи ковмис мунны

коскөдзыд ваөд, пидзөсөдзыд ныйтөд. Гөгөр шыльквидзис нюр. Тэрмасигтыр вөчөм вуж додьяс киссисны, ковмис вөчны выль-ясөс да тэчны сэтчө көлуй. Сэки жө ковмис дугдывтөг мездысьны силитчөм ном-гебйысь.

Шойччыштисны Сынялөн изъя джуджыд берегын — и бөр Аранечө. Куимысь и лои ветлыны.

— Мыйөн мөвпышта татчө локтан туй йылысь, менө йирмөг босьтө,— шуис Куприян, медся том проводникыс.

— Велав,— дженъидика вундыштис Михаил.

Александр Александрович вөлі кыпид: өд нинөм сэтшөм-татшөмыс эз ло туй вылын. Да и экспедицияса мукөд уджалысьяс эз няргыны. Быдөнөс чуймөдіс гажа местаыс. Коддзөдана сөстөм сынөд, юсянь ыркнитывлысь төврутор, и главнөйыс — мудзлун өдйө унмовсөдісны йөзөс, медым чөжыштны вынъяс да мөдөдчыны водзө. Войыс коли лөня. Медводз садьмисны Михаил да Мария Ивановна, заводитисны лөсөдны завтрак.

Ыджыд арлыд вылө видзөдтөг, Михаил эз төдлы мудз. Сійө вайис юысь кык ведра ва, чукөртис кос пу, өзтис бикур. Мыйкө вомгорулас сылигтыр Михаил өти здукөн корсыліс мешөкъясысь коланатор, мый корліс Мария Ивановна. Аранечысь кыйөм чериысь пуисны чөскыд юква. Завтрак артмис зэв бур.

Кор ставөн чеччисны, мыссисны ю дорын да пуксисны сөйны,— синъясыслы эз эскыны: сы мында сөян, эз төдны, мыйсянь и заводитны.

Луныс пуксис мича. Лэдзисны юө пыжъяс, сөвтисны көлуй, и экспедиция мөдөдчис катны Сыня юөд.

Регыд Сыня вожаліс кык пельө. Öти вождөдыс найө кайисны пөшти Сабля гөраөдз, көсийсны кыпөдчывны сы вылө, но поводдяыс вөлі лөк.

Колана мерайтөмъяс да пасйөдъяс вөчөм бөрын Александр Александрович сетіс команда — пуксявны пыжъясө да мөдөдчыны кывтны. Сійө местасө прөйдитөм бөрын, кытысянь заводитлісны катнысө, геологъяс регыд аддзисны Сынялысь сідз шусяна дзиръя. Тані кыз слөя известнякъясысь артмөмаөсь кыкнан берегас вынйөра стенъяс, вевдорас вөліны быд пөлөс юръяс да пиньяс. Берегъясыс зэв джуджыдөсь, веськыдөсь. Ставыс муніс шөр нэмса киссьөм замок вылө.

Тайө мича ичөтик пельөсыс ставныслы йиджис сьөлөмөдзныс. Сэзь энэж, лэбачьяслөн дугдывтөг дзользөм, юлөн мича көджъяс, лөзоват руөн шымыртөм ниа пуяс — татшөм серпас сувтис син водзаныс. Войвылөс төдмалысь А.В.Журавский, коді тані вөлі 1910 воын, эз весьшөрө шу татчөс местаяссө «Печораса Альпыөн».

— Кыдз-мый вермис артмыны татшөм изйөсь вольпасяс из шомыс?— юаліс Михаил.

А.А.Чернов окотапырысь, прөстөя висьталіс, кызди артмисны из шом пластьяс.

Водзө экспедиция видлаліс Ичөт Сынялысь берегъяс да кывтис Уса ю кузя Усть-Усаөдз (Уса вомөдз), көні вөлі базаныс. Сыня бокысь аддзөм из шомыс вөлі вөсньыдик слөйяса да омөлик. Та вөсна А.А.Чернов шуис водзө нуны уджъяссө Көжим да Ыджыд Инта юяс пөлөн, асыввыв юкөнас.

Дерт, профессорос шогөдіс удачатом тайо корсысыомыс. Но сійо и вөтөн тшөкыда аддзыліс Печораса из шом тыра бар-жаяс да gryмакылысь поездъяс.

«Лоас, ставыс лоас збылысь», — мөвпаліс сійо.

Профессор нөшта ыджыдджык вынөн кутіс водзө нуөдны корсысыана уджъяс. Сійо вөлі вывті уджач, мудз төдтөм морт. Татшөм йөзлысь и сөмын велөдчыны, кыдзи колө творитны, овны.

— Общественностьлысь вынъяссө колө кыскыны Печора дорө, — өтчыд висьталіс аслас ёртъяслы Чернов.

И пуны мөдіс удж. Öтияс выступайтисны докладъясөн, мөдъяс ведомствоясын төдмөдісны чукөртөм материалөн, коймөдъяс гижисны журналъясө да газетъясө статьяс.

Печатайтисны көть этша, дженъыда, но статьяслөн төдчан-луныс век жө вөлі. На пөвстын вөліны дзик вьлиторъяс. Сідз, Елизавета Дмитриевна Сошкина медводз заводитіс төдмавны Уралысь пермскөй кораллъяс. Торъя места босьтис сылөн удж «Определитель девонских четырёхлучевых кораллов». Е.Д.Сошкина гижис 40 сайо научнөй удж. 1946 воын сійо лои биологической наукаесса докторөн, а 1948 воын сетөма сылы профессорлысь ним.

Елизавета Дмитриевна вөлі шензнымөн зіль морт. Студент-каөн на заводитіс велөдны рабочөйясөс Пречистенскөй курсъяс вылын. 1915 воын помаліс Высшөй женскөй курсъяс да лои велөдысьөн öти московскөй гимназияын.

А сэсса мөдіс төдмасыны Печораөн да сиис сылы олөмсө. Сійөс радуйтис суров, но мича муыс. Сідз вочасөн том учөнөй вөчис геология кузя гырысь уджъяс. Сылөн медводдза откритиеыс — 1924 воын Интаса из шом куйланін аддзөм. Сэсса заводитисны печатайтисыны сылөн уджъяс: 1928 воын — «Нижнепечорские кораллы западного склона Северного Урала», 1930 воын — «Геологическое строение левобережья р. Печоры в районе рр. Большой и Малой Кожв и точильной горы на р. Сопляске», 1932 воын — «Геологические исследования в районе Подчеремского Северного Урала».

Елизавета Дмитриевна бура төдмаліс Пөдчерем, Щугөр, Ичөт да Ыджыд Патока юяс, Урал гөраяс да лөсьөдіс СССР-са Европөйскөй юкөнлысь общөй геологической карта 123 лист вылын. Е.Д.Сошкина обработайтис улысса палеозойлөн, девонсянь да улысянджык заводитөмөн, стратиграфиялысь став материалъяс.

Ставсө, мый вөчис Е.Д.Сошкина, сы мөвпъясөн, ыджыд опытөн, төдөмлунъясөн öні пөльзуйтчөны геологъяс мупытшса озырлунъяс корсигөн. Со коді мудзлытөг отсасис Черновлы.

— Миян ног лоө! — гораа висьталіс Александр Александрович 1927 вося апрельын гортас воөм бөрын.

А.А.Черновлөн отсасысыясыс да гортасясыс, кодъяс виччысисны сылысь локтөмсө, ыззьөмөн уськөдчисны сылы паныд.

— Корсысыан уджъяс кузя план вынсьөдісны сідзи, кыдзи ми корим, — радпырысь юөртіс А.А.Чернов. — Көжим ю бокті из шом корсыны кутасны Лебедев юрнуөдөм улын. Ыджыд Интаө мунас Пономарев. Татьяна Александровна да Елизавета

Дмитриевна кутасны водзё нуодны Щугёрын уджъяс. Вера Александровна да Пиотровский мунасны Унья вылө.

Геологъяс кокниа ышловзисны. Печораын та ыджда уджъяс йылысь найö и мөвпалісны.

Июнь төлысьын экспедиция мөдөдчис корсьны из шом, коді сэтшөма колö страналы.

Унаөн сійö кадö петöны отпускө, мунöны лунвылө, Чёрной море дорö, сöмын геологъяс кыссьöны кытчөкө войвылө, пармаö либö тундраö. И тадз воысь-во. Помтöг корсьысьöм, выльторъяс восьталöм, смеллун — со мый югдөдіс черновецъяслысь олөмсö. Коми муö быд во ветлөмыс эз вöв весь, а ыджыд мог олөмö пöртöмланы веж матыстчөм.

Троицко-Печорскö (Мылдинö) воөм бöрын экспедиция эз кут виччысьны пароход. Медалісны пыжаясöс да мөдөдчисны асланыс туйöд. Е.Д.Сошкина да Т.А.Добролюбова кольчисны Шугөрö. Аранечын экспедиция дорö öтувтчисны туй индалысь-уджалысьяс. Усть-Усаын ставныс пуксисны пароход вылө да Уса да Косью юяс кузя воисны Ыджыд Инта вомö.

— Тіянкөд и ме ката Ыджыд Инта кузя,— юöргіс Пономарёвлы экспедицияөн веськөдлысь А.А.Чернов.— Көсья аслам синъясөн видзөдлыны тайö юыслысь берегъяссö. Георгий да Елизавета Дмитриевна унатор чукөртöмаöсь сэтысь 1924 воын, найö интересуйтöны менö, колö чайтны, уна удача виччысьö миянös.

Ыджыд Инта вомын сулалысь Дресвянка сиктысь öдйö сюрисны колльöдысьяс, ветлөм-мунөм йөз, Федот да Алексей Филипповъяс — кык вок.

— Ми кывтам тіянкөд сöмын Көжим вомөдз, сэсянь бөр бергөдчам гортö,— шуис Федот.— Сэтысь сюрасны колльöдысьясыд, кодъяс миянысь бурджыка төдöны сэтчөс эрдъяссö.

Тадзи и сёрнитчисны.

1924 воын Е.Д.Сошкина да Георгий Чернов аддзисны Ыджыд Интаысь из шом. Пономарёвлөн партия водзё нуөдіс корсьысьöмъяссö. А.А.Чернов уджнас вöлі зэв дөвöльной, и сійö аслас группакөд сэтысянь мөдөдчис Көжим вомö. Сэні и лои торйөдчыны вывті бур колльöдысьяскөд.

— Эн эновтöй миянös,— кевмысис Александр Александрович.— Содта удждон, онö кутöй каитчыны.

— Ми эськө радпырысь уджалім тіянкөд, сöмын не тайö ю вылын,— вочавидзис Федот.— Ми полам сыысь. Тіян олөмөн огö көсйöй рискуйтны. Гөгөрвоёй миянös веськыда, начальник ёрт.

— Мыйөн нö лёк Көжим юыс?

— Аслас ыръянитөмөн,— шуис Федот да чөв ланьтіс.

И Федот висьталіс, мый сэні öтчыл лои. Водз тулысын квайт кыйсьысь вöчасны пур да заводитасны кывтны Көжим кузя. Нем виччысьтöг найö зурасясны из крежйö, пурйыс пасьмунö, и витөн пыр жö сгинитасны бузгысь-йöйталысь ваын. Сöмын öтнас Федот кызкө ловйөн кольö. Көть сэксянь колис нин дас во, Федотлы сійö кажитчис выльöн на. Сійö весиг эз вермы матыстчыны трагедия лоанінас.

Та бöрын шай-паймуніс и Чернов: öд сійö кывкутö экспедицияса йöзлөн олөм вöсна.

Вылъ колльодысьяскөд — Василий да Алексейкөд — группасы катис Көжим ю кузя 100 километр — Лимбик юөдз. Колана уджъяс сәни вөчөм бөрын Чернов мөдөдчис кывтчөс. Сувтис Лебедев уджаланинө, көни ставыс мунис бура жө.

Татьяна Алексеевна Добролюбова да Василий Павлович Тебенков водзө корсисны из шом Вуктыл ю вожын, коді усьö веськыдладорсянь Печораө.

Татьяна Алексеевна кык во сайын, 1925 воын, вөлі нин тайö местаясас да аддзис Югыд ёльысь — Вуктылö усьысь ю дорысь — из шом. И сәки жө тöдмаліс, мый Вуктылын эм нефть да индіс сійöс СССР-лөн общöй геологическöй карта вылö.

Колисны вояс. Т.А.Добролюбова туйөд мөдөдчисны геологъяслөн, бурильщикъяслөн уна лыда партияяс. И воис кад, кор ыджыд шумөн писькөдчис скважинаөд Вуктылса газ сәтысь, кутшөм местаясын вөлі Добролюбова.

Ёртъясыс шуисны юөртны та йылысь сылы.

— Татьяна Алексеевна!— 1967 вося мартын кыліс телефоннöй трубкаын Георгий Александрович Черновлөн шызьöм гөлөс.— Ме сёрнита Сыктывкарсянь. Тіян чайтөмъясныд збыльмисны. Вуктылысь аддзöма помтөм природнöй газ.

Добролюбовалы эз эскыссы, мый нелямын во мысти сыөн индөм местаясысь сюрис газ.

— Ті гижöй меным, пöжалуйста, та йылысь,— корис Татьяна Алексеевна.— Менö вывті ёна шызьöдіс тайö юөрыс.

— 1969 вося первой кварталсянь Вуктылса газ лоö перйöма му пытшкысь. Газопровод Вуктыл—Ухта—Череповец—Торжок 1000 километр саяс, сылы сетöма мича ним — «Вой кыа»,— водзö висьталіс Г.Чернов.

— Аттьö бур юөрысь,— Татьяна Алексеевна пуктіс телефон трубкасö.

Уна творческöй радлун тöдліс аслас кузь олан туйын Татьяна Алексеевна, но татшöмыс эз на вöвлы 76 во чöж олігөн.

Г.А.Черновкөд сёрнитөм бөрын кык во мысти, 1969 вося апрель 24 лунö, «Правда» газетысь Татьяна Алексеевна тöдмаліс сы йылысь, мый пыртöма уджö «Вой кыа» газопроводлысь первойя öчередь. Кутшөм нимкодъ вөлі сылы! Сәкся кадö сьöкыд туйясті дас öтикысь сійö ветліс Печораө. И эз ло весьшөрö: Вуктылса газ!

Геологияысь кындзи, Т.А.Добролюбовалөн эмось уна научнöй уджъяс и палеонтология кузя.

Москваса керкаын, көни сійö олö 1910 восянь, ми юалім:

— Мыйла ті лоинныд геологөн, öд сійö сәтшөм беспокойнöй профессия?

— Миян томдырйи ми ёна лыддьывлім Куперлысь гижөдъяс: «Зверобой», «Следопыт», «Последний из Могикан», «Кожаный чулок», «Прерия»... Найö велөдісны миянөс лоны мужественнöйөн, уджавны мудз төдтөг. Мыйтакö тайö и ворсіс профессия бөрйигөн,— вочавидзис сійö.

— А мый босьтчөдіс сәтшөм сьөлөмсянь уджавны Войвылын бөръяджык вояснас?

— Миян странаын водзö лоан югыд олөм йылысь В.И.Ленинлөн кывъясыс,— вочавидзис Татьяна Алексеевна.— Вож-

дьон кыпөдөм выль идеяс кыскисны миянөс народлы пөльза вылө уджө.

Добролюбовалон вына сямлуныс шыасис вөвлытөм выль нэмлөн чукөстчөм вылө.

Но, а öнi профессор Черновлөн удж йылысь. 1927 вося экспедиция дзоньнас вайис буртор. Ыджыд Интаысь да Кожимысь вöли восьтома из шомлысь разнöй кызта дас сизим пласт. Сöмын сийö лёк, мый из шомыс вöли ёна му сора.

А.А.Чернов нöшта öтчыд төдмалiс, мый Войвыв да Полярнöй Ураллөн рытывладорын пермскöй породаяс куйлöны паськыда, и сийö век водзö мунiс войвывлань. Сэтчöс олысьяс син водзын сийö кутiс нин лоны легендарнöй морт кодьон, кодi локтöма роч муысь шондиa из корсьöм могысь. Сийöс ёна пыдди пуктöмыс эз бергöд сылысь юр вежöрсö. А.А.Чернов колiс воддза кодь жö авъя, скромнöй мортон. Сийö прöстöя висьтавлiс экспедициялөн удж йылысь.

— Вот тайö олом!— Чернов висьталiгөн шусис кодлөнкö.

— Ми корсям геройсöс, а найö миянкöд орччөн!— содтiс мöд.

— Асланым том кадлы да оломлы колö пасибö шуны сыысь, мый ставыс лои тадзи, а эз мöд ног. Ми уджалiм вывтi бур йöзкöд, миян водзын сулалiсны да сулалöны зэв ыджыд могьяс. Ми уджалам йöзлөн шуд вöсна, налы бур вылө. Öд медсюсь вежöра йöз век эскылисны, мый морт вермас лёк вынъяссö. Сöветскöй власть сетiс позянлун пöртны оломö тайö нэмöвöйя мечтаяссö,— кывкöрталiс Чернов.

Профессорлөн быдтор вылө тырмылiс кад. Сийö лыддьысис, гижис, выступайтiс лекциясөн, консультируйтiс студентъясöс, аспирантъясöс, нуöдiс общественнöй удж. Гижысьяс пöвстысь медся радейтiс А.П.Чеховс, кодi вылө пуктылiс мортöс. Батьыслөн сямлунысь унатор вуджис пиыслы — Георгийлы, кодлөн ашшöр геологическöй биографияыс заводитчис 1928 воын.

Уса вомсянь 150 километр сайын кыпöдчöмаöсь из гöраяс (тшелляс), кодъясöс шуöны Адакөн. Тайö тшеллясыс артмöдöны Чернышев гöраяслысь визь (шуöма академик Чернышев ним кузя, кодi волiс татчö 1880 воясын). Сийö нюжалö ылö асыв-войвывлань, тундраö. 1928 воын А.А.Чернов нуöдiс корсьысьöмъяс тайö гöра визь лунвылын, Шар ю да Заострөннöй пöлөн. Сэк жö водзö мунiсны уджъяс и Кöжим ю пöлөн.

Тайö экспедицияын Георгий Чернов, кодi воис Печораö нельöдысь, уджалiс медводдзаысь ас кежас, Заострөннöй ю дорын. Сийö аддзис кык метрысь кызджык из шом пласт, кодi куйлiс сёйöд сланецъяс пöвстын.

— Веськыда кö шуны, кор ме воёдчи из шом пластöдзыс, мыйкö менам дрöгнитiс сёлöмын,— казгытлö Георгий Александрович.— Мыйысь нö тайö? Му пытшкысь ме сийöс аддзывлi нин. Дерт, шызьöмла лои тадзи.

Кокни шуны: «Восьтома ископаемöйяслысь выль места». А мыйта удж колö пуктыны сы могысь, мыйта волнуйтчыны, переживайтны...

1929 воын А.А.Чернов снимайтiс Уса юлысь веськыдладор вожсö — тундраöд визувтысь Адзва. Вöли чукöртöма интереснöй

материал. Тальбойысь аддзём уна пластъяс ёна паськөдісны рытыв-войвывлань Печораса из шом бассейнлысь эрдсö.

Александр Александровичлы донаöсь вöліны йöз. Сійö сям-мис водзвыв тöдмавны налысь мыйöнкö интересуйтчöмсö. Вышшöй женскöй курсъяс вылын на А.А.Чернов казяліс, мый студентка Мария Ивановна Шульга-Нестеренколы ёна кажитчö геология и сыысь лоö бур специалист. И эз öшыбитчы. Уна вояс чöж Мария Ивановна воывліс Печораö А.А.Черновлөн экспедицияскöд. Сылөн удж «Мшанковая фауна угленосных и подугленосных отложений Печорского края», коді петіс 1933 воын, вöлі вылысса палеозой гөгöрбок пыдісянь тöдмалöмлөн первойя ыджыд удж.

Мария Ивановналы Печорскöй край лои матыссаөн, сылы сьölöм вылас воис сылөн мичлуныс.

Бөръяджык воясö печатайтсьöны Мария Ивановналөн уна научнöй уджъяс, сы лыдын ыджыд монография «Нижепермские мшанки Урала». Таысь М.И.Шульга-Нестеренколы 1946 воын сетöма учёнöй ним — геолого-минералогическöй наукаяс кузя доктор.

Ми тані висьталім В.А.Варсонофьева, Е.Д.Сошкина, Т.А.Добролюбова да М.И.Шульга-Нестеренко йылысь, кодъяс тöдмалісны Войвыв Ураллөн рытывывладорлысь геология да палеонтология.

На кындзи, нöшта вöліны на ыджыд сьölöма смел ныв-бабаяс. Сідз, шуам, СССР-са геологическöй атласлысь 123 листа микрофауна кузя материал лöсьöдіс Д.М.Маузер-Черноусова, öні геолого-минералогическöй наукаяс кузя доктор, Ленинскöй премия лауреат. Сійö сідз жö помавліс Вышшöй женскöй курсъяс.

Некымын экспедицияö ветліс Н.А.Емельянова. Бöрынджык сійö лои гижысьөн. «Заманщина» повестынь висьталö чудеса кодь край йылысь, кыті визувтö Енисейлөн вож — Мана ю, коді усьö Енисейö Красноярсксянь 25 километр сайын. Тайö повестылысь рукописьсö вöлі ыстöма Италияö А.М.Горькийлы. «Писькöслун эм и, чайтсьö, весиг бур», — вочавидзис ыджыд писатель 1930 вося июнь 19 лунö. 1939 воын «Красная новь» журналын петіс Н.Емельяновалөн повесть «В Уссурийской тайге». Сійö гижис Коми му йылысь очеркъяс: «На Печоре», «Куприяновы рассказы», «Путешествие, которое нельзя повторить». Тайö гижöдъясин автор петкөдлö Печораын корсьысысьяслысь сьöкыд, но сьölöм кыскана удж.

А.А.Чернов арталöмъяс серти, 1930 воын колö быть адзыны Печораысь коксуйтчысь из шом. Быдса дас во лои дугдывтöг корсьысьöма, тöдмалöма Ураллысь став рытывывладорсö. Тайö местасö вöлі юклöма участокъяс вылö. Вит верста карта серти татчös территориясö юкöма нель лист вылö.

Первойыс, 121 лист, шымыртіс Уса юлысь веськыдвыв вожъяссö — Адзва, Ыджыд да Ичöt Рогövöй, Воркута, кодъясöс омöля на вöлі тöдмалöма.

Мöд, 122 листас, вöлі Уса кывтыд, кытчö шуйгаладорсянь усисны Ыджыд Сыня, Косью да Льöмва юяс. Тайö местаясас уджавліс А.А.Черновлөн партия.

Коймöд, 123 листö, пырис шöр Печоралөн юкөн, кытчö

веськыдладорсянь усьоны Щугөр, Пөдчерем да Вуктыл юяс. Сэни уджавлісны Т.А.Добролюбовалон да Е.Д.Сошкиналон партияяс.

Нельөд, 124 листын, вөлі пасйөма В.А.Варсанофьевалысь уджаланин — Печора катыд, кытчö усисны веськыдладорсянь Илыч да шуйгаладорсянь Унья юяс.

Геологическөй карта лосьөдöмыс лои Печорскöй крайлысь озырлунъяс тöдмалöмлы подулон. Тайö уджсö вöчисны эз нин и сэтшöм уна йöз.

Странаос индустриализуйтан öдъясыс сэки корисны геологъяссянь регыдджык нуöдны корсьсыян уджъяс да котыртны выль местаясын ломтас перйöм.

Быттьökö Печораысь из шом перйöм вылö вöчöма нин ставсö, но А.А.Черновос падмöдіс öтитор: эз на воöдчыны главнöй могöдзыс — эз аддзыны коксуйтчысь из шом, коді кöнкö тані матын, дзик кок уланьыс.

— Кыдзи студентъяслы оз тырмы öти лун зачөтъяс кежлö дасьтысйöн, сідзи и миянлы оз тырмы öти гожöм, медым помавны заводитöм уджнымос,— шуис А.А.Чернов аслас йöзлы 1930 вося тулысын экспедицияон мунны лосьöдчигөн.

Медым сылön йöзыслы вöлі гөгөрвоана, А.А.Чернов стöчмöдіс:

— Миянön аддзöм из шомын абу öтилаö пузъысь кокс, сэни уна ва — 6—23%, ёна төвзё — 20—43%, уна пöим — 12—21% да эмось вреднöйторъяс, шуам, сера — 0,6—4,2%. Ковмас тöдмавны вольтöм местаяссö, кодъяс тай 121 лист вылынось.

— Дас во чöжөн кö эгö аддзöй миянлы коланаторсö, кыдз вермам аддзыны öти гожöмö?— падъялісны öткымынъяс.

— Воддза серти ми лоим дас пöв опытнойджыкось,— вочавидзис А.А.Чернов.— Вöчöм удж подув вывсынь миянлы колö кыпöдчыштни öти пос тшупöд — и ставыс.

Печораті шöйтигөн А.А.Чернов ас синнас унаысь аддзыліс ёна важся слöйясысь ставсö, мыйысь артмö коксуйтчысь из шом. Сійös аддзöм вылö надея вöлі ыджыд.

1930 во вылö лосьöдöм план торъяліс аслас ыдждалуннас, гөгөрбок бура арталöмнас. Колö вöлі корсьны ископаемöйяссö медводз 121 листö пасйöм районысь. А.А.Чернов мöдöдіс Н.Н.Иорданскийос Уса катыдö, Полярнöй Ураллön рытывладорö, да тшöктіс котыртны содтöд отряд, коді эськö видлаліс Воркута ю — Усаысь рытыввылынджык.

— Ме думысь, буретш сэни куйлöны пермскöй породаяс,— шуис А.А.Чернов аслас отсасысь Иорданскийлы.

— Ме сöглас тиянкöд, Александр Александрович,— вочавидзис Н.Н.Иорданский.— А мыйла тиян пиныд, Георгийыд, тиянкöд муно Печораö? Ме эськö кöсйи босьтны сійös аслам экспедицияö. Сійö öд тöдö нин пермскöй породаяссö, аддзыліс из шомлысь уна куйланін, а главнöйыс, бура тöдö тундрасö. Ме жö сэтчö первойысь на муна...

— Тулыснас сійö помалö университет,— висьталіс профессор.— Сöгласитчас оз, ті сылысь юалöй асьныд.

Н.Н.Иорданский пыр жö мöдöдіс Москваö телеграмма, и Георгий Чернов радпырысь сöгласитчис ветлыны ылі Усаö да Воркутаö.

Июнь 12 лунö мөдөдчисны туйö. Кыдзи и век, сьöкыдпырысь воөдчисны Троицко-Печорскөдз. Аранечын Георгий Чернов медаліс аслас отрядö куим уджалысьöс: Александр Поповöс, Николай Пыстинöс да Николай Шахтаровöс. Петруньын нöшта содіс öти — Алексей Каменев.

— Ми тiянкөд мусюрсö вермам путкыльтны,— шмонитыштіс Георгий Чернов. Сійö нимкодясис аслас отсасьысьясөн, кодъяс вöліны 16—18 арöсаöсь, да и отрядөн веськөдлысьыслы вöлі сöмын 24 арöс.

Катісны пыжөн Уса кузя, сэсся пырисны сылөн Воркута вожö. Ляпкыдінъясысь гальки пөвстысь Георгий Чернов казяліс ваён шыльөдтөм на из шом торъяс, босьтіс найöс да шуис:

— Став сертиыс тöдчö, кыськö из шом пластъясысь ваыс чуктöдалö тайöс. Көть кыдз, да колö миянлы воөдчыны наөдз.

Косьяс век öтарö содісны, тшöкмисны, туй лои пыр сьöкыдджык и сьöкыдджык.

— Миян туй вылын метрөн-джынійöна—кык метр судта изъяс. Миянлы не венны найöс — эбöstöммыны кутім,— шуис колльöдысьясысь öти.

— Шойччыштам, чöжыштам вын, посниджык изъяссö кiөн вешталам, а гырысьяссö — мачтаяс отсөгөн, писькөдам туй — и водзö,— збодермөдіс Георгий Чернов.— Огö жö сувтöй джын туй вылö.

Сідзи и вöчисны. Писькөдöминті ызгигтыр вувзьысис ва, и сэтi прöйдитісны пыжъяс.

Из шом корсьысьяс кык вежон чöж катісны Воркута юөд, лунысь-лун лои век сьöкыдджык и сьöкыдджык. Вöліны лунъяс, кор эбöstöммöмысла ставныс пласьт куйлісны. Мунісны 90 километр, вуджисны 100 саяс кось, и дас витөд суткинас найö воөдчисны джуджыд тшелляяс дорö.

Став туй кузяыс Георгий Чернов аддзис уна четвертичнöй коляс да пермскöй арлыда породалысь мыччысьöминъяс.

— Сувтламöй да прамöя шойччамöй,— вöзйис Георгий.

Бöрйисны тшöтшкөсін, зэвтисны палаткаяс да заводитісны шырьсыны, бритчыны, мыссыны. Пусьысь тільсис-пестіс би, жугліс юрсö, кыз эськö бурджыка вердны йöзöс. Сөйөм бöрын найö быттö ловзисны, чужöмъяс югдісны, кутісны шмонитны.

Георгий Чернов тшöктіс колльöдысьяслы да гöтырыслы шойччыны, а ачыс вуджис мөдлапöлас, тшелляöсь берегö, медым видлавны сійöс. Сэтысь аддзис кушмөм песчаникъяс да сөйөд сланецъяс, көні тöдчисны ископаемöй быдмөгъяслөн туйясыс.

Отложенияс заводитчанінсянь сё метр ылнаысь, дзик кок увсьыс, Георгий аддзис из шомлысь медводдза пласт. Сійö дзирдаліс сьöд веркөснас сөйөд сланецъяслөн да песчаникъяслөн слöйяс пөвстын.

Дзик матын вöлі из шомлөн мөд пласт, сэсся — коймөд, нельöд... Пластъясыс вöліны öтсымаöсь, сöstөмөсь.

Георгий Чернов тэрыба чукөртіс из шом торъяс да öдйö мөдөдчис палаткаяслань.

Колльöдысьяс ылысянь на казялісны начальникныслысь ыззьöм чужöмсö. Сійö чеччалігтыр локтіс лагерлань, ннмкодъысла эз кыв кок увсьыс мусö. Проводникъяс уськөдчисны сылы па-

ныд. Ызъёмысла тшөкыда лолалігтыр Георгий Чернов пыр жö шыбитіс из шом торъяссö бипурйö. Здук кежлö пуксьыліс шы ни төв. Кор из шомыс кутіс сотчыны, ставнысö шымыртіс ыджыд радлун.

— Сюрис!— шызьом гөлөсөн горөдіс Чернов да уськөдчис кутлыны гөтырсö, проводникъяссö, вывті ыджыд кыпыдлунла уськөдчис көдзыд вой муö, сэсся мөдіс челядь моз котравны. Кыдз нö кутан нимкодълунтö? Весиг видзөднысö из шомыс ёна торъяліс наыс, кодъясöс сійö аддзыліс Интаыс, Көжимыс, Сыняыс, Адзваыс, Заострөннөйыс. Юр вежөрас сэк жö югнитіс мөвп: абу-ö сэтшөм из шомыс, мый йылыс төждыс-лісны батыс, сылөн отсасысьясыс?

Бура ужнайтөм бөрын төлкуйтыштісны водзö удж йылыс да кыпыд сьөлөмөн ставныс мунісны узьны. Георгийлы эз узьсы. Сійөс шымыртісны помтөм мөвпъяс аддзөм из шом йылыс да Воркутаын паськыда корсьысьомъяс йылыс, из шом перйөм йылыс.

Уджалысьяс варовитыштісны на. Найö асланыс палаткаö өзтісны из шом торъясыс бипур, а сэсся төдлытөг унмовсисны. Нем виччысьтөг Георгий Чернов кыліс ымзөм. Палаткаö пырөм бөрын казяліс: сылөн отсасысьясыс кольмөмаось. Сійö зэв ёна повзис да заводитіс кыскавны найөс ывла вылö. Дыр мысти найö кызкö палялісны жö.

Аскинас Георгий да сылөн гөтырыс видлалісны шуйгаладор берегсö. Сэтыс аддзисны витөд пласт, а ылысджык — нөшта кыкөс.

Катігас найö воисны Воркутаö шуйгаладорсянь усьыс Сыръягаö. Тайö ютор пөлөныс мунігөн найö воисны тундраса чум дорö. Сэтчөс көр видзысьяс бура примитісны найөс, вердісны-юкталісны, кольөдісны узьны. Аскинас сетісны геологъяслы яй да сов и көръясөн вайөдісны гөстыасөс палаткаяс да пыжъяс дорö.

Кывтігөн косьясыс ёнджыка вөліны өпаснөйөсь, ваыс вывті визув да. Сьökыд туй бөрын кык лун мысти корсьысьыс воисны Усаөдз. Тайö ю кузяыс катісны кызь километр Елец-өдз, көні и аддзысисны партияса начальниккөд — Н.Н.Иорданскийкөд.

Георгий Чернов петкөдліс Н.Н.Иорданскийлы ассъыс лөсьөдөм карта, дневник, и мөдыс коли дөвөльнөйөн. Но Чернов дзикөдз чуймөдіс начальниксö сэки, кор пуктіс сы пызан вылö аддзөм из шом торъяссö.

— Мыйла нö пырысьтөм-пыр эн петкөдлөй аддзөмторсö?— юаліс Николай Николаевич да мөдіс видлавны из шомсö.

Георгий Чернов лючки-бура висьталіс из шом куйланін йылыс.

— Пырысь-пыр жö мөдөдөй тайөс Александр Александровичлы,— тшөктіс Н.Н.Иорданский аслас отсасысьяслы.— Кутшөм долыд лоö профессорлы.

Янсөдчигас Н.Н.Иорданский топыда сывйыштіс ассъыс прорабсö да шуис:

— Молодеч, Георгий. Тэ вөчин вывті ыджыд да коланатор.

Усть-Усаö воөм бөрын А.А.Чернов сюся кывзіс пиыслыс висьталөмсö, видлаліс из шом торъяссö да зэв лои кыпыд. Но

лабораторияын исследуйттөдз сійö некодлы эз висьтав дона аддзöмтор йывсьыс.

— Тубралöй тайöс ставсö да Москваö воом мысти сетöй анализ вылö.

Москваö мунисны Усть-Цильма, Мезень да Архангельск пыр. Туй чöжыс Александр Александрович мөвпаліс Воркутаса из шом йылысь, кутіс сы вылö ыджыд надея.

Кор вайисны анализлысь результатъяс, Александр Александрович шöйöвошис.

— Бара мыйкö сорöмаöсь,— шуис сійö.— Маша, бөр нуöй, пöжалуйста, тайö бумагаяссö лабораторияö да висьталöй, мый найö вöчöмаöсь Донбасса из шомлы анализ, а абу Воркутасалы.

Профессорлön отсасьысьыс котөрөн нуис бумагаяссö лабораторияса начальниклы да висьталіс ставсö, кыздз тшöктіс А.А.Чернов.

— Сорасьöмъяс миян некор оз овлыны,— шуис начальник.— Но прöверитам.

Мöд анализыс вöлі первойя кодъыс жö. Буретш видлалöма Георгий Черновön вайöм Воркутаса из шом.

Александр Александрович нöшта öтчыд видлаліс анализсö, тэрыба пуктіс пызан вылö бумагаяссö, локтіс лабораторияса начальник дорö да крепыда кутліс сійöс.

— Ме ставсö гөгөрвоа, дона Александр Александрович,— шуис начальник.— Пöся чолöмала тiянöс да тiянлы отсасьысь-ясöс уна вося уджлön вывтi бур результатön.

— Маша,— шызьöм гөлөсön шыясис А.А.Чернов.— Чу-көртöй став отсасьысьясöс, мед ставныс локтасын ме дорö. Юөртны колö ёна коланатор йылысь.

Кор чукөртчисны ставön, А.А.Чернов висьталіс:

— Воркута ю дорысь вайöм из шомлön анализыс татшöм: сэнi эм ва 1,3—1,7%, пакталан соединениеяс 18—24%, пöймтöм кокс 60—68%, пöйм 2—15%, сера 1%-ысь этшаджык, сетö шоныдсö 5500 калорияысь унджык.

Раднысла уналön сөдзöдчис синваныс.

— Чолöмала тiянöс первойя этап бура помалöмысь, тайö вывтi ёна колö страналы,— шуис А.А.Чернов да сэн жö мöдіс сёрнитны водзö уджъяс йылысь.

Воркутаса «делö» мöдіс мунны водзö. 1931 вося апрельын корисны ведомствоясысь представительясöс СССР-са Госпланö. Сэнi видлавсис Воркутаысь из шом йылысь вопрос.

— Таво жö колö лöсьöдны разведочнöй шахтаяс да заводитны перйыны из шом,— совещание вылын висьталіс Госпланса председателöс вежысь Межлаук ёрт.— Корсысыан уджъяс вылö индöма куимсё сюрс шайт, сы дорö нöшта содтам öти миллион сё сюрс шайт.

Шыясис кö нин сэтшöм правительственнöй орган, кызди СССР-са Госплан, то уджъяс мөдöдчасны öдйö. Сидзи и лоис.

1931 вося водз тулысыань Печораö мунан туйяс вылын гыны мöдісны йöз. Корсысысь геологическöй партияяс дiнö, кодъяс мунисны Усаса из шом куйланінъясö, öтувтчисны медводдза разведывательнöй да весиг эксплуатационнöй группаяс. Чукөртчаніннас лои Усть-Уса сикт.

Уса ю — Печоралön веськыдладор вож. Сылön кузьтаыс

654 километр. Сійö заводитчö Полярнöй Ураллön рытыв-вой пöкатын кык юөн — Ичöt да Ыджыд Усаөн. Йывлантьиыс коськöсь, öдйö визувтысьöсь. Косью усянiнсянь ковтысылöн пасьтаыс 5 километр. Юыс уналатi вожавлö. Медыджыд вожъ-ясыс сьлөн: Воркута, Адзва, Колва (веськыдладорсаяс), Косью, Ыджыд Сыня (шуйгаладорсаяс).

Разведывательнöй партияясса начальник И.М.Лямин бөр-йис аслыс местасö Адзва ю дорö, Тайбольскöй из шом куй-ланiнö, да пыр жö мунiс сэтчö.

Рабочöйяслөн да инженеръяслөн Воркутаса группа — 40 морт — воис Ухтаыс инженер Волшановский веськöдлöм улын. Сійö виччысис Георгий Черновлыс воём да «Фриц Зейдель» пароходön, кодi кыскис груз тыра кык баржа, сiдз жö мöдöдчис туйö 1931 вося июнь 25 лунö.

Петруньсянь дас километр сайыс, Фион сиктыс, медалiсны уджалысьясöс: Волшановский — 30 мортöс да Чернов — 2 мортöс.

Воркута ю катыд мöдöдчисны пыжъясөн. Георгий Чернов да горнöй инженер Эрдели катiсны водзвылас, Волшановский — на бөрвылын.

Сизимöд сутки вылас Чернов да Эрдели сьöкыдпырыс воисны из шом куйланiнöдз, катiсны ставсö 92 километр. Эрдели сюся видлалiс из шом пластъяс да лои дөвöлен.

— Удж заводитны условиеяс бурöсь. Нэмчöжся кыныс миянлы танi лоö кивыв: оз лэдз васö,— висьталiс сійö.

Эрдели шуис писькöдны öти скважина юлөн кöдж шөрö, медым пыдiсьыс тöдмавын из шом пластсö, помасьöны найö али водзö мунöны.

Ю кузя водзö катiгөн Георгий Чернов аддзис нöшта кык пласт, найö вöлины выльöсь да куйлiсны воддза пластъяс сер-тиыс му веркöссяньыс матынджык.

— Менам артыштöм серти, Георгий Александрович, танi куйлö уна дас миллион тонна из шом,— шуис Эрдели.— Страналы тайö помтöм озырлун.

— Ме сiдз жö чайта,— вочавидзис Георгий Чернов.

Аслас ёрткöд янсöдчöм бöрын Георгий Чернов мунiс нуöдны Сыр-Ягаыс из шом корсьысьöм, а Эрдели бөр бергöдчис аслас караван дорö, кодi локтiс из шом куйланiнö.

Нималана сöветскöй украинскöй гижыс Павел Михайлович Губенко (Остап Вишня) вöли тайö экспедицияс, и сійö гижис та йылыс бур очерк. Ми вайöдам тайö очерксö дженьөдыш-талöмөн, йöзöдсьö первойыс на.

«Мый сійö лоö катны Воркута кузя груз тыра сьöкыд пыжъясөн? Тайö лоö кыскыны пыжъяссö ас вынөн, волысасьöмөн, но косьяс вылын и волысыс оз отсав — оръясьö гезйыс, пыжъяс табанитчöмаöсь юлөн изъя пыдöсö, сулалöны öти местаын. Колö пырны ваö, горшöдзыд кöдзыд ваö, да йөткавны пыжъяссö. Волшановский петкöдлiс пример, ыштöдiс йöзсö, быдса лунъясөн эз петав ваыс.

Эз вермыны том йöз кольччыны берегö, кор пöрыс инженер уялiс ваын. Пырисны ваö да кыскисны пыжъяс. Öти кöсйöм вöли быдөнлөн — кöть кыз, а öдйöджык воөдчыны из шом дорö. И кор öти уджалыс паныд шыасис, эз кöсйы пырны

ваӧ, мукӧдыс ставныс уськӧдчисны кабыръяснас сы вылӧ. Волшановский муртса вермис дорйыны сійӧс.

— Босьтчинныд мунны, сідзкӧ, колӧ воӧдчыны.

Сэні эз нин вӧвны ыджыдъяс да ичӧтъяс, начальникъяс да подчинённӧйяс, вӧлі ӧти кӧсйӧмӧн йиджтысьӧм коллектив: воӧдчыны из шом дорӧ!

Куим вежон чӧж мунісны из шом дорӧдз. Джын пыжсӧ лои эновтны туй вылас.

Эз чайтны та дыра кыссыны 65 километртӧ, сы вӧсна этша босьтісны и сёян-юан. Эз вермы кутчысьны босьтӧм позиция вылын Волшановский — ковмис бӧрыньтчыны.

Партия колис оборудованиесӧ да бӧр лӧччис Воркута вомӧ, кытчӧ воисны июнь 26 лунӧ да сэні мӧдісны виччысьны содтӧд йӧзӧс.

Июнь 22 лунӧ Воркутаӧ Усаысь петіс мӧд партия, кодӧн юрнуӧдіс ачыс группаса начальник И.М.Лямин. Босьтісны вӧр, сёян-юан, топографическӧй да геологическӧй оборудование и мӧдӧдчисны «Отмель» пароходӧн. Ставыс вӧлі 40 морт.

Весьшӧрӧ «Отмельӧн» абу шуӧмаӧсь: Адзва вомсянь 70 километр сайӧ сійӧ сибдіс ляпкыдіӧ, лыа кӧсаӧ. Воркутаӧдз 250 километр. Мый вӧчны?

Кыскыны вӧвъясӧн груз тыра ӧкмыс пыж 250 километр ылнаӧ — кор сӧтчӧдз кыссян? Волшановский кутас виччысьны сёян-юан, да задание августын сетны нин из шом...

«Отмель» пукалӧ ляпкыдінын и сы вылӧ некутшӧм лача абу. Ни бӧрӧ, ни водзӧ.

Енӧжтас дорын нем виччысьтӧг тыдовтчис тшынтӧр. Мыйкӧ дыра мысти «Отмель» дінӧ матыстчис «Батманов» пароход. Колӧ шуны, сійӧ ёнджыкасӧ муніс катер вылӧ, коді пукталіс Уса кузя быд пӧлӧс навигационнӧй пасъяс да сигналъяс.

«Батманов» босьтіс буксир вылӧ ӧкмыс пыж, пуксьӧдіс йӧзӧс. Вӧвъяссӧ вӧтлісны берегӧд.

«Батманов» кӧть и эз помӧдз, но век жӧ отсаліс — 150 километр сійӧ кыскис пыжаясӧ, а сӧсся — стоп. Ваыс чинӧма, ковмис прӧститчыны «Батмановкӧд», мунны водзӧ вӧвъясӧн.

Вӧвъясӧн... А кытысь гезсӧ босьтан? Гезйыс абу. Туйын тӧдмалісны, мый неылын, Петрунь сиктын, кӧр совхозын эм гезйыс. И.М.Лямин да Гавриляченко мунісны Петруньӧ, аддзисны сиктсӧветса председателькӧд:

— Отсав!

— Радпырысь эськӧ,— шуӧ председатель,— но ӧд совхозыс абу менам, а совхозса веськӧдлысьяс пиысь ӧні некод абу. Найӧ сӧмын тӧвнас волӧны.

— Мый нӧ вӧчны? Не сулавны жӧ миянлы тані тӧлӧдзыс, кор воас совхозса администрация.

— Вот мый,— шыасис Гавриляченко.— Чукӧрт вай тӧ сиктсӧветлысь пленум. Сёрнитчам пленум вылын, ӧд сійӧ тыр праваа сӧветскӧй власть.

Часӧн-джыньӧн мысти чукӧртчис сиктсӧветлӧн пленум. Доклад. Сёрнияс. Пленумлӧн шуӧм: ухтасаяслы сетны гез.

Босьтчисны пыжъяссӧ кыскыны вӧвъясӧн. Юлӧн берегъясыс изйӧсь, крут кыръяӧсь. Вӧвъяслӧн подковъясыс изсьӧны вывті ӧдйӧ. Дортӧм вӧв мунны оз вермы, а подковъяс абуӧсь.

Быттьо ичөттөр: подков. А вот та вөсна делөйс сувтө. Ковмис рельсъясыс дорны вөвъяслы подковъяссө да тадзикөн мунны водзө.

1931 вося августын ухтасаяс воисны Заполярнөй Воркутаө да овмөдчисны сэтчө. Перйисны медводдза бурөвөй скважина, лөсьөдісны прөстөйиник коксуйтчан пач. Опытъяс петкөдлісны, мый Воркутаса из шом зэв бура коксуйтчө, абу омөльджык Донбасса медбур из шомыс.

Но кутіс матысмыны төв. Колө вөлі дасытыны оланінгъяс, сёян-юан. Йөзыс абу этшаөнөсь — 200 морт, полярнөй төв ёна кузь. Вермисны кыпөдны өти пу керка, материалъяслы ичөтик склад, пывсян да пөжасянін. Медводдза төвсө коллялісны землянкаасын. Сэні сайөдчылісны заполярнөй турөбъясыс, сэні вөлі канцелярия и радиостанция. Воркута ю тупкысис йиөн октябрь первой джынйын да кам кынтіс Рудниксянь 25 километр сайө сёян-юан тыра пыжъяс. Төвся туй пуксис сөмын ноябрь төлыс помын. Сёян-юансө ваялісны ас выланис джижгыс төв да турөбъяс дырйи. Сьөкыд вөлі, но уджъяс эз энөвтны.

1932 вося тулыс кезлө шахтаяс лөсьөдөм кузя уджъяс паськалісны. Колө вөлі вөр. Воркутаын сулаліс ичөтик вөр ді — помтөм-дортөм тундраө петтөдз медбөръя рас. Татчөс пуяссө и шуисны керавны. Вөрыс, дерт, лёкиник, жебиник, но мыджөд вылө туяна. Вөрсө лэдзны ковмис сө морт. Йөзсө шуисны корны Усаса группаыс, Адзва вомыс. Но кытыс налы босьтан сёян-юансө? Сёрнитчисны шыасыны отсөгла Обдорскса организациясө.

Воркутасянь Обдорскөдз 150 километр, колө вуджны Полярнөй Урал вомөн. Обдорскө командируйтісны кык мортөс: Ляминлы отсасыс Горшунскийөс да бурөвөй мастер Лазаревөс.

Подөн вуджисны Полярнөй Уралсө Горшунский да Лазарев. Сэтчө воисны лючки-ладнө. Ухтасаяслыс корөмнысө обдорсксаяс могмөдісны: көръясөн ветымын нарт вайисны Воркутаө сёян-юан, Горшунскийөс да Лазаревөс.

1931 воын на шуисны йитны узкоколейкаөн рудниксө да Воркута вом, сы вөсна мый Воркута ю кузя грузсө эз позь новлөдлыны. Узкоколейка вывті позис өдйө нуны и из шомсө Уса вылө, сэсса кылөдны Печора кузя. 1932 воын кутісны корсьны узкоколейкалы трасса.

Воркутаын медводдза шахталы вөлі пуктөма подув 1932 вося июль 1 лунө, мөд шахталы — 1932 вося октябрь 20 лунө. Тайө жө воын стрөйтөма пу радиостанция. Водзті лөптылөм керкасө косялісны, содтісны стрөйтчан материал да кыпөдісны рабочөйяслы да ИТР-лы 4 олан керка. Быд бурөвөйлөн лой шоньд вышка да барак.

Рудникын да көрт туйлы трасса корсьөм кузя сэки уджалісны нин 1500 морт кымын. Налөн вөлі сёян-юан, оланін да лечитчанін.

1932 вося ноябрь 7 лунө ылі Заполяръеын, Воркутаын, медводдзаыс өзйис Ильичлөн лампочка. Заводитіс уджавны ичөтик электростанция.

Нэмөвөйся кын муын велалісны писькөдны шахтаяс. Та кузя ыджыд удж вөчис инженер Дмуховский.

Обдорск—Воркута костын туй абу кузь, но местаыс тōдтōм. Чужис мōвп — стрōитны на костын тракт. 1932—33 вося тōлын та могысь индїсны 30 морта изыскательскōй партия, кодōн веськōдлїс старшōй топограф Виноградов. Сїйō мōдōдчис аслас партиякōд гōраясō. Сѣрнитчисны, сѣян-юан пō найō босьтасны сьōрсьыныс сōмын джын туйсō мунōм вылō, а сэк кежлō ваясны налы.

Ноябрь пом кежлō Виноградов мунїс 70 километр, зэвтїс гōраясын палаткаяс да кутїс виччысьны сѣян. Рōспутаыс торкис ас кадō сїйōс вайōмысь. Дас мортōс Виноградов бōр ыстїс Воркутаō, медым найō отсаласны вайны сѣянтор, а ачыс кызь морткōд кольчис гōраясō, корсис туй писькōданїн.

Виччысисны-виччысисны, но весьшōрō. Сэки Виноградов колис йōзыслы кампет (сїйō неуна вōлї), а ачыс босьтїс òти рабочōйōс, суйис зептас мыйтакō кампет да мōдōдчис Обдорскō.

Кōдзыд да тшыглун вылō видзōдтōг, шутылялысь чизыр тōв улын найō воōдчисны Обдорскō, сōвтїсны сѣян да кōрьясōн пыр жō воисны эновтōм палаткаяс дорō. Сэки и Воркутасянь вайисны сѣянсō понъясōн. Йōзōс лои мездōма кулōмысь. Удж мōдїс мунны водзō и куим тōлысь да джынйōн помалїсны Воркута—Обдорск костын туйлы трасса корсьōм.

Виноградов шензьōдана, ыджыд сьōлōма, смел морт вōлōма. Вывтї ēна тōждысис йōз вōсна, налōн олōмын посниторъяс вōсна. Шуам, сылōн рабочōйяс некор эз петавны удж вылō ва паськōмōн, сїдзи лōсьōдїс палаткаяс да и паськōмсō тшōтш. Палаткаын век вōлї шоньд. Удж бōрын йōзыс быть пōрччысь-лїсны да узыны водлїсны улыс паськōмōн. Дневальнōйяс век ломтїсны пач, косьтїсны паськōм, и став уджалан кад чōжыс, куим тōлысь да джын, сїйō партияысь эз висьмыв ни òти морт.

1933 воын Усаса группалōн центрыс Адзва вомысь вуджис Воркута вомō. Тайō воын Воркутаса из шом перйōм кузя вōліны уна падъялōмъяс.

Сэки Воркутаын уджалїс 8 бурōвōй станок. Буритчōмыс первойсō эз сет бур результатъяс. Тайō и чужтїс геологъяс пōвстын падъялōмсō.

Август тōлысь помалїс падъялōмсō. Разведкалōн результатъясыс вōліны шензьōданаōсь, из шом запасъяссō аддзōма вōвлытōм уна.

1933 воын водзō нуōдчисны шахтаяс писькōдōм кузя уджъяс. Стрōитōма механической мастерскōй, парōвōй водоотлив, парōвōй лебѣдкаяс.

1934 воын вōлї дасьōсь лэдзны эксплуатацияō кыкнан капитальнōй шахтасō. Август 1 лун кежлō эштōдōма узкоколейка стрōитōм».

1932 воō войвылō мунїс сы мында экспедиция, мыйта некор на эз вōвлы,— комын сайō геологической партия. Г.А.Черновлы колō вōлї исследуйтны Большая Роговая ю кывтчōс, Петруньсянь заводитōмōн. Нѣль сутки чōж мунїсны Архангельсксянь Нарьян-Марōдз, а сѣсянь Печора катчōс пароходōн Усть-Усаōдз, сѣсса уджаланїнōдз.

Георгий Александровичōс Петруньын виччысисны коллекторъяс — Ленинградса куим студентка: Муза, Нина да Клава.

Нывъяскөд аддзысьом бöрын Георгий Черновлы дум вылас уси батыслөн висьталöмыс, кызди сийö 1911 воын татшöм жö томиник нывъясöс Москваса Вышöй женскöй курсъяс вылысь интересуйтöдiс Печораөн, нуöдiс сэтчö, и найö нэмыс кежлö йитiсны олöмнысö тайö суров крайыскöд.

— Кöсъянный кö тi ассыныд тöдöмлунъястö да выннытö сетны Печоралы, татысь тi аддзанныд ставсö, мый тiянöс интересуйтö,— висьталiс нывъяслы Георгий Чернов.

— Первой видзöдлам татчöс местаяссö, сэсся решитам,— вочавидзисны нывъяс.

Ленинградсянь кузь туй да начальникнысö дыр виччысьом мудзтöдiсны нывъясöс. Уджъяс заводитöм бöрын найö сайкалышгiсны, кутiсны асьнысö бура. Найö эз повны ном-гебйысь, войся кöдзыдъясысь да лайкъялысь тундраысь.

Но век жö интересуйтны студенткаясöс Печораөн, сылөн проблемаясөн Георгий Черновлы эз удайтчы. Вывтi на томöсь вöлины нывъясыс и олан опытыс налөн ичöt, да и ачыс Чернов вöли том на.

А.А.Чернов 1932 воын ветлiс Воркутаö, медым тöдмасыны из шом куйланiнъясөн. Александр Александрович медводз тöдмасис фаунаөн — кöсийс тöдмавны Воркутаса из шомлысь арлыдсö.

— Из шомыс нижепермскöй,— вöчис вывод Александр Александрович.

Профессор колис дөвöлен разведочнöй уджъяс водзö нуöдöмөн да 8-öд шахта стрöйтöмөн. Сийöс вöли панöмны Воркута юлөн ыджыд кöджö, кытысь 1930 воын Г.А.Чернов аддзис мыччысьом из шом пластъяс.

1933 вося январын СССР-са Госплан чукöртлiс природнöй ископаемöйяс кузя секторлысь заседание, кöни видлалiсны Печора бассейнын 1931—32 воясö нуöдöм геологическöй уджъяс. Доклад вöчис Ухтопечорскöй экспедицияөн веськöдлысь Н.Н.Тихонович. Заседание примитiс геологическöй уджъяс да рудникъяс стрöйтöм кузя тöдчана решениеяс.

Георгий Александрович Черновлысь ышöдiс сьölöмсö удачаыс, страналы пöлезнöй удж вöчöмыс, и сийö дасмындаалöм вынөн водзö корсис батыс веськöдлöм улын пöлезнöй ископаемöйяс.

1932 воын Н.Н.Иорданский аддзис Пай-Хой боковыс жебиник из шом петасъяс.

— Александр Александрович, котыртöй экспедиция Пай-Хойö,— шыöдчисны Геологическöй комитетын Чернов дорö.

— Кодъяс сэтчö пырасны?— юалiс А.А.Чернов.

— Куим съёмочнöй да кык разведочнöй партия.

1933 воын экспедиция воис Архангельскö, а сэтысянь пароходөн — Вайгач дi вылö.

Вывтi сьöкыд вöли экспедициялы, но сийö тöдмалiс бурторъяс. Пермскöй арлыда из шом сора породаяс сюрины Пай-Хой пöлөн 60 километр кузъта местаысь — Янгарейсянь Нямдаöдз.

Пай-Хойын нуöдöм уджъяс висьталiсны, кытчöдз войвывладорын нюжалö Печораса из шом бассейн.

1934 вося август 25 лунö Севернöй геолого-гидро-геодезическöй трест шуис, мый Г.А.Чернов медводз восьгiс Воркутаысь

из шом, да сетіс сылы сюрс шайт премия. Тайö вöлі тöдчана-торйöн том геолог олöмын.

Колисны вояс... Воркутасянь воысь юörъяс радуйтісны Г.А.Черновös. 1934 вося сентябрь 1 лунö сетіс медводдза из шом 8-öд шахта. Воркутаса из шом первой кадас нулісны Воркута вомöдз узкоколейка кузя, а сэсянь Уса да Печора кузя баржаясöн. 1937 воын правительство примитіс Печораса көрт туй (Котлас—Воркута) стрöйтöм йылысь постановление. Тайö көрт туй кузя заводитісны ветлыны рабочöй поездъяс 1941 воын.

Öти-мöд бöрся кыпалісны шахтёръяслöн посёлокъяс, сы лыдын и Воркута, коді öні лоис ыджыд карöн.

Воркутаö воывлігöн Георгий Александрович аддзис карлысь быдмöмсö да шензис öдйö мунысь строительствоöн.

Война дырйи вöлі лöсьöдöма 20 шахта. Öні Воркутаын уджалö 40 шахта, на лыдын Заполярьеын медыджыдыс — 5—7-öд шахта (Капитальнöй), коді кутас сетны сизим тысяча тонна коксуйтчысь из шом быд лун. Шахтаын уджалö öнія техника, нуöдöма комплекснöй механизация, пыртöма автоматизация.

Ыджыд удж вöчисны Войвылысь из шом корсьöм кузя Черновъяс, Варсанофьева, Добролюбова, Сошкина, Шульга-Нестеренко, Раузер-Черноусова да уна мукöд геологъяс, коми вöралысьяс, туй индалысьяс, и налöн уджныс эз вош весьшөрö. Кыптіс войвывса кочегарка, коді сетö страналы век унджык и унджык ломтас.

*Комиöдіс да литературнöя
лöсьöдіс Д.Конюхов.*



Öти важ фотоснимок йылысь*



Кольöм वोся октябрын миян республикаса общественность пасйис тöдчана коми гижысь Тима Вень чужан лунсянь 80 во тырöм. Писательяслөн бригада ветлис Помöсдинö, котыртис гажа коми рытьяс Помöсдинын, Скөрöду-мын, Вöльдинын.

Тима Веньöс ёна пöчитайтöны Эжва йывса сиктьясын да грездь-ясын, бур кывйöн казтылöны олöма йöз и томъяс. Сиктса войтыр быдлаын сьылöны Тима Вень кывъяс вылö лöсьöдöм сьылан-кывъяс, петкöдлöны сцена выв-сянь сьöн гижöм «Ныв сетöм» пьесасö, лыддьöны сылысь кыв-бурьяссö.

Тыр-бура гöститöм бöрын миянлы воис кад мöдöдчыны По-мöсдинысь: öтияслы веськыда гортö, Сыктывкарö, мöдъяслы — Усть-Куломö, а ме шуи волыны Усть-Немö. Сыктывкарö да Усть-Куломö мунысьясöс пыр жö лэбöдис самолёт, а Усть-Немö самолётыс оз лэб быдса кык лун. Мый вöчан, ковмис мунны Тима-Вень ныв-пиян ордö. И нелючкиыд меным бергöдчис бур-торйö. Муза Вениаминовна да Вокан Вениаминович сетисны меным видлавны батьныслысь архивсö — гижöдъяссö да фото-снимокъяссö.

Гижöдъяс йывсьыс сёрниыс лоö мöдысьджык, а öнi ме кöсья висьталыштны öти фотоснимок йылысь. Сийöс ме петкöдла тайö лист бокын. Тима Вень пукалö кутшöмкö том морткöд. Кодсю-рöлы том мортыс кажитчö весиг нылöн. Но тайö абу ныв, а том зон, сöмын вывти на том да нэр. Тыдалö, комсомолын уджа-лысь: морöсас сьлөн «КИМ» значок.

Кодi нö Тима Венькöд орччөн пукалысьыс? Кор найö снi-майтчылöмаöсь?

Челядыс Тима Веньлөн оз тöдны. Мамныс, буракö, некор жö абу висьтавлöма. А гашкö, и ачыс абу тöдлöма. Вокан тай шуö, снiмайтчылöмаöсь пö коркö 20-öд вояс помын-а.

Первойсö ме чайти том мортсö Öлек Öндрейöн, кодкöд ёна дружитлöма Вениамин Тимофеевич. Öлек Öндрейыс — Андрей Алексеевич Попов, Усть-Немысь. Велöдчылöма Краснöй профес-сура институтын. Коми литература радейтысьяс тöдлисны сийöс кызди ыджыд мывкыда литературнöй критикöс да литературо-ведöс. Но сийö водз кувсис.

Усть-Немын ме петкöдлi карточкасö сэтчöс йöзлы — сельсö-ветса вöвлöм председатель Григорий Андреевич Поповлы да öткамын мукöдъяслы, олöма йöзлы, кодъяс бура тöдлисны Öлек Öндрейöс. Найö ставныс шуисны:

* Гижöдыс 1971 वोся.

— Абу, тайо абу Олек Ондрей.

Сэсса устьнемсаяс вель уна индод сетисны, висьталисны, кытчө-мый туясьны, кодлысь юасьны, кысджык туйпомсö корсьны Олек Ондрей семьялысь, рөдвужыслысь.

А Тима Венькод орччон пукалысь том морт йылысь некод эз вермы висьтавны нинöm и Усть-Немын. Сэтчö волöмыс пöшти весь лои.

Сыктывкарын корсьысьöмъясöс ме нуоди водзö. Корси найöс, кодъяс тöдлисны Олек Ондрейсö, и налы тшöтш петкöдлi тайö фотоснимоксö. Волi Галина Дмитриевна Карманова ордö. Верöсыскöд, Григорий Аврамовичкöд, найö уна во велöдисны Усть-Немын да Помöсдинын. Галина Дмитриевна висьталiс уна интереснöйтор, и не сöмын Олек Ондрей йылысь. Фотосö видлалöм бöрын чуйдöдис шыасьлыны на дiнö, кодъяс 20-öд воясö уджалисны Усть-Куломын.

И меным пыр жö уси дум вылö важысянь да бур тöдса — филологическöй наукаяс кузя кандидат Анастасия Ивановна Кипрушева, кодi пенсия вылас петтöдзыс дыр уджалiс пединститутын. Верöсыскöд найö велöдлöмаöсь Усть-Куломын.

Ме ветлi Кипрушевъяс ордö. Ёна кузя эг и кут висьтасьны, а регыдджык мыччи фотокарточкасö. Анастасия Ивановна дыр видлалiс сийöс, мыйкö весиг кöсйис шуны, но чöv олiс да сетiс верöсыслы — Пётр Васильевичлы. Сийö муртса сöмын видзöдлiс, а сэсса паськыда нюмдiс да серамсорөн шуис:

— Тайö жö Кирö Мить. Уджавлiс комсомолын. Фамилияыс сылөн Моторин. Дмитрий Кириллович Моторин.

Чай чашка дорын ми вель дыр на сёрнитiм. И помкаыс талы вöлi: Пётр Васильевичлөн воöма лун-мöд кeжлö пиыс, Владимир, кодi уджалö школаса директорөн Интаын. А сыкöд ми тöдсаöсь, öтлаын уджавлiм, а таыс öтдор Владимир Кипрушев менö велöдлiс заочнöй среднöй школаын...

Кирö Мить йывсьыд кöзяиныс, Пётр Васильевич, ещö на висьталiс:

— Моториныдлөн öти чой, Анисья нима, Анатолий Фёдорович Ракин сайын, кодi сiдз жö уджавлiс комсомолын, а сэсса вöлi партийнöй удж вылын.

А.Ф.Ракин йылысь меным висьтавны оз ков. Сыкöд ми 35 во сайын на тöдсаöсь вöлiм, кор кыкнанным комсомолын уджалiм. Уна ва сэксянь визувтiс, но ми öта-мöднымöс бура тöдам. Öнi сийö уджалö видз-му овмöс кузя министерствоын.

И со ме Ракинъяс ордын. Олöны найö зэв пельк да югыд кык комнатаын. Дженъдыка висьталi, кыдзи да мый, а сэсса сетi карточкасö. Сийöс видлалисны. Первой Анисья Кирилловна, сэсса Анатолий Фёдорович. Но мыйлакö некодныс нинöm эз шуны, эз петкöдлыны некутшöм радлун. Видлалисны быттö дзик тöд-тöмъяслысь карточка...

— Мунö сы вылö. Но танi сийö вывтi нин том, а ме тöда Дмитрий Кирилловичöс кыдзи солиднöй мортöс, полковникöс, оборона кузя Министерствоса уджалысьöс. А танi абу и мужичöй кодь весиг... — шуалö Анатолий Фёдорович.

Анисья Кирилловна содтö:

— Сы кодь, дерт. Но зэв нин тайö важся фотографияыс. А сэсса öд ми сыкöд абу öти батысь...

Ме весиг шай-паймунi. Со кыдзи овлö. Надейтчан мыйкö вылö, а сэсса друг ставыс киссьö.

Но Анатолий Фёдорович сетіс Моторинлысь Москваса адрессö, висьталіс, мый олö сійö Строительяслөн 1-ой улица вылын, 7-öд керка, I-й корпус, 64-öд патера. Висьталіс, мый сійö Пöддельнойысь ачыс. Збыль пö уджавлöма 20-öд вояс помын Кулöмдінса укомолын. А öні сылы 60 арöс сайö нин.

Ме пыр жö гижи вель кузь письмö Дмитрий Кирилловичлы, снимоксьыс вöчöді копия да тшöтш пукті письмöас. Кори гижны, збыль-ö, мися, тэ снимайтчöмыд Тима Веньыскöд. А тэ кö, мися, то кор да кызди тайö лоис. Кори дженьыдика юöртны и аслас олан туй йылысь.

Письмöсö ме лэдзи пошта кудйö ноябрь 6-öд лунö, а ноябрь 11-öд лунö нин воис воча кыв.

Со мый гижö Дмитрий Кириллович Моторин.

«Тиянön ыстöм фотокарточкаыд веськаліс стöч сэтчö, кытчö колö. Вениамин Тимофеевич Чисталёвкöд пукала ме. Снимайтчим сы ордын гортас, Помöсдінын, 1929-öд во заводитчигön.

1927—1930-öд воясö ме уджалі пионерьяслөн уездной бюроса председательön, а сэсса комсомол райкомса секретарön Усть-Куломын. Тöдмасьлі Тима Венькöд 1927 вояс сентябрын. И бöрынджык, кор волі Помöсдінас, век пыравлі сы ордö. Тöдмасьöмыс лои тадзи. Сылön вокыс Иона Тимофеевич (Жан Морöс) кувсис, да сійöс гуалöма менам чужан сиктын Пöддельнойын. Та йылысь ме висьтавлі Тима Веньлы. Сёрнитлім сыкöд и сы йылысь, кызди миянысь муніс аслас медбöрья туйö Домна Каликова...

Сэсса миян вöліны öтувья тöдсаяс: Ижмо-Печорской полкса вöвлöм комиссар М.Т.Трубачёв — менам мамлön вокыс, кодкöд Тима Вень велöдчылöма Дереваннойса второкласной училищын; миян сиктса учитель П.С.Токмаков, коді велöдлöма тшöтш и Помöсдінын; Афанасий Андреевич Маегов — бара жö Помöсдінса вöвлöм учитель.

Ме верма висьтавны, мый Тима Веньлысь öткымын гижöдъяс лыддылі медводдзаön. Татшöм гижöдъясыс вöліны «Трипан Вась», «Важ олöм колльöдöм», «Ленин гу дорын», «Му вежандыр».

Водзö Д.К.Моторин гижö, мый 1930-öд воын сійö муніс велöдчыны Москваö, Тима Венькöд волысьöмъясыс помасисны.

Дмитрий Кириллович Моторин 1937 воын помалöма Военной инженерной академия да лöма военной стрöительön. 1937—1943 воясö служитöма Сöветской Армияса разной частьясын. Сэсса куим во уджалöма КПСС ЦК-ын. Та бöрын 1954 воöдз вöлöма Севастополь выльысь стрöитöм кузя управлениеса главной инженерön. Д.К.Моторин — инженер-полковник, технической наукасса кандидат, РСФСР-са заслуженной стрöитель, сійöс наградитöма 12 орденön да медальön.

Со татшöм мортön лоис Кирö Мить (тадзи сійö кырымавліс газетьясö ассьыс гижöдъяссö) — сійö том комсомолецыс, кодöс бура тöдліс да кодкöд öтлаын снимайтчис коми сöветской литературалы подув пуктысьясысь öти — Тима Вень.

Тадзи воссис ещö öти интересной лист бок 20-öд воясса литературной олöмысь. Тайö кöть и ичöтика, но восьтыштö Тима Веньлысь öбликсö. А сыкöд тшöтш лои висьталöма и ещö öти интересной морт йылысь.

Георгий Торлопов.



Пельтём Страдивари

ВИСЬ Т

Иван Петрович Лошкарёв, висьодчём вылө видзөдтөг, воис удж вылө шылада-драмаа вужвойтыр театрас, көні плөтникаліс уна во чөж, буретш стөч кадө. Первой перйис кильчөувса кла-довкасьыс гөлик, совок да ведра; пелькөдіс кильчө вывсө, поссө да матігөгөрсä асфальт туйсө, сэсся нин пырис театр пытшкас; видзаасис важиник телепонсө да ключ тыра шкапсө видзысь Нина Николаевна вахтёркөд; прөйдитіс пемыд кулиса сайөдыс сцена вылө, сувтіс шөрас.

Сценаыс вөлі краситтөм, ёна вушйөм, кок улад төдчысь увъ-яса; быд воськов вылө вочавидзліс нюж грымгөмөн, но тайөс пөрысь плөтник важөн нин эз кыв: коркө висьмис гриппөн, некымынысь несйис, и лоис пельтём. Велаліс овны выль ног — кывзыны синнас да чунь помъяснас. Малыштас пөвортө, печиктас,— и төдө, мый видзө пуыс пытшкөсас: сигудөкльысь ловсө либө кутшөмкө спектакль вылө декорация. Сигудөк ловыс кө эм, Пельтём Страдивари — сідз нимтөны сійөс артист-ёртъ-ясыс — пуктө пөвсө бокө. Бөрийөм пөвъясыс кадөн чукөртчөны непөштө өти сигудөк вылө, а дзонь оркестр вылө тырмөмөн, но Лошкарёв оз тэрмась вөчасьны, а пыр мыйкө виччысьө. И со воө кад чукөртны сигудөк. Аттө дивө, кутшөм шуда тайө кадыс пөрысь мортыды! Чуньяс вөрөны, синъяс югзёны, вежөрыс лэбач гөн кодь кокни лоө. Чер, струт, пурт, стамеска — ставыс лючки, лада, писькөс. Гөз-мөд лун мысти сулалө нин верстак вылас дась сигудөк. Мыгөрыс артмө юсь, дзодзөг либө тар кодь. Лым еджыд, но регыд мастер пуас лак,— ассьыс лак, гуся лак. Мый сөмын оз тэч лак пуан дозъяс. Каморкасьыс пөльтө быд-пөлөс чөскыд сир дукнас, быттьөкө тэ он пөдвалө лэччы (сто-лярка жыртөрсө йөртөма подвалө), а гажа пармаө пыран — юрыд бергөдчө. Лолалан да лолалан, исалан да исалан — он пөт, пыр нөшта колө, пыр ёнджыка көсьян. Но регыд мысти чөскыд дукуыс бырө, лакуыс косьмө, чорзьө, лышөдчө ки улын, и плөтник сетө ассьыс «кагасө» Сашка-музыкантлы: видлы пө, донъяв! Мөдыс эськө радлө, но раддунсө нинөмөн оз петкөдлы: выль инструментыд вермас и лөгасьны. А лөгасяс кө, сэсся во-дзө төлкыс абу. Сашка тайөс бура төдө, сы вөсна выль сигудөксө босьтө меліа, видзчысьөмөн; канифольнас дыр зыралө смычокыс-лысь сисө; медбөрын пуксьө улөс вылас, сигудөксө пуктө морөс весьтас, лосьөдчө... «Страдивариыд» виччысьө, оз тэрмөд ёртсө:

төдө, мый выль инструменгыс вермас лөгасыны... И со, шуда здук — Сашка инмө струнаө... И пулөн лов шыыс петө мирө... паськалө... лэбө пемыд, куш залө... пьськөдчө бусось кулиса пыр декорация жыръяс, көн сулалөны фанера «БТР», мойдса керка, картон мыръяс, көр куён вевттьом «Ясөвөй» пьесаыс чом, наргы да мукөд уна пөлөс чуймөдана «лөп»; кайө вылас, көн софит костъясас өшалөны салапан плёнкаа айсберг да пенопластыс Сө изъя Ен...

Страдивариыд кылө али оз? Мыйла копыртөма юрсө? Мыйла куньөма синсө? Мыйла вощьөма вомыс?.. Мый лоөма мортыс-көд?!

А со мый — талун чужис выль сигудөк!



Номерсө печатьө кырымаліс А.Полугрудов.

ПЫДДИ ПУКТАНА АВТОРЪЯС!

Редакцияө гижөдъяснытө ыстигөн быть колө юртны:

1. Ассыныд ним, вич, ов; кор да көні чужлөмныд (лун, төлысь, во).
2. Паспорт юбрьяс: номер, серия, кор да көні сетісны, гортса адрес (прописка серти).
3. Индивидуальной налогөвөй номер — ИНН (кодлөн эм).
4. Страхөвөй свидетельство номер.

Тайөс юөрттөг редакция гонорар оз вешты.

*Журналын йөзөдтөм гижөдъяс
редакция оз рецензируют и авторыслы найөс оз мөдөд.
Редакция оз век во өти кывйө авторъяскөд.*

Комп. набор и верстка **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).

E-mail: kodzuv@mail.ru

Подписано к печати 15.08.2011. Формат 70х108^{1/16}. Печать офсетная. Усл. печ. л. 7; усл. кр.-отт. 8,4; учётно-изд. л. 7,54. Тираж 750. Заказ № . Регистр. ПИ № ФС 3 - 0226. Публикация материалов, направленных на освещение реализации социально значимых проектов, осуществляется при государственной поддержке в форме субсидии Агентством Республики Коми по печати и массовым коммуникациям. Отпечатано в ООО «Кировская областная типография», 610000, г. Киров, проезд Динамо, 4.